

ATTO SAN JUANPA' EÑOTATER YOMPOR ÑEÑTCHA' ATET PERRTSA TSAPATONET EL APOCALIPSIS

Atto Yomporpa' gatyesan Puechemer Jesucristo

¹ Añ ñoñets ñeñtpa' atto Yomporpa' gatyenan Puechemer Jesucristo, allochñapa' ñachña eñotatyese' allohuen ñeñt torra'yetsa Yomporecop. Ñeñtcha' eñotatanetpa' ñeñtpa' ñeñtcha' ahuen atet perra ama't esempo. Atto eñotaten na, ñapa' ahuo't mueñon po'millañoñer, allochñapa' ñach negatyese' na ñeñten sochetsa Juan ñeñten torretsa ñocop, allochñapa' attoch eñoch ñaña allohuen ñeñt torra'yetsa Yomporecop.

² Tarro'mar napa' nach eñotatahuet allohuenet ñeñt e'ñe po'ñoçh ñeñt atet eñotatenen Yompor po'ñoñ ñaña ora ñeñt allpon eñotatenen Jesucristo ama't ñaña ñeñt ora allpon gatyennet.

³ Atarrcha' cosheñtso'tsen ñeñtcha' lleyatene' acheñenesha' añ ñoñets ñeñt huetsa Yomporeshot ñeñt yeñotatene' ñeñtcha' atet perra esempo. Atarrcha' cosheñtso'tsa'yen ñaña allohuen ñeñtcha' e'mñotene' añ ñoñets ñaña e'ñech ayemuetpo' enteñet, ora allpon ñoñets ñeñt aquellcaret arr. Tarro'mar o' çhampoch allempoch etsotuerra añ ñoñets.

*Atto Juanpa' quellcan cançherr ñeñt anetser all
apçha'yena allohuen ñeñt ame'ñenaya Cristo*

4-5 Napa' o'ch nequellconas carta allohuenacpas ñeñtes ap'cha'yetsa e'ñe same'ñeñoñ Yompor all ñeñt po'poñe'ttsocma anets ñeñt can'cherr ñeñt Asio'tsa'yen. E'ñe nehuom'cha'teñoñtespa' o'ch notas: Yomporepa'chña semueraya epuet ñaña Puecamquëñ epuet ñaña Puechemer ñeñt Jesucristo. Ñetepa'chña sebensare'tam'pene'. Añ ñeñtara Yompor ñeñt 'chocma eñall, ama't ahua'otoñ 'chocma eñall ñaña ñeñtara ñeñt'cha' huerrtsa po'pocheño. Ñaña Puecamquëñ ñeñt'pa' ñeñtara can'cherr ñeñt sher'ba'yets e'ñe all po'conaño e'ñe po'poñe'ttsocma sherbenet. Ñaña ñeñtara Jesucristo ñeñt atarr ayemuetpo'yenten ñeñt ora allpon ñeñt eñotateney; ñaña ñeñtara Jesucristo ñeñt ñanom tanterrtsa puerrom'ñoñ ñapa' amach alla rromuerre'te. Attoña pa'm'cha'tare'ter peñ allohuen ama't allohuen an'cha'tare'te'chno a'ñe patsro. Ya'ye'cho'chtatoñepa'ch ñeñtara Jesucristo ñeñt atarr amorrentña, e'ñe ña puemorrenteño'teypa' attoña rroma yocop alloch'ñapa' attoch ashata're'tta po'r'ras e'ñe yocop alloch'ñapa' attoch e'ñe e'shohua're'tterra yo'ch'ñar.

6 Ñaña ñapa' attoña e'ñe cohuen aguëney attochña ya'm'cha'tare'ttapretera attochña yesher'ba'preterrñañ Pompor ñeñt atarr Parets, attey ñerra'm'rrate' ñeñt corneshatets Partsocop. A'cohuentaterrapo'ch Jesucristo, an'cha'tare'ttepa'ch tayoteñ ama't errpono-huañen. Ñeñt'pa' attetepa'ch Yompore.

7 O'ch secueñ huerrach Cristo, oscha' a'suata'm'perre'. Ama't allohuen acheñenesha'pa'

entuapueretcha' e'ñe pa'clloyotet. Ama't ñeñt pata'te'pa' entuapueretcha' ñamet. Allempoña ñeñt shonte' pa'namen acheñenesha' ñeñt ye'cha'yetsa arr patsropa' ya'na'tapueretcha' e'ñe puellquëño'tet. Ñeñt'pa' e'ñech atet perra.

⁸ Yompor ñeñt nanac Parets ñeñt Yepartse-shar yepen ñapa' chocma eñall, ama't ahua'toteñ chocma eñall, ñeñt'pa' ñeñt'ara ñeñt'cha' huer-rtsa po'pocheño. Ñapa' atet'ña ot: "Napa' e'ñe pa'motroteñ eñallen atten ñerra'mrrate' quellec A ñeñt pa'moter pen alfabeto. Allempoteñña napa' chocma eñallen esempohuañencha' huañerr ñeñt allpon eñall, napa' atten ñerra'mrrate' quellec Z ñeñt all puen alfabeto." Añpa' allohua ñeñt atet toma'ntatena Cristo.

Atto Cristopa' orrtana Juan e'ñe po'cohuentaño't

⁹ Te' napa' ñeñten sochetsa Juan o'ch alla noterrser. Napa' ñeñten e'ñe semo'nasheñ se'pohuenen sa. Napa' ñeñten semuero'chtapretenaya e'ñe yame'ñeño't Jesús. Ñaña e'ñe yeyemteño't ñapa' e'ñech aco'pa es ya'huanten esheccha' ya'm'cha'tarettapretera. Ñehua, napa' o'ch neñotatas ñeñt atet nepena na arr. Ahuañmo'cha napa' e'ñe neserrpare'teño't Yompor po'ñoñ ñeñt atet eñotatenen Yepartseshar Jesucristo, añña ñeñt ne'moñe'tene'pa' o' huapore'tenneta' arr atarr allap'ar all rro'chpe'chañe'tollo ñeñt otenet Patmos.

¹⁰ Pam'tarr allempo chapa'muen añe yetro allempo chocma yeyerpueña Yompor napa' neyerpueño't ñapa' e'ñe machayo'ta chorratna

huomenc Yompor Puecamquëñ. Allempoñapa' machayoŧa ne'm ñoñets huapa necha'ñoŧ. Atarr huomenc eñen atet ñerra'mrrate' poctor e'morrtetsa huomenc. Ñeñŧpa' atet oten añ ñoñets:

11 —Napa' ñeñŧen ñanom eñallen, allempoteñña napa' chocma eñallen ama't esempohuañencha' huañerr ora allpon ñeñŧ eñall, napa' atten ñerra'mrrate' quellec A ñeñŧ ñanom huetsa alfabetoŧ, arrohua all huañen alfabeto ñeñŧ yoten Z. Te' napa' o'ch notapŧ ñeñŧ ora allpon ñeñŧcha' negatyesaŧ añ poctetsa o'ch pequellca'yes pepaŧllo alloŧpa' o'ch pemñe all anetsočno ñeñŧ cancherr ñeñŧ apcha'yetsa all pa'namen anetso ñeñŧ ame'ñetsa. Ñeñŧ ñanom añ pa'so'cheñ Efeso, alloŧpa' Esmirna, alloŧpa' Pérgamo, alloŧpa' Tiatira, ñaña Sardis, ñaña Filadelfia, alloŧpa' ñaña Laodicea. Ora añečno anetspa' ñeñŧ Asio'tsen.

12 Allempoña ne'muen atet ñoñetspa' nañapa' neptallsa o'ch neñch esesha'te' ne'ñorana'tenaya. Allñapa' nent cancherr ñeñŧ all orratenet huerare allo choyo'tenet ñeñŧpa' oro ayečcataret.

13 E'ñe rrocho ñeñŧ cancherr all orratenet huerare all orrtena puesheñarr yacma ñeñŧpa' Jesucristo ñeñŧara Ñeñŧ Acheñetosets. Ashtamaŧ, pa'shtampa' e'ñe čhen pa'tcohua. Achanaret, po'chanarpa' orotommuen ñeñŧ allo chanena puesomapo.

14 Poñoŧ pue'chpa' e'ñe ora atarr huallama't atet ñerra'mrrate' carrnero pue'ch ñeñŧ e'ñe huallama't. Amapa' o'ch not pue'chpa' e'ñe ora huallama't atet ñerra'm senet ñeñŧ otenet nieve ñeñŧ atarr huallama't. Pa'cille'pa' atarr poptena atet

ñerra'mrrate' tso' po'huorter nanac a'rrechatañ.

¹⁵ Pa'tacpa'cho'ña attecma poptena atet ñerra'm aser yachamuen. Allempo eñorena e'ñe atet e'morrtena po'ñoñ atet ñerra'mrrate' shonte' oñ atarr huomenc ma'moreten.

¹⁶ Pot po'cohuenrotpa' orrenan cancherr ranto. Puenamo'tpa'cho'ña all orrtena cochell ñeñt emoshemto'mar etsotañtaref. Ora pa'tsa'pot e'ñe atet poptena ñerra'mrrate' atsne' atarr huomenc a'rrechatañ.

¹⁷ Allempo neñchpa' e'ñe neñcha'na'teño'tpa' nañapa' o' nerrmosa patso e'ñe pa'tco. Ney-orño'tpa' ama nepelleno ama't mamesha, cha notena ñerra'mrrate' cho nerromuen. Tarraña ña potot po'cohuenrot a'plla'n, oten:

—Amach peñcha'tatsto, napa' ñeñten ñanom eñallen, allempoteñña napa' chocma eñallen ama't esempohuañencha' huañerr ora allpon ñeñt eñall.

¹⁸ Napa' ñeñten ama arromña'teshayayno. Ama't nerromhua ahuaña tarraña te'pa' o' alla nocrrerra, amach alla nerromuerre'te ama't ahuata. Ñaña napa' nechen llave, ñeñt nehuamenc nepen alloch pomnaren nepen rromueñets ñaña ñeñtcha' aguërre' allohuen ñeñt rromuets.

¹⁹ Te' pöcoppa' añ poctetsa o'ch pequellca'yes ora ñeñt allpon o' negatyeseþ ñaña allpon ñeñtcha' negatyerrperr ñeñtcha' atet perrtsa esempohuañen.

²⁰ Nehua, te'pa' o'ch neñotataþ ñeñt atet toma'ntena añ cancherr ranto ñeñt penten e'ñe notot necohuenrot ñeñt ama eñotenaye' penteno. Ñeñt cancherr rantopa' añ toma'ntena

ñeññ cohuam̄pesyenahuet ora allohuen ñeññ
name'ña'yenaya allemeñ ñeññ cançherr
anetso ñeññ apçha'yetsa all. Ñaña ñeññ atet
pent ñeññ ayeçhcataret oroch all orratenet
huerare, ñeññpa' añ toma'ntena ora allpon ñeññ
apçha'yetsa allemeñ anetso ñeññ cançherr ñeññ
name'ña'yenaya.

2

*Atto Juanpa' quellcan carta añecop ñeññ
ame'ñetsa anetso Efeso*

¹ Ñeññ neserrpare'tatene' ñapa' alla oterrner,
ñapa' atet oten:

—An poctetsa o'ch pequellca' carta añecop ñeññ
cohuam̄pene' allohuen ñeññ ame'ñetsa all anetso
Efeso, o'ch p̄otanet atet: “Napa' o'ch nequell-
conas carta attoch neñotatas ñeññ atet otenes Je-
sucristo ñeññ orrene' cançherr ranto e'ñe all poto
po'cohuenrot, ñeññara Cristo ñeññ chope'chets
rroçho e'ñe allo'tsen ñeññ ayeçhcataret oroch all
orratenet huerare.

² Ñaña'pa' atet otenes: ‘Napa' neñotuennas ñeññ
ora allpon atet sepa'yena all. Napa' e'ñe nentuen-
nas ñeññ allpon nanac setorra'yena ñaña allpon
ñeññ e'ñe cohuen acoḗa es sa'huanta'huanen.
Ñaña napa' e'ñe nentuenes sapa' ama saguëñe
ñeññ ama cohuenaye' es pa'yetso. Sapa' atto set-
patyeñ ñeññ otetseñ ñetpa' allsensareteto' tarraña
ñetpa' atta shecare'tenet. Attoña setpateño' o'
señotanet ñetpa' atta shecare'tenset.

3 Ñaña napa' neñotuenes ñeñt allpon semueroçhtena nocop ñaña atto e'ñe cohuen sa'huinta'huen mueroçhteñets, ama semuenme'cheñe allo setorrena.

4 Tarraña ama't atteñpa' nentuennas paterr ñeñt ama cohuenaye' nentapretenso. Ñeñtpa' añ atto sapa' o'huañ e'ñe semorrentna ñeñt atet sepa ahuat allempo e'ñe errte' same'ñerrna.

5 Te'pa' o'ch notas, o'ch seyerpueerra atto ahuañmo'cha nanac cohuen semorrentenna. Te'pa' ama atteye' sepeno. Añ pocte' o'ch alla soctape'cherr e'ñe cohuen attoch o'ch alla seperra cohuen ñeñt atet sepa allempo e'ñe ñenmañ same'ñenna. Ñerra'm amach ello soctape'cherro cohuen napa' tayecma o'ch ahuen o'ch neprratamperres ñeñt atma'ntataret socop ñeñtara ñeñt all orratenet huerare.

6 Tarraña ama't atteñpa' napa' añña e'ñe cohuen nentuennas atto sapa' ama pocteye' senteno ñeñt atet patse'tyen acheñenesha' ñeñt cotene' Nicolás poctañña. Napa'cho'ña ama pocteye' nenteno ñeñt atet patse'tyenet sosya'tsañ.

7 Ñeñt e'mñotene' añ ñoñetspa' çhapanetepa'ch pueyoçhreto ñeñt atet neñotatenanet na Necamquëñoñ, ora allohuen ñeñt pame'ñeñoñet çhocma apçha'yenet allemeñ anetso'mar. Ñeñt metana'tue' allohuen pa'namen topateñtsoçhno, ñeñt ama nepuerramperayo, ñetñapa' naphuerranetcha' ñeñt no'patatenanet ñeñtcha' atarr yoma'huerret e'ñe poctacma Nomporesho, allpa' e'ñech cosheñtso'tsenet. Ñeñtña napa' o'ch not, napa' o'ch nemnaterranet attoch

o'ch tsohmuerret añ tsach pue'mer alloch corra'huerret e'ñe poctacma amach alla rromuerrete'te ama't ahuafa.' ” Arrpa' allohua huañ atet ot efeso'marneshacop.

Atto Juanpa' quellcan carta añecop ñeñt ame'ñetsa anetso Esmirno

⁸ Allempoña ñeñt neserrpare'tatene' ñapa' alla oterrerr:

—Te'pa' o'ch peguellquërrerr carta añecop ñeñt cohuañpene' ñeñt ame'ñetsa all anetso Esmirna, o'ch potanet atet: “Napa' o'ch nequellconas carta attoch neñotatas ñeñt atet otenes Jesucristo ñeñt ñanom eñall, allempoteñña ñapa' çhocma eñall ama't esempohuañencha' huañerr ora allpon ñeñt eñall. Jesucristo ñapa' ñeñt rromhuats tarraña te'pa' o' alla betterra.

⁹ Ña te'pa' atet otenes: ‘Napa' neñotuennas ora allpon ñeñt atet sepa'yena. Neñotuennas ñaña atto atarr sa'mueroçhtatare'ttena, ñaña atto atarr huocchañes. Ñehua, ama't huocchañsoñpa' Yomporeshot shonte' esocmañen ñeñt sechyen. Ñaña ñeñt se'moñe'tene' neñotuennas atto atarr sasare'tenset. Ama't otenetañ ñetpa' judionesheto' tarraña ñetpa' ama Yomporeye' pueyochresha' penahueto; ñetpa' aña pueyochresha' penahuet oneñe't ama't allohuenet.

¹⁰ Amach yore'tatstaso mueroçhteñets ñeñtcha' ahuen sehuapoya. Tarro'mar ñeñtcha' seyottamipse' patanta'ttsos, ñeñtcha' oneñe'teshot huena añecopña attoch topatuas ñerra'm po'ñoçhte' same'ñena. Puesheña'ttsos mueroçhtatatasetcha' e'ñe çharramat. Ama'tcha' muetsasetpa' añ pocte' o'ch serromapes atto

sameñena. Allochña napa' naphuerrescha' ñeñt no'patatensa alloch socrra'huerra e'ñe socsheñeshocmañen. Ñeñtpa' ñeñtara noten po'poñ ñoñtso naphuerrescha' sepremio ñeñtcha' socshatuerre' e'ñe poctacma.

11 Ñeñt e'mñotene' añ ñoñetspa' çhapanetepa'ch pueyoçhreto ñeñt atet neñotatenanet na Necamquëñoñ ora allohuen ñeñt pame'ñeñoet çhocma apçha'yenet allemeñ anetso'mar. Ñeñt metana'tue' allohuen pa'namen topateñtsoçhno, ñeñt ama nepuerramñperrayo, ñetpa' ama't puesheñarrofetapa' amach amñareñterreto coñcheñtso ama't ahuata. Ñetpa' amach alla rromuerreterro po'pocheño.' ” Arrpa' allohua huañ atet ot esmirno'marneshacop.

Atto Juanpa' quellcan carta añecop ñeñt ame'ñetsa anetso Pérgamo

12 Allempoña ñeñt neserrpare'tatene', ñapa' alla oterrerr:

—Te'pa' o'ch pequellquërrerr carta añecop ñeñt cohuanñpene' ñeñt ame'ñetsa all anetso Pérgamo, o'ch potanet atet: “Napa' o'ch nequellconas carta attoch neñotatas ñeñt atet otenes Jesucristo ñeñt orrtatene' cochell puenamoñ, po'cchellpa' ñeñt emoshenñto'mar etsotañtatareñt.

13 Napa' te'pa' otenes: ‘Napa' neñotuennas ora allpon ñeñt atet sepa'yena. Napa' neñotenes all seyçhena ñeñtpa' all atarr añcha'noçhtena oneñet. Tarraña ama't atteñpa' sapa' ama sequeçhpueno atto same'ñenna, ñama çhocma sa'meten atto same'ñenna, ama't e'ñe allempo

muetsennanet ñeñt name'ñenaya ñeñtara Antipas ñeñt chocma neserrpare'tene' neñoñ sesho, allara ñeñt pa'netser peñ oneñeñ.

14 Tarraña ama't atteñpa' napa' nentuennas coñe't ñeñt ama pocteye' nentapretenso ñeñt atet sepatse'tena. E'ñe all Pérgamo patanta'ttsos ama semno o'ch sequëchpa' ñeñt pueychateñ pe't atet yeçhate't Balaam ahua't. Balaam ahua'tpa' atet cotape'chatane't Balac attoch shecare'tane't israelena'tarnesha' allochñapa' attoch ñetpa' o'ch patse'tyenet ñeñt ama pocteye' enteno Yompor. Ñeñt atet patse'tyenet ñeñtpa' atet pete't o'ch rrallme'chapretan po'poñ acheñ ñeñt po'yomporer pene' ñeñt ayeçhcataret, ñerra'm esempo rrenet po'chets ñeñt muetsenet allo sherbeñet pueyeçhcatar. Elloña allempo ñetpa' e'ñe pocshapreteño'tetpa' o'ch agapanna'tet ama't ñeñt ama puetaporeyaye, allñapa' o'ch cañoresha'tenet.

15 E'ñe atfecma seshopa'cho'ña patanta'ttsos atarr ashcaretes ñeñtes puesheña'ttsos ñeñtes ama semno o'ch sequeçhpoñ Nicolás poctapña ñeñt atet yeçhatenes ñeñt ama pocteye' nenteno.

16 Tarraña napa' o'ch notas, sequëchpa' ñeñt añ cotapñatser, o'ch alla soctape'cherr e'ñe cohuen. Ñerra'm amach ello soctape'cherro cohuen, napa' e'ñe tayecma o'ch ahuen o'ch neçllarenaneta' nocchello't ñeñt nenamo'tsen.

17 Ñeñt e'mñotene' añ ñoñetspa' çhapanetepa'ch pueyoçhreto ñeñt atet neñotatenanet na Necamquëño't ora allohuen ñeñt pame'ñeño'tet chocma apçha'yenet allemeñ anetso'mar. Ñeñt

metana'tue' allohuen pa'namen topateñtsochno, ñeññ ama nepuerram̄perrayo ñetñapa' napanetcha' maná ñeññcha' pocrram̄ perret ñeññ ama entpahuesho. Ñaña o'ch napanet mapyetoll ñeññ atarr huallamemen allo aquellcarettena so'chñets e'ñe etserra. Ñeññcha' agapue' ñeññpa' ñap̄ta eñnoten an̄ so'chñets ñeññ aquellcaret̄ all.' ” Arrpa' allohua huañ atet̄ ot pérgamo'marneshacop.

Atto Juanpa' quellcan carta añecop ñeññ ame'ñetsa anetso Tiatiro

¹⁸ Allempoña an̄ ñeññ neserrpare'tatene' ñapa' alla oterrerr:

—Te'pa' o'ch pequellquërrerr carta ñaña añecop ñeññ cohuan̄pene' ñeññ ame'ñetsa all anetso Tiatira, o'ch p̄otanet̄ atet̄: “Napa' o'ch nequellconas carta attoch neñotatas ñeññ atet̄ otenes ñeññ Yompor Puechemer, ñeññara ñeññ pa'c̄lle'pa' atarr a'rrechatañ atet̄ ñerra'mrrate' tso' po'huorter, ñaña ñeññara pa'tacpa' atarr poptena atet̄ ñerra'm aser ñeññ bronce ñeññ atarr cohuen poptetsa.

¹⁹ Ñapa'te'pa' atet̄ otenes: ‘Napa' neñotuennas ora allpon ñeññ atet̄ cohuen sepa'yen, atto atarr semorrentannena ñaña atto atarr same'ñena, ñaña atto atarr seyenpannena, ñaña atto e'ñe cohuen sa'huinta'huen ñeññ atarr echarr senten. Ñaña elloña allo'na sesen atet̄ p̄a'n̄mue' ñeññ atarr cohuen enten Yompor.

²⁰ Tarraña ama't atteñpa' eñall paterr ñeññ ama pocteye' nentapretenso. Ñeññpa' atto sapa' semnateñ coyanesha' ñeññ sochetsa Jezabel

atto ñapa' aña yeçhaten ñeñt̃ ama cohuenaye' nenteno na. Ama't ñapa' oteneñ ño' a'mt̃ene' Yompor po'ñoñ tarraña ama atteyaye, ñapa' at̃a shecare'tenes ñeñtes torretsañ nocop. Ñaña ñapa' aña yeçhatenes ñeñt̃ atto secañoresha'ten, ñapa' otenes ñeñt̃pa' e'ñe pocte' enteñ Yompor. Ñaña aña yeçhatenes ñeñt̃ atto serrapreten po'chets ñeñt̃ muetsenet ayeçhcataretecop, ñapa' otenes ñeñt̃pa'cho'ña e'ñe pocte' enteñ Yompor. Tarraña Yomporña' ama't mameshapa' ama pocteye' enteñe.

²¹ Napa' at̃a necueñ allponmat, noten ñato' o'ch cotape'cherran cohuen tarraña teme'ttsenpa' ama mueno o'ch cotape'cherran cohuen. Ñapa' aña atarr cohuen enten atto cañoresha'ten.

²² Ñeñto'mar te' napa' o'ch nemnach o'ch atsna'ten attoch amach çha'nerro po'mayoť. Ñaña ñeñt̃ epuet atet̃ penet ñerra'm ama cotape'cherreto cohuen attoch queçhpuenet ñeñt̃ atet̃ yeçhatenanet ña, ñetpa'cho'ña o'ch necoñchatanet nanac.

²³ Ama't ñaña puechoyoreshohuen napa' o'ch ne'nuerranet. Allochña' attoch allohuen ñeñt̃ pame'ñeñoťet apçha'yetsa allemeñ anetso o'ch eñochet ñeñt̃ atet̃pa' ama ařapahuo. Napa' e'ñe nentuennas ama't ñeñt̃ atet̃ soctape'chen seyoçhro. Napa' ñeñtencha' saphuerre' allpon ñeñt̃ poctetsa e'ñe puesheña'ttsocpas, ñeñt̃ allpon atet̃ seřa'yen.

²⁴ Tarraña po'potantañes ñeñtes tiatiro'marneshas sapa' ama socteññañe ñeñt̃ atet̃ yeçhaten coyanesha'. Ama't ñaña ñeñt̃

otenet oneñeṯ poctaṗña ñeñṯ ama eñotpahuoyaye, puesheña'ttsa e'ñe etsotene' — ñeñṯpa'cho'ña sapa' ama seycheñe. Ñeñto'mar te'pa' o'ch notas, napa' amach nenonaso po'poñ ñoñets ñeñṯ atarr echarr senten.

25 Añña notenes, amach sequeḥpatsche ñeñṯ atto soctape'chen cohuen Yomporecop, ama't tayoteñ ñaña esempohuañen allempoch nohuerra.

26-27 Ñeñṯ metana'tue' allohuen pa'namen topateñtsoḥno, ñeñṯ ama nepuerramṗerrayo, ñeñṯ allo'na sets ṗa'nmue' ñeñṯ pocte'nenten na, ñetpa' naphuerranetcha' attoch añcha'tareṯ entenanet allohuen pa'namen acheñenesha' ñeñṯ yeḥa'yetsa añe patsro. Ñeñṯpa' atet Nompör apuenen naña. Neyoroḥenñoch añcha'noḥtapreterrnetcha'. E'ñe po'huamencotet ñerra'm ñet muenats atarrcha' mueroḥtateret allohuen pa'namen acheñenesha' arr patsro. Ñeñṯpa' o'ch netma'ntacha ñerra'mrrate' ñeñṯ echene' po'carr asreṗ, ñerra'm allo aso'tet patsrro'pa' ḥach a'mllo'tstach e'ñe poctacma.

28 Ñeñṯ metana'tue' allohuen pa'namen topateñtsoḥno elloña ñetpa' napanetcha' ranto ñeñṯ atarr ateshamerr.

29 Ñeñṯ e'mñotene' añ ñoñetspa' ḥapanetepa'ch pueyoḥreto ñeñṯ atet neñotatenanet na Necamquëñoṯ, ora allohuen ñeñṯ pame'ñeñoṯet ḥocma apḥa'yenet allemeñ anetso'mar.' ” Arrpa' allohua ñeñṯ atet ot tiatiro'marneshacop.

3

Atto Juanpa' quellcan carta añecop ñeñt ame'ñetsa anetso Sardiso

¹ Allempoña ñeñt neserrpare'tatene' ñapa' alla oterrerr:

—Te'pa' o'ch pequellquerrerr carta añecop ñeñt cohuanpene' ñeñt ame'ñetsa all anetso Sardis, o'ch potanet atet: “Napa' o'ch nequellconas carta attoch neñotatas ñeñt atet otenes Jesucristo ñeñt e'ñe chorratena Yompor Puecamquẽ cancherr ñeñtara cancherr ñeñt sherba'yets. Ñetpa' po'poñe'ttsoema sherbenet. Ñaña ñeñtara Cristo ñeñt orrene' cancherr ranto. Ñapa' te'pa' atet otenes: ‘Napa' neñotuennas ora allpon ñeñt sepa'yen. Ñaña neñotuennas atto sa acheñenesha'pa' atet entensetañ ñerra'mrrate' e'ñe cohuen socrena Yomporecop. Tarraña ñeñtpa' ama atteye' sepeno chaña sottena ñerra'mrrate' cho serromuen, amaña es sesherbenaña Yomporecop.

² Ama't atto same'ñenañ mame' tarraña ñeñtpa' allo'na sen huañuanmats. Napa' nentuenes ama setsotenoña ñeñt e'ñe pocte' enten Nompor. Te'pa' o'ch notas, e'ñechña señaota, o'ch alla setanterra Yomporecop.

³ Chocmachña seyerpueña ñeñt atto aserrpare'tataretes ahuañmo'choteñ. Amach sepsatsche añ ñoñets ñeñt same'ñataya. Ñeñto'marña te'pa' añ poctetsa o'ch alla soctape'cherr cohuen Yomporecop. Ñerra'm ama atteye' sepeno napa' machayotach nohuernasa

atet ñerra'mrrate' eñetpa' amach señoteñe
esempopa' machayotach huaponasa.

⁴ Tarraña ama't atteña' all anetso Sardiso e'ñe
puesheña'ttsaña ñeñt ama yechenaye sosya'tsañ
ñeñt ama pocteye' enteno Yompor. Ñetpa' atet
atma'ntatarettenet ama't pa'shtamuetpa' ama
a'sosyateñeto. Ñeñto'mar ñetpa' e'ñe pocte'
nentenanet ñaña attochña nemnaterranet o'ch
yechope'cherr e'ñe parro tarro'mar ñet ñeñt
neshtamtatenanetpa' ama a'sosyateñeto, e'ñe
cohuenarer orrtenet e'ñe huallama'tareret.

⁵ Ñeñt metana'tue' allohuen pa'namen
topateñets ñeñt ama nepuerram̄perrayo,
ñetpa' neshtamtaterranet shetamuets ñeñt
atarr huallama't. Ñetpa' amach ne'sherraneto
pa'so'cheñ all aquellcarettenet Yompor
po'libro attochña ñetpa' corretsetach. Ñetña'pa'
nechme'taterranetcha' ñeñt na Nompore ñaña
allohuen po'millañoñeñnaneshar.

⁶ Ñeñt e'mñotene' añ ñoñets çhapanetepa'ch
pueyoçhreto ñeñt atet neñotatenanet na
Necamquëñoñ ora allohuen ñeñt pame'ñeñoñet
çhocma apçha'yenet allemeñ anetso'mar.' ”
Arrpa' allohua ñeñt atet ot sardiso'marneshacop.

*Atto Juanpa' quellcan carta añecop ñeñt
ame'ñetsa anetso Filadelfio*

⁷ Ñeñt neserrpare'tatene' ñapa' alla oterrerr:

—Te'pa' o'ch pequellquërrerr carta añecop ñeñt
cohuam̄pene' ñeñt ame'ñetsa all anetso Filadelfia,
o'ch potanet atet: “Napa' o'ch nequellconas carta
attoch neñotatas ñeñt atet otenes Jesucristo

ñeñĩ e'ñe Parets ñeñĩ e'ñe po'ñoçh allohuen es oten. Ñeñtara Cristo ñeñĩ allsensaret ñach amicha'tarettertsa e'ñe atet amicha'tarette't David. Nato' o'ch netma'ntacha o'ch not ñapa' echenan David po'llave. Ama't erra'tsencha' o'ch toram̃penanet attoch çhapanet Yompore po'cohuenña ama't eseshapa' amach erroteno't alla epatare'terraneto. Ñaña ñerra'm ñach yottam̃perre' ama't eseshapa' amach erroteno't toram̃pereto.

8 Cristopa' te'pa' atet otenes sa: 'Napa' e'ñe neñotuennas ñeñĩ atet cohuen es sepa'yen. Ama't ama tama ahuamencateso Yomporecop, tarraña ama't coñe'ta sehuamenc sepen çhocma same'ñennana neñoñ ñaña çhocma sa'meten atto same'ñenna ama sa'nasotenko. Ñeñto'mar napa' o'ch netoram̃psonas allcha' sa'potennan neñoñ, ñaña ama't eseshapa' amach erroteno't alla yottam̃perrnaso.

9 Ñaña añña ñeñĩ otetseñ ñetpa' judionesheto' — ñehua, ñetpa' ama Yomporeye' pueyochresha' penahueto tarro'mar ñetpa' añña pueyochresha' penahuet oneñe't, ñetpa' atta shecare'tenset. Tarraña ñetña te'pa' o'ch name'ñatanet allochñapa' o'ch çhapanet pueyoçhreto sapa' ñeñtes atarr nemorentena. Ñeñto'marña ñetpa' o'ch huapuet sesho o'ch concorposet allo'tsenes.

10 Sapa' e'ñe cohuen acoña setsoton allpon neñoñ, ama sa'ypo'ñenko na, ñeñto'marña napa'çho'ña amach na'ypo'ñaso. O'ch necuam̃perres tarremphua allempoch mueroçhteñsopoterra ñeñtcha' topaterre' ora

allohuen acheñenesha' ñeñt̃ yecha'yetsa añe patsro.

11 O'ch e'ñe mamerrerra' o'ch nohuernasa. Ñeñt̃ atto allpon same'ñena o'ch e'ñe señoantuanem amach sequechpatsche. Allochñapa' ama't eseshapa' amach errotenoť puerratañpsaso ñeñt̃ no'patatensa ñeñt̃cha' atarr socshaterre'.

12 Ñeñt̃ metana'tue' allohuen pa'namen topateñtsochno ñeñt̃ ama nepuerrañperrayo ñetpa' amate' errotenoť ahupore'taretterreto alloť, ñetpa' e'ñe attet ñerra'mrrate' all orratenet pocoll ñeñt̃ pa'paquell pen Nomp̃or ñeñt̃ e'ñe huomenc echarr ařaret. Ama't eseshapa' amate' errotenoť huapore'che. Ñaña e'ñe ñesheto napa' o'ch nequellcoñ Nomp̃or pa'so'cheñ, alloťpa' o'ch nequellcoñ ñaña Nomp̃or pa'netser e'ñe allara ñesheto, ñeñt̃ara pa'netser ñeñt̃ sochetsa Jerusaléñ, ñeñt̃cha' sohuerrtsa entoť e'ñe etserrare'. Alloťpa' o'ch nequellca' ñaña neso'cheñ all e'ñe ñesheto ñeñt̃ e'ñe etserrare' neso'cheñ.

13 Ñeñt̃ e'mñotene' añ ñoñets chapanetepa'ch pueyočhreto ñeñt̃ atet neñotatenanet na Necamquëñoť ora allohuen ñeñt̃ pame'ñeñoťet apcha'yenet allemeñ anetso'mar.' ” Arrpa' allohua ñeñt̃ atet ot filadelfio'marneshacop.

Atto Juanpa' quellcan carta añecop ñeñt̃ ame'ñetsa anetso Laodiceo

14 Ñeñt̃ neserrpare'tatene' ñapa' alla oterrnerr:

—Te'pa' o'ch pequellquerrerr carta añecop ñeñt̃ cohuanpene' ñeñt̃ ame'ñetsa all anetso Laodicea, o'ch p̃otanet atet: “Napa' o'ch nequellconas carta

attoch neñotatas ñeñt atet otenes Jesucristo ñeñt ama puenesho po'ñoñ. Ñeñt atet oteney Pom-porecop ñeñtpa' atetcha' perrnay, ñaña ñeñt allpon oten, ñeñtpa' e'ñe po'ñoçh atet, ñaña ñeñtara Cristo ñeñt ñanom eñall, allotña Pomporpa' yeçhcatyesan allohuen ñeñt allpon eñall.

15-16 Cristoña te'pa' atet otenes: 'Napa' e'ñe neñotuennas ñeñt ora allpon atet sepa'yen. Tarraña sapa' seçllañořetsetsa same'ñenna, ama e'ñe huomencaye' same'ñenno. Ñerra'm ama semno o'ch same'ña'na huomencpa' amachña same'ñatsetno ama't mamesha. Tarraña sapa' seçllañořetsetsa same'ñenna. Nato' o'ch netma'ntacha atet. Sapa' ama atteyayso ñerra'mrrate' oñ ñeñt atarr sose', ñaña ama atteyayso ñerra'mrrate' oñ ñeñt atarr atserrsasen. Sapa' atta sepena ñerra'mrrate' oñ ñeñt mamesha shorrsastetsa ñeñt nanac netsena'ten. Ñeñto'marña napa' e'ñe atet nentenes atet ñerra'mrrate' oñ ñeñt çha aya'pesatañtena. Ñerra'm yorrpa' çhach ya'pesatey o'ch ya'tatstera. Ñeñto'marña sapa' e'ñe atet nentenes çhach nemneñ o'ch nehuapore'tamperres.

17 Sapa' ama't soteneñ año' es sepallteno e'ño' sechuen ora ñeñt allpon poçtetsa socop e'ñe sa setaruasot. Tarraña ñeñt sherbets secamquëñecoppa' ama secheñe ama't coñe'ta. Napa' atta nentenes atet ñerra'mrrate' ñeñt nanac atsena'tareç, atarrcha' amueroçhtatareñtena ñeñt e'ñe huocchañ ñaña aporo'yet attach muelle'mquën.

18 Ñeñto'marña na te'pa' o'ch noctape'çhaterres

sa o'ch notas sapa' ñeñt̃ sepalltena. O'ch senamuen nesho ñeñt̃ po'ñoçh nanac sherbets secamquẽñecop. Allochñapa' attoch sechuerr shonte' esocmañen ñeñt̃ e'ñe po'ñoçh sherbets. Ñeñt̃ ama sherbetsopa' o'ch sa'ypo'ñer. Ñato' o'ch netma'ntacha atto allempto atserrtatenet oropa' o'ch nohuanña a'yo ñeñt̃ ama sherbetso allemptoñapa' o'ch e'ñe orochayamaña ñeñt̃ nanac sherbets. Ñeñt̃ atarr sherbets atet̃ ñerra'm oro ñeñt̃cha'ña se'nenña nesho. Elloña napa' o'ch netma'ntatasa atet̃cha' sepa, o'ch serañta nesho shetamuets ñeñt̃ atarr huallama't̃. Allochñapa' ñeñt̃cha' sechorrerra attoch o'huañcha' sepenca ñeñt̃ atto semuelle'mquẽn. Attoch serañtena ñama quẽllo'yeñtsopar alloch separterr secle' allochñapa' attoch secuerr o'ch senterra e'ñe cohuen.

19 Ñehua, allohuen ñeñt̃ po'ñoçh atarr nemorrentenapa' çhocmach e'ñe cohuen noctape'chaterranet ñerra'm esempo atpare'tennet. Ñama erroteno allohuen ñeñt̃ nemorrentena o'ch necoñchach mame', tarraña ñeñt̃pa' e'ñe ñocpueta allochñapa' attoch o'ch alla cotape'cherret cohuen nocop, o'ch alla ame'ñerrnet huomenc.

20 Señoche'pa'ch ñeñt̃cha' atet̃ netma'ntaterrsa. Napa' atet̃cha' nepena ñerra'mrrate' esesha' ñeñt̃ çhocma çhore'tets yetarro't̃. Ñerra'm eseshas se'mapuerrnan neñoñ ñama ñerra'm setoranpenen, nañapa' o'ch nebe'tos all, allñapa' o'ch yerrallme'chen parro.

21 Ñeñt̃ metana'tue' allohuen pa'namen

topateñtsoçhno ñeñt ama nepuer-
ramperraye, ñetñapa' nemnatanetcha' o'ch
añcha'tarettapreterrnet e'ñe all neconaño. E'ñech
attet ñerra'mrrate' na, napa' e'ñe nemtana'tua
allohuen pa'namen topateñtsoçhno. Ñeñto'marña
napa' na'mcha'tarettapreteña Nompore'ñe all
po'conaño.

²² Ñeñt e'mñotene' añ ñoñets çhapanetepa'ch
pueyoçhreto ñeñt atet neñotatenanet na
Necamquëñoñ ora allohuen ñeñt pame'ñeñoñet
apcha'yenet allemeñ anetso'mar.' ” Arrpa'
allohua ñeñt atet ot laodiceo'marneshacop.

4

*Atto Juanpa' entan Yompor po'conaño e'ñe alla
pue'ntaño*

¹ Allempoñapa' alla gatyerrnerr po'poñ.
Necurrer, allñapa' nentos yetarr atorareñ allcha'
nebe'tos o'ch neçhap ento. Alla ne'murrer
ñoñets ñeñt atet e'morrtetsa ñorra' atarr huomenc
atet ñerra'mrrate' poctor atarr huomenc eñen.
Ñeñtña ñoñetspa' atet oten:

—Apon arr, o'ch pebe'tosampesna o'ch negatyese-
sañ allohuen ñeñtcha' atet perrtsa tsapatoneñ.

² Allempoña Yompor Puecamquëñ e'ñe chor-
renna, atto neçhap ento all nentos puesheñarr alla
anen po'conaño.

³ Ñeñt anets all po'conañoapa' atarr nanac
cohuen aspanamcoquëno poptamco'tena atet
ñerra'mrrate' mapue' ñeñt atarr cohuen poptetsa
ñeñt otenet jaspe. Ellonetpa' po'poñoñto atarr
nanac cohuen tsamcoquëno poptamco'tena atet

ñerra'mrrate' mapue' ñeñt' otenet cornalina. Ñaña allo arca'tam̃penapa' ñeñtpa'cho'ña atet ñerra'mrrate' ayon tarraña ñeñtpa' atarr nanac cohuen aspano shemashro poptena; e'ñe atet poptena ñerra'mrrate' mapue' ñeñt' otenet esmeralda.

⁴ Ñaña topño'mar ñeñt' rroçhtam̃pene' all shonte' po'poñ conañeçhno. Ñeñt' conañeçhno topño'tsa'yen ñeñt' rroçhtam̃pene' allo'tsen epoch çharra' puechena pa'tats. Ñaña ñeñt' anorrçhets allohuen conañeçhno ñeñtpa'cho'ña allo'tsen epoch çharrasheña puechena pa'tats ñeñt' sherbene' Yompor all pue'ntaño. Coçhneshareret pa'shtam atarr huallama'tarer, po'choyo'met oro ayeçhcataret ñeñt' choyo'mtenet.

⁵ E'ñe rroçh conañotpa' allot huena meratste', allot huena ñaña tatste'. Allpa' atarr huomenc ma'moreten. E'ñe alla allame'tets po'conaño ñehuapoñ allo'tsen cançherr huerare ñeñt' huoretyets all. Ñeñtpa' ñeñt' toma'ntenaya Yompor Puecamquẽñ ñeñt' cançherr ñeñt' sherba'yets e'ñe po'poñe'ttsocma.

⁶ E'ñe alla a'yenet po'conañot all orrtena eracmañen atet ñerra'mrrate' ñeñt' añecmuen rerpat ñeñt' e'ñe orrtatuene' ora ñeñt' allpon eñall all.

Allo'tsen po'conañ e'ñe pa'tatsshemto'marot all tomçhen pa'tats ñeñt' berrma'ttetsa. Ñeñt'napa' shonte' pa'cillo'yeçhno emota cohua'yen. Pa'chco'tagotpa'cho' shonte' pa'cille' allot cohuen.

⁷ Ñeñt' ñanom ñeñt' berrma'ttetsa all, ñeñtpa' e'ñe atet ñerra'mrrate' ma'ñor. Po'poñpa' allo'tsen ñaña atet ñerra'mrrate' toro, po'poñ pa'tsa'poñ

pa'cloyoŕpa' e'ñe atet orrtena ñerra'mrrate' acheñ. Po'poñ all orrtena attema't ñerra'mrrate' ñeñt otenet contor ñerra'm esempo anena.

8 Ñeñt pa'tatso'mar berrma'tpa' e'ñe apa'pa'yetarerochet, pate'tetspa' echenan pechapa'ttsocmuet pa'pue' penet. Pa'pa'yoŕ enoŕpa' e'ñe aclo'yetarerochet, puelleca'noŕpa'cho'ña aclo'yetareret emoto'mar alloŕ cohua'yenet. E'ñe ellapenete't arepenete't all aĉhoteñet Yompor, ama't mameshapa' ama ameseneto atto aĉhoteñet Yompor. Ñeñt'pa' atet otenet:

Parets, parets, parets ñeñtara Yompor ñeñt atarr ahuaencat nanac ñeñt Yepartseshar yepen ñeñt ĉhocma eñall. Ama't ahuaŕoteñ eñall ñaña ñeñtara ñeñtĉha' ello huerrtsa po'pocheño.

9 Ñaña ñeñt berrma'ttetsa allpa' cohuentateññañet Yompor ñeñt anets all po'conaño, atarr añĉha'na'tpo' enteñet, ñaña ĉhocma puema'yocheñoŕet parasyoso'teñet Parets ñeñt ama arromñaŕeshayaye ama't ahuaŕa.

10 Ñetpa' ñerra'm esempo aye'ĉoĉhtateñet Parets, añña ñeñt epoch ĉharrasheña ñeñt pueĉhetsa pa'tats ñeñt sherbene' Yompor allpa' ñetpa'ĉo'ña o'ĉĉo' concorpa'rretenet e'ñe all ñesho, o'ĉĉo' ma'yocheñet ñamet Yompor ñeñt ama arromñaŕeshayaye ama't errponaña. Alloŕpa' o'ĉ a'meyet po'ĉoyo'm o'ĉĉo' net e'ñe Yomporeshonet ñeñt anets all po'conaño. O'ĉĉo' aye'ĉoĉhtateñet Yompor ñamet, ñeñt'pa' atet otenet:

11 Yompore, ñeñteḡ Yepartseshareḡ, ñeñteḡ nanac Partsoḡ, ya añ poctetsa o'ch yeco-huentatonapḡ ñeñteḡ añcha'na'tpahueḡ ñaña atarr ahuamencateḡ. Tarro'mar ḡa yeḡcatyene' ora allpon ñeñt eñall, e'ñe ḡa pemneññoḡ ahuo't eñalleyesa, e'ñe ḡa peñoñoḡ ahuo't yeḡca'yena ñeñt allpon eñall.

5

Atto Juanpa' entan Cristo ñeñt atma'ntatareḡ Carrnero, e'ñe ñapḡa toran Yompore po'libro

¹ Allempoñapa' alla necuererr ñeñt anets all po'conaño. Potot po'cohuenrotḡa' all nent all orrenan libro apco'nottatareḡ, e'ñe emoto'mar aquellca'huareḡ o'ponot ñaña enot. Echenan canḡherr ñeñt allo ayomrrareḡ atto e'ñe echarr aḡareḡ.

² Ñaña all nent puesheñarr mellañoḡeñ ñeñt atarr ahuamencat. Ñañaḡa' rrana huomenc, ñeñḡpa' atet oten:

—Esha'huaca' e'ñe cohuenare' coḡape'chetsña Yomporecop ñeñḡcha' tore' añ Yompore po'libro allo echarr aḡareḡtena.

³ Tarraña ama't puesheñarrapa' ama eñalle ñeñḡcha' tore' Yompore po'libro. Ama't puesheñarra ñeñt ento'tsen ñaña ama't ñeñt patso'tsen ñaña ama't ñeñt o'pono'tsen patso, ama eñalle ñeñḡcha' muenatet ñeñḡcha' tore' Yompore po'libro attoch eñorachet.

⁴ Napa' ñeñḡña atarr neyarre' atto ama't puesheñarrapa' ama neñche ñeñt e'ñe cohuenare'

es coťape'chets Yomporecop ñeñtcha' muenatet o'ch toran Yomporecop po'libro ñeñtcha' eñorate'.

⁵ Allempoña ñeñt epoch çharrasheña ñeñt puechetsa pa'tats ñeñt sherbene' Yomporecop, puesheñarrña'pa' oten:

—Amach peyahuatsto, tarro'mar eñall puesheñarr ñeñt e'ñe pocte' ñeñtcha' tore' Yomporecop po'libro ñeñt cançherr allo echarr aparettena, tarro'mar ñapa' ñeñt metana'tue' allohuen pa'namen topateñtsoçhno, ñeñtña'pa' añepa't Cristo ñeñtara atma'ntatare't Ma'ñor. Ñeñtpa' judámerena'tar ñeñtara David po'mreñeñ.

⁶ Necuererr, allña'pa' nent Cristo ñeñt toma'ntenaya Carrnero. All ten e'ñe rroçho allo'tsa'yen Parets po'conañ ñaña añ pa'tatso'mar ñeñt berrma'ttetsa ñaña e'ñe allo'tsa'yen ñeñt sherbene' Yomporecop. E'ñe rroçho all ten Cristo ñeñt atma'ntatare't Carrnero. Orrtena atet ñerra'mrrate' carrnero ñeñt amtsarettetsa ochñartsocop. Ñeñt carrneropa' cançherr po'ucor, echenan ñaña cançherr pa'c'le'. Ñeñt cançherr pa'c'le'pa' ñeñtpa' añ Yomporecop Puecamquañ ñeñtara cançherr ñeñtcha' sherba'yesets e'ñe po'poñe'ttsoçma ora erracmañen añe patsro allcha' amñare'tetyerret.

⁷ Allempoña añ Carrneropa' o' huapa o' çhap allo'tsen Yomporecop ñeñt anets all po'conañ. Ñaña'pa' chetsosan Yomporecop po'libro ñeñt orren po'cohuenrot.

⁸ O' chetan libropa' allempoña añ ñeñt pa'tatso'mar berrma't ñaña ñeñt epoch çharrasheña ñeñt puechetsa pa'tats ñeñt

sherbene' Yompor, allohuenetñapa' con-
corpa'rrteñet Cristo ñeññ atma'ntatareñ Carrnero.
Puesheña'ttsetpa' orrenet arpa ñaña pajo' ñeññ
orotaten all anareñ ñeññ atarr eñmosañtetsa
Yomporecop. Ñehua, añ ñeññ eñmosañtetsa
añ toma'ntena ñeññ atto ma'yochena ñeññ
pueyochresha' pen Parets.

⁹ Añña ñeññ concorpa'rrtetsapa' ñetñapa' mor-
rechenet ñeññ etserra morreñets ñeññpa' atet
ačhoteñet Cristo ñeññ atma'ntatareñ Carrnero:

Papa' e'ñe cohuenare' es pepa'yen ñeñño'mar e'ñe
pocte' p̄ach chete' Yompor po'libro, e'ñe
pocte' p̄ach tore' allo echarr aḡareñttena
ḡarro'mar p̄apa' p̄a amtsareñtatsa, perra-
soña p̄apa' allo petsa'tuonaya yo'chñar al-
lochñapa' attoch e'ñe puechemer perrey
Yompor ama't allohueney ñeññey pa'namen
acheñey, ama't erra'tsena mereñtsorey alloḡ
yehuenta, ama't ñaña erra'tsena ñoñtsor allo
yeñosyen e'ñe po'poñe'ttsocma, ama't ñaña
pa'namenana'tarey allohuen errohuanen
ñeññ e'ñe ya'netser yepa'yen.

¹⁰ Ñeññey allohueneypa' p̄a yemnatene'
o'ch ya'm̄cha'tareñt̄ap̄etaḡa attochña
yesherbap̄reteneḡ Yompor ñeññ atarr
Parets. Attoña yecorneshaten Partsocop.
Ñaña attoch ya'm̄cha'tareñterra añe patsro.

¹¹ Allempoña alla necuererr o' ne'muererr
mellañoñeñnesha' atet eñosyenet. Shontet nanac
che'muechenet all rroçhtañpeñet a'yohuen
errap̄aren. Ñaña ñeññ berrma'ttetsa all
ñaña ñeññ sherbene' Yompor ñeññ allohuenet

ma'potanto'maretpa' ñeñt̃ e'ñe rroçhtam̃pene'
Yompor ñeñt̃ anets all po'conaño.

12 Ñeñt̃ mellañoṭeñnesha' ñetñapa' e'morrtenet
huomenc all açhoteñet Cristo ñeñt̃ atma'ntatareṭ
Carrnero. Ñeñt̃pa' atet otenet:

Cristo ñeñt̃ toma'ntenaya Carrnero ñeñt̃
amtsarettatsa, ñapa' e'ñe cohuenare' es
pa'yen ñeñt̃o'marña ñapa' e'ñe pocte'
ahuamencatena, agapanepa' shonte'
esocmañen ñaña e'ñe pocte' eñotañtepa'ch,
ñaña e'ñe pocte' partsotepa'ch, ñaña
e'ñe pocte' añcha'na'tpahuo-tepa'ch.
Ñaña e'ñe pocte' ya yecohuentateñoṭ
ya'ye'choçhtatoñepa'ch.

13 Allempoña ne'muerrerr atet ama't allohuen
ñeñt̃ Yompor pueyeçhcatar aye'choçhtateññañet
Yompor ama't ñeñt̃ ento'tsa'yen ñaña ama't al-
lohuen ñeñt̃ patso'tsa'yen, ñaña allohuen ñeñt̃
o'pono'tsen patso ñaña oño. Ama't e'ñe allo-
huen pueyeçhcatar ñeñt̃ allo'tsa'yen allohuenet
aye'choçhtateññañet Yompor, atet otenet:

Ya'ye'choçhtatoñepa'ch Yompor ñeñt̃
anets po'conaño ñaña Puechemer
Cristo ñeñt̃ atma'ntatareṭ Carrnero.
Añcha'na'tpahuepa'ch yenteñ,
yecohuentatoñepa'ch tarro'mar ñetpa'
atarr ahuamencatet tayoteñ ama't
errponañohuen.

14 Ñaña ñeñt̃ berrma'ttetsa pa'tatso'mar all
ñetñapa' otenet:

—Ñeñt̃pa' attetepa'ch.

Ñaña añña ñeñt sherbene' Yompor ñeñt epoch çharrasheña ñeñt puechetsa pa'tats o' concorpa'rrtet all ma'yocheñet Yompor ñeñt ama arromñafeshayaye.

6

Atto Cristopa' toran ñeñt cançherr allo echarr aþarettena Yompor po'libro

¹ Allempoñapa' nent Cristo ñeñt toma'ntenaya Carrnero attoch ñach tore' ñeñt cançherr allo echarr aþarettena Yompor po'libro. Allempoña ñapa' o' tore paterr ñeñt e'ñe ñanom allo ayomrrareñ ñeñt libro. Allempoña o' tore, añña pa'tatso'mar ñeñt berrma'ttetsa, puesheñarrñapa' eños. Nañapa' o' ne'muerrerr ñeñt atet eñen huomenc, po'ñoñpa' e'ñe atet e'morrtena ñerra'mrrate' cho tatstena. Ñeñtpa' atet oten:

—¡Aþon, pecue'!

² Naña necue'pa' nent paterr cahuall atarr hual-laþnanen. Ñeñtña montenayapa' echenan paterr po'ca'not ñeñt orra'nen potot. Allñapa' apet paterr choyo'mets ñeñtcha' choyo'metnoma. Nañapa' ahuo' o'ch quellara'yena' o'ch e'ñe a'mchechuan ñeñt e'moñe'tyen.

³ Allempo torerranerr ñeñt puepañ allo ayomrrareñ Yompor po'libro, nañapa' alla ne'muererr ñeñt puepañ berrma'tpa' o' alla eñorrerr. Ñeñtpa'cho'ña ñeñtara atet oterrerr:

—¡Aþon, pecue'!

⁴ Allempoñapa' cha'nerrerr po'poñ cahuall, ñeñtñaapa' atarr tsaþnanen. Ñeñtña

montenaya allñapa' apet paterr espada atarr allpocha'p̄. Ñaña'pa' o' muenateñet o'ch quellaratanna'tatan acheñenesha' arr patsro attochña muetsatanna'tatenanet. Attoña ñetpa' o'huañcha' muechet yeçhenet arr patsro.

⁵ Allempo torerranerr ñeñt̄ puema'pañ allo ayomrraret Yompor po'libro nañapa' alla ne'muererr ñeñt̄ puema'pañ berrma'tpa' o' alla eñorrerr. Ñeñt̄pa'cho'ña ñeñt̄ara atet oterrerr:

—¡Apon, pecue'!

Ñaña necuererrpa' nenterrerr po'poñ cahuall ñeñt̄ña'pa' atarr quelluep̄nanen. Ñeñt̄ montenayapa' orra'nenan paterr pesamets.

⁶ Allo'tsa'yen ñeñt̄ berrma'ttetsapa' eñe all rroçho'tpa' ne'muererr ñeñt̄ atet e'morrterrerr ñoñets, ñeñt̄pa' atet oten ñoñets:

—Paterr kilo trigopa' nanquëpa'ch tsa'teterr ama't ñeñt̄ paterr denario*, ñaña ma'pa kilo cebadapa' nanquëpa'ch tsa'terra. Tsa'terrepa'ch ñaña paterr denario. Tarraña olivose' ñaña vinospa' chocmuepa'ch eñall, amach seprratam̄psatsetye.

⁷ Allempo torerranerr ñeñt̄ puepa'tatseñ allo ayomrraret Yompor po'libro, nañapa' alla ne'muererr ñeñt̄ puepa'tatseñ berrma'tpa' o' alla eñorrerr. Ñeñt̄pa'cho'ña ñeñt̄ara atet oterrerr:

—¡Apon, pecue'!

⁸ Ñaña necuererrpa' nenterrerr ñeñt̄ paterr cahuall atarr shemashreñnaneno puerrama'p̄nen. Ñeñt̄ montenayapa' añ

* **6:6** Denariopa' quelle ñeñt̄ allpon tsa'tenet pamtarr ñeñt̄ taru-
asets all pa'nyo.

pa'so'cheñ Rromueñets. Ñeñt' cotene' chenta'pa' añ toma'ntena ñeñt'cha' aguëne' allohuen ñeñt'cha' rromuets. Ñeñt'pa' apareť llesens añecop attoch a'cllatatan shonte' acheñenesha' arr patso. Ama't pasheřarr pats, allpon otenet un cuarto, allponcha' a'cllatatuerran acheñenesha'. Ñeñt'pa' atet'cha' a'cllatatanet, quellareñtsoterrcha', chaporrñatsoterrcha', atsnañtsoterrcha', orrterrach berr ñeñt' atarr atsrre'mñañ ñeñt' atarr bellac arr patsro.

⁹ Allempoñapa' o' torerranerr ñeñt' pa'mnareñ allo ayomrraret' Yompor po'libro, naña necuererrpa' allña'pa' nenterrerr altar ñeñt' allecma a'crratete't ñeñt' eñmosaťtetsa Yomporecop. E'ñe all patsot' altaro all nent shonte' camuecñetsočhno ñeñt' amtsanatareťtatse't all e'ñe pueserrpare'teñoťet Yompor po'ñoñ atto a'meťete't ñaña atto ame'ñeñet Cristo.

¹⁰ Añña ñeñt' camuecñetsočhno'pa' ñetñapa' rran-nartenetpa' oteñet Yompor:

—Yompore řa atarr Partsoř, atarr ayemuetpo' atet řoteny. Esemphuachca' pecoñchatuerña acheñenesha' all patsro, esempohuachca' petsa'tateraña ñeñt' acheñer yemtsanataye't ñeñt' patso'tsen. Añpa' allohua atet' ot camuecñetsnesha'.

¹¹ Ñetña puesheña'ttsetpa' apareťtenet pa'shtam atarr huallama'tarer. Ñaña ñetñapa' otareťtet ato't e'ñe ameseta'. “O' mameshaña o'ch etso-tua allpon po'potantañecop semo'nasheñ ñeñt'cha' amtsanatareťterrtserr ñeñtes e'ñe attecma sesher-beñ Cristo.”

¹² Allempo torerranerr ñeñt' po'pechapueñ allo ayomrraret' Yompor po'libro naña o' alla

necuererrpa' nent ñaña čha puetalle'chena pats huomenc. Atsne'ñapa' o' checmet atet ñerra'mrrate' shetamuets ñeñt atarr quellue ñeñt chorrena ñeñt atarr llequëtsa. Arrorrñapa' o' čha tsama'tta atet ñerra'mrrate' errasats.

¹³ Rantočno ñaña ñeñt ento'tsa'yen allohuenpa' o'čha shorča'tua o' čhača't patso. O'ch netma'ntacha atet ñerra'mrrate' parte ñeñt e'meret o'ch huomenquëshatpa' pue'merñapa' o'ch a'shore'tam̄pesue huomenquësha', ama't atarr emem̄ pue'mer.†

¹⁴ Enetpa'čo'ña o' e'ñe chenca'hua atet ñerra'm papell eparetpa' o'huañcha' orrta. Ama't ora allpon aspentarerpa'čo'ña o' e'ñe rrote'tyesuahua ñopa'tets. Ñaña ora allohuen oñečno ñeñt rročpe'chañečno ñeñtpa'čo'ña o' e'ñe rrote'tyesuahua.

¹⁵ Allempoñapa' allohuen acheñenesha' ñeñt yeča'yetsa añe patsropa' o' e'ñe e'potrra'tuet arrorofo'mar ñaña mapuetpono'mar ñeñt aspentarero'tsa'yen. Ama't allohuen añcha'tareñeshachno o' e'ñe e'potrra'tuet, ñaña allohuen ñeñt atarr sherba'yets, ñaña ñeñt ečllayoreččno, ñaña ñeñt pa'm̄cha'tareter pen solltar, ñaña ñeñt atarr ahuamenca't entyetsa, ñaña ama't allohuen acheñ ñeñt ama esoye' enteneto ñeñt ataruasataret e'ñe atfa, ama't ñaña allohuen ñeñt ama ataruasareteyaye ñeñt e'ñe cohueno'tsen, allohuenet e'ñe e'potrra'tuenet.

¹⁶ Allohuenetpa' chore'teñet aspenet ñaña ma-

† **6:13** Ñehua, Juanpa' añ toma'ntatena higo ñeñt puenarem̄ penet all pa'nyo.

puetačhno atet otenet:

—Te'ñapa' yeñgatañperrepa' attotcha' e'poterrey attoch amach enterrye Parets ñeñt anets all po'conaño allochñapa' amach errotenot coñchatterrye Cristo ñeñt toma'ntenaya Carrnero.

¹⁷ Tarro'mar te'pa' o' chap añ yetro allemPOCH yoročterra allemPOCH atsa'tataretterra allohuen acheñenesha'. Ama't eseshapa' amach errotenot ahuantoneto Yompor po'yoročhenña.

7

Atto Israel po'mreneñ ñeñtcha' ay-ato'ma'taretetyesta

¹ Allempoña napa' nent mellañoñeñnesha' pa'tatssheña. E'ñe allohuanen pats, ñeñt pa'tats po'topñaro'mar allñapa' all tomyen puesheña'tets mellañoñeñ ñeñt pa'tatssheña. Ñeñt pa'tatssheña ñetñapa' ñet epatare'tenet mōrr pa'tatssheñto'marot allot huapyena mōrr. Allochñapa' attoch amach atarr mōrrarsañpeno añ patser, ama't ñaña oñečno, ñaña ama't patrra tsachpa' amach mōrrarsañpeno.

² Allempoña napa' o' alla nenterrerr po'psheñeñ mellañoñeñ, arr orrtena allot huena atsne'. Ñapa' añ orren yapets ñeñt alloch yanatan allohuen ñeñt pueyochresha' pen Yompor ñeñt ama arromñateshayaye ama't ahuaata. Ñañapa' rrana huomencpa' otan mellañoñeñnesha' ñeñt pa'tatssheño'mar ñeñt añecop ahuamencattenet attoch ñetcha' pomnaren pet pats ñaña oñečno.

³ Ñeñtpa' atet otanet:

—Amach erroṯ seṓatsto añ pats ama't oñ ama't tsach ato'tña yeyato'ma'tueya' allohuen ñeñṯ ṯorra'yetsa Yomporecop.

⁴ Allempoña ne'muerrerr ñeñṯ atet oteñet ñeñṯcha' allpon ayato'ma'tarettatsa. Ciento cuarenta cuatro mil ñeñṯpa' allpon otenet. Ñeñṯ ciento cuarenta cuatro mil acheñenesha' ñetpa' e'ñe po'poñe'ttsocmuet mereñṯsoret. E'ñe ñeñṯa mereñṯsorecmuet ñeñṯ čharrasheña puechena epa ñeñṯ pa'tañ pene' Israel ñeñṯ corratse't ahuat.

⁵ Ñehua, pa'te'tets mereñṯsorpa' allponsheña ñeñṯcha' ayato'ma'tarettatsa: Judána'tarpa' allo'tsencha' čharra' puechena epa mil acheñenesha'; Rubénna'tarpa'čo'ña allo'tsencha' čharra' puechena epa mil acheñenesha'; Gadna'tarpa'čo'ña allo'tsencha' čharra' puechena epa mil acheñenesha';

⁶ Aserna'tarpa'čo'ña allo'tsencha' čharra' puechena epa mil acheñenesha'; Neftalína'tarpa'čo'ña čharra' puechena epa mil acheñenesha'; Manasésna'tarpa'čo'ña čharra' puechena epa mil;

⁷ Simeónna'tarpa'čo'ña čharra' puechena epa mil; Levína'tarpa'čo'ña čharra' puechena epa mil; Isacarna'tarpa'čo'ña čharra' puechena epa mil;

⁸ Zabulónna'tarpa'čo'ña čharra' puechena epa mil; Joséna'tarpa'čo'ña čharra' puechena epa mil; Benjamínna'tarpa'čo'ña čharra' puechena epa mil acheñenesha'.

Atto shonte' pa'namen acheñenesha' ñetpa' e'ñe huallama'tarerochet pa'shtam

9 Allempoña napa' o' alla nenterrerr shonte' acheñenesha', nanac che'muechenet ama e'ñotuenteno ñeñt allpon allo'tsen. Shonte' pa'namen acheñenesha'. Ñeñtpa' pa'namen anetsoť huach'a'tyenet, shonte' pa'namen mereñtsoret ñeñt huachetsa all, shonte' pa'namen ñoñets e'ñe po'poñe'ttsocma eñosyenet. Ñetñapa' all tomchenet e'ñe ñehupoť allo'tsen Yompor po'conaño allo'tsen ñaña Cristo ñeñt toma'ntenaya Carrnero. Ñetpa' e'ñe huallama'tarerochet pa'shtam. Pototetñapa' añ orra'yenet atet ñerra'm shequëpan.

10 Allohuenetpa' rranenet, otenet:

Yompor ñeñt po'conaño'tsen ñapa' o' a'queshpaterrey epuet ñaña Puechemer ñeñt toma'ntenaya Carrnero.

11 Ñeñt berrma'ttetsa pa'tatso'mar ñaña ñeñt sherbene' Yompor all, ñaña allohuen mellañoñeñnesha' ñeñt tomchets a'yohuen erraparen, ñetña allohuenetpa' e'ñe rroçhtam̄pesueñet Yompor ñeñt po'conaño'tsen. Ñeñt mellañoñeñnesha' all rrema'rrartenet Yompor po'conaño atet ma'yocheñet Yompor.

12 Ñeñtpa' atet aye'choçhtateññañet Yompor, ñeñtpa' atet otenet:

Attetepa'ch yocop ya'ye'choçhtatoñepa'ch, yeco-huentatoñepa'ch, amuepa'ch ahuañaño atto eñotañtena Yompor, yeparasyoso'chepa'ch, añcha'na'tpahuepa'ch yenteñ, amuepa'ch ahuañañaatto ñeñt atto ahuamencattena Yompor, añcha'tarettepa'ch tayoteñ errponohuañen. Ñeñtpa' attetepa'ch.

13 Allempoña puesheñarr ñeñt sherbene' Yompor, ñañaapa' a'pto'ten, atet oten:

—Papa' ¿ama't peñoteñeña eseshačhnote'ña ñeñt chorrenaya huallama'tarer, ñaña ama't peñoteñe errotte'ña huačhenet?

14 Nañapa' atet noch:

—Amaca'ye Nompore neñoteñe. Pate'ca'yeña eñotene'.

Ñañaapa' o' alla oterren:

—Añenesha' ñeñt chorrenaya huallama'tarer ñetña ahuanterret allempo orrterra pa'namen mueročhteñtsočno. Ñaña ñetpa' atto e'shohuarettet po'chñaret e'ñe Cristo po'rroso, ñeñtña ottetsa atet ñerra'mrrate' ñetpa' o' atsama'tarettet pa'shtam attoch e'ñe cohuen a'huallama'ttarettet pa'shtamuet e'ñe cohuen.

15 Ñeñto'marña ñetpa' allo'tsa'yenet Yompor po'conaño. All chocma sherbeñet Yompor — ellapenete't, arepenete't sherbatset all Yompor pa'paclo. Yomporña ñeñt anets all po'conaño, ñachña e'ñe a'natenahuet e'ñe ñesho.

16 Ñetpa' amach mueročhterrete'te pa'chporrñoť ama't po'ñpañoť. Ñaña ñetpa' amach errotenoť chemuerranete'te atsne' ñaña amach a'mñechaterranete'te ñaña huerate'.

17 Tarro'mar Cristo ñeñt atma'ntataret Carrnero ñeñt allo'tsen all Yompor po'conaño, ñachña cohuanpenahuet e'ñe atet ñerra'mrrate' carrnero e'ñech cohuanpeñ pamo'mte'. Ñapa' chapatanetcha' all poten oñ ñeñtcha' apahuet attoch correnet errponañohuen. Yomporña ñach a'huañam̄psahuet puellquëña ama't ahuatapa' amach yahuerrete'te.

8

Allempo Cristopa' toruan po'cančhrrroñ ñeñt' allo ayomrrarettena Yompor po'libro allempoñapa' orrta ñaña puesheñarr mellañoñeñ ñeñt' orrene' po'pajo' orotaten

¹ Allempoña Cristo ñeñt' toma'ntenaya Carrnero, ñapa' allempo e'ñe toruan po'cančhrrroñ ñeñt' allo ayomrrareñ Yompor po'libro, e'ñe muetsoñeñtua poctacma pue'ntaño tematuanen.

² Allempoña napa' alla nenterrerr mellañoñeñsha' ñeñt' cančherrsheña ñeñt' tomčhets e'ñe all Yomporesho. Ñetña puesheña'ttset allpa' aparettet poctor.

³ Allempoña o' huapa po'psheñeñ mellañoñeñ. Huapapa' o' tomos all altaro. Añ altarpa' allecma a'crratenet tsach puese' ñeñt'ña atarr amostetsa all. Pamosoñña' ñeñt' atarr eñmosařtetsa Yomporecop. Ñeñt' mellañoñeña' añ orren pajo' orotaten allcha' nenan ñeñt'cha' eñmosařtetsa. Ñeñt' mellañoñeña' allña apet shonte' eñmosař ñeñt'cha' eñmosařtate' ñeñt' atto ma'yochena Parets pueyochresha'. Ñeñt'ña eñmosařtetsapa' ñeñt'cha' net altaro ñeñt' ayečhcatareñ oro ñeñt' e'ñe ñehuapoñe'tsen Yompor po'conaño.

⁴ Ñeñt' orrampen mellañoñeñ eñmosařpa' cha amosoñe'chnen enoneñ allo'tsen Yompor, ñeñt'ña eñmosařtatene' ñeñt' atto ma'yochena Parets pueyochresha'.

⁵ Allempoña mellañoñeña' cheterran pajo'pa' o' esha'tan tso' puecallañshor ñeñt' cheta' altaroñ e'ñe e'chorran tso' pajo. Allempoñapa' hua-

pore'ch patso. Chap patsopa' meratstosa, tatstosa, e'morrtsosa huomenc, pellatan pats.

Atto Juanpa' entan cancherrsheña mellañoñeñ ñeññ poctorets

6 Allempoña mellañoñeñ ñeññ cancherrsheña ñeññ epoctoretarer puesheña'ttsetpa' o' echantye-set po'poctor o'ch a'toret.

7 Allempoña ñeññ ñanom mellañoñeña' o' poctora', poctora'huatsapa' orrta ñeññ ma'po'mar ñeññcha' ahupore'tarettatsa patso. Ñeññpa' añ hue' allotpa' ñaña tso' ñeññ tsetetsa errasatso. Atto ahupore'tarettatsa patso allempo chap patsopa' e'ñe a'huortatuosan ñeññ allo'tsen all chap patso. Tso'ñapa' errañaren e'ñe a'poyuosan ñeññ allpon tsachečno ñaña allpon ta'tečno ñeññ allo'tsa'yen ama't allohuanen pats allpon ñeññ otenet la tercera parte.

8 Allempoña po'psheñeñ mellañoñeñ ñeññ puepaña' o' poctorerrerr. Poctora'huerrtserrpa' orrterrerr atet ñerra'm ñeññ nanac atarr aspenet. Ñeññña'pa' cha huorten. Ñeññ aspenetpa' ahupore'tarettatsa sa'po. O'ña chap oñopa' errañarenña oñpa' puenasa errasats allohuanen oñ ñeññ allpon otenet la tercera parte.

9 Ñaña ñeññ allpon yeçhetsa all oño errañaren, e'ñe colla'hua, allpon colla'huatsa ñeññ otenet la tercera parte. Ñaña ñeññ allohuen botečno ñeññ chope'chyets all oño errañaren e'ñe chenca'huet, allpon chenca'huatsa ñeññ otenet la tercera parte.

10-11 Allempoña po'psheñeñ mellañoñeñ ñeññ puema'pañpa' o' poctorerrerr. Poc-tora'huerrtserrpa' orrterrerr ranto ento ñeññ añecmuen atarremñ. Shora'nerrerr cha huerarere'tnena. Chap allo'tsa'yen po'ñesočno ñaña allot potayen oñečno errañaren arr patsro. Ñeñtpa' arrohua chap ñeññ allpon otenet la tercera parte. Ñeññ rantopa' añ pa'so'cheñ Peshrremñ. Chap allo'tsa'yen oñečno ñeñtpa' cha a'pesherretuosan oñečno errañaren arr patsro. Ñeñtpa' allponohua a'pesherrtatan oñečno ñeññ allpon otenet la tercera parte. Oñ po'peshrroña ñeñña a'cclatue'ña shonte' acheñenesha' all.

12 Allempoña po'psheñeñ mellañoñeñ ñeññ puepa'tatseñ o' poctorerrerr. Poc-tora'huerrtserrpa' allempocma çhote' erroťetyesa atsne' ñaña arrorr ñaña rantočno, o' attaña checmetyeset. Ñetpa' allpon checmetyesets ñeññ allpon otenet la tercera parte. Ñeññ atto çhoyo'tenet yeto ñaña tsapopa' o'huañ atsnomyeset. Ñeññ allpon o'huañ çhoyo'tyeset yeto ñaña tsapo ñeñtpa' allpon otenet la tercera parte.

13 Allempoña napa' o' alla necuererrpa' allñapa' nenterrerr po'psheñeñ mellañoñeñ ñapuēt all anoma'mtena ento allpononet. Allñapa' ne'muerrerr ñeññ atet eñosnom huomenc. Panoma'mteñoťpa' atet oten:

—Llequēñtsa-bee ñeññ allohuenacop ñeññ yeçha'yetsa añe patsro. O' mameshaña o'ch poctora'huerrerr po'poñ ma'psheño'mar mellañoñeñ.

9

Atto o' e'ñe ma'psheñaña mellañoñeñ ñeñicha' poctorerrtserr e'ñe allohuanen

¹ Allempoña po'psheñeñ mellañoñeñ ñeññ pa'mnareña' o' poctorerrerr. Pocrora'huerrtserrpa' nañapa' all nenterrerr ranto atarremñ ñeññ shora'nmats entot o' e'ñe chap patso e'ñe atet orrtosa ñerra'm mellañoñeñ. Ñeñña mellañoñeñ allña'apet paterr llave alloch toran allo e'tamñsaret arrot ñeññ atarr o'pononet arrottena pats.

² Ñaña'apet o' toramñsan arrot. Ñeñña arrot allotña cha'nom amos shonte' atet ñerra'mrrate' cho chemue'chenet. Chepoten amos cha muene' emayenan ama't atsne', erracmañen chepoten, e'ñe chorren amos.

³ Atto atarr chepoten amospa' cha'nmacha'tatan ñaña allot ahuañchenclla ñanac shonte', pamcha'tyesa erracmañen patso. Ñehua, ñeññ ahuañchencllapa' o' apet attoch epotaña atet pena ñerra'mrrate' yellas ñeññ atarr epotañ.

⁴ Ahuañchencllaña'apet otareña amach errot patstano ta'te' ñeññ patso'tsen, amach errot patstano ñaña tsach. Ama't ñaña allohuen ñeññ pa'namen chopyets aña patsro amach errot patsche. Añcha'ña errot pa' acheñ ñeññ ama ayato'ma'tareteyaye Yompor pueyotsaparo.

⁵ Ama muenacheto o'ch muetsan ama't patrra acheñ allempo. Ñeññ ahuañchencllapa' aña oteñet o'ch muerochtatan acheñ amnarnña arrot. Ñeñña'apetcha'atserrpanet atet aterrtena yellas ñerra'm cho epota'y.

6 Allempoña acheñenesha'pa' e'netcha' attoch rromuet tarraña amach errotenoť rromueto. Ama'tcha' atarr ya'ñametare'tenetañpa' amach rromueto.

7 Ñeñť ahuañchenclla atet orrtena ñerra'mrrate' cahuall allempo o'ch natyeñet attoch quellara-
chet. Poñpa' e'ñe atet orrtena ñerra'm choyo'mets ñeñť orotaten. Pa'clloyoťpa' e'ñe atet orrtena ñerra'mrrate' acheñ.

8 Echet, pue'chpa' añecmuen atet ñerra'mrrate' coyanesha' pue'ch. Pa'spa' e'ñe atet orrtena ñerra'mrrate' ma'yarras.

9 Pa'tallpa' e'ñe atet orrtena ñerra'mrrate' asertall ñeñťcha' moñenaya, amach etsoto allo saneñet. Ñaña ahuañchenclla ñerra'm esempo anomchenapa' e'ñech atet e'morrtena ñerra'mrrate' shonte' carro ma'moretets allempo matateñ cahuall huomenc attoch chapuet allcha' quellarošet.

10 Pa'sme'llpa' e'ñe atet orrtena ñerra'mrrate' yellas pa'sme'll allot epotañtena. Pa'sme'llo'tsen puepotañer allot atserrpenan acheñenesha'. E'ñech amnarña arorr mueročhtatenanet.

11 Ñeñť ahuañchenclla ñetpa'cho'ña añ pa'mcha'tareťer penet mellañoťeñ ñeñť amcha'tareťtetsa all allo'tsen arroroť ñeñť atarr arroroť o'pononeť pats. Mellañoťeñ ñeñť pa'mcha'tareťer pen ahuañchenclla, he-
breyachopa' añ socheñet Abadón; griegačoñapa' añ socheñet Apolión. Ñeñť epo'mar so'chñets ya yeñoño ñeñť yoten amtsanatañ.

12 Allempopa' met ñeñť ñanom ñeñť allcatañtetsa, tarraña señochepa'ch palltena po'poñ epa ñeñťcha'

allcatañtterrtserr.

13 Allempoña po'psheñeñ mellañoñeñ ñeññ po'pechapueñ o' poctorerrerr. Poc-tora'huerrtserrpa' naña allpa' ne'muerrerr ñoñets ñeññ e'morrtetsa altar pa'tatso'marot po'ucorot. Añ altar ñeññ ayeçhcataret oro, ñeññpa' e'ñe ñehuapoñe'tsen Yompore po'conañe.

14 Ñeññña ñoñetspa' atet otenan mellañoñeñ ñeññ po'pechapueñ ñeññtara ñeññ o' poctora'huerrerr. Ñeññña ñoñetspa' atet otenan mellañoñeñ:

—Te'pa' o'ch pepyamper mellañoñeñnesha' pa'tatssheño'mar ñeññ ehuancarettetsa all ñeññ atarr po'ñeso ñeññ pa'so'cheñ Eufrates.

15 Ñehua, ñeññ mellañoñeñ pa'tatssheño'maretpa' añecop añño'tareñtenet all atomat o'ch çhap allempo onañchareñ allempochña ñetpa' o'ch a'cllatueret shonte' acheñenesha'. Ñeññ ora allpon acheñenesha' ñeññ yeçha'yetsa arr patsro allponcha' colla'huerrtsa ñeññ allpon otenet la tercera parte. Te'pa' o' e'ñe etsotua ñeññ atet onañchareñ ñeññ hora, ñaña ñeññ yetro, ñaña ñeññ arrorr-ro ñaña ñeññ chararo. Allempoña ñeññ mellañoñeñ pa'tatssheño'marpa' o' a'rroyareñterret.

16 Ñeññ mellañoñeñ pa'tatssheño'mar ñetñapa' ahuanmet po'solltarer ñeññ monta'yetsa puec-ahualoro. Nañapa' ne'muen allpon ñeññ atet oten ñeññ allo'tsa'yen. Ñeññpa' atarr aton shonte'. Ñeññ che'muechets all, allo'tsen doscientos millones solltarnesha'.

17 Ñeññ atet gatennet all nent ñaña cahualleçhno, ñaña nent ñeññ atet orrtena

ñeñt̃ montenaya. Puesomapoṭpa' añ
 chorra'yenet asrom. Patanta'tetspa' añ
 chorra'yenet tsamamuenare', po'potantañpa' añ
 chorra'yenet asollemamuenare', po'potantañpa'
 añ chorra'yenet shemashremamuenare'. Ñaña
 cahuallečno poñpa' atet orretyena ñerra'mrrate'
 ma'yarroto'. Puenamoṭñapa' allot̃ čha'nen tso'
 huorte' epuet ñaña amos epuet ñaña ñeñt̃
 huoretnets shemashrepñeñen ñeñt̃ otenet azufre.

18 Añña ñeñt̃ čha'nets puenamoṭ atsetaren
 ma'po'marpa' ñeñt̃pa' ñeñt̃ña amtsañtetsa
 ñeñt̃cha' a'cllatuerre' shonte' acheñenesha' ñeñt̃
 allpon otenet la tercera parte.

19 Ña po'huamenc allo muetsenan acheñenesha'
 ama puenamoṭayaya atet̃ peno, añña ama't
 pa'sme'lloṭpa'čo'ña amtsañtena. Tarro'mar
 pa'sme'llpa' shechpeto' ñeñt̃ poso'sme'll pen.
 Ñeñt̃pa' alloña atserrpenan acheñenesha'.

20 Allpon acheñenesha' ñeñt̃ qeshḥpatsa
 ñeñt̃ ama muetsanato ñeñt̃ amtsañtetsa
 ñetñapa' attera atpare'teñet Yompor. Ama
 cotape'cherreto cohuen attoch quechpuet
 ñeñt̃ atet̃ p̃atse'tyenet sosya'tsañ. Ñetpa'
 attera mueneñet o'ch ma'yochyenet oneñetečno
 ñeñt̃ ama cohuenayaye. Ñaña ñetpa' attera
 mueneñet o'ch yečcatatse'tyeset pa'namen
 ñeñt̃cha' ma'yochenet atet̃ ñerra'm oro ñaña
 quellema't, ñaña bronce, ñaña mapue', ñaña
 tsach. Allohuenet ñeñt̃ yečcatyenet ñeñt̃aña
 po'yomporer penet, ñeñt̃aña ma'yochenet ama't
 ama enteno, ama't ama e'mueno, ama't ama
 chope'cheno.

21 Ñaña ama queĥpueneto ñeñt̃ atto muetsanna'tenet ñaña atto tsam̃nannenet ñaña atto nanac cañoresha'tenet ñaña atto etatsre'tanna'tyenet. Ora añeĥnopa' alloña ama cohuenaye' cotape'cheneto.

10

Atto Juanpa' entan puesheñarr mellañoñeñ ñeñt̃ orrene' po'librotoll

¹ Allempoña napa' o' alla nenterrerr po'psheñeñ mellañoñeñ ñeñt̃ atarr ahuamencattetsa. Ñaña'papa' sohua'nena entot̃, e'ñe osot̃ sohuañpena. Poñoñña' añ arca'tam̃pesnene' ayon. Pa'clloyot̃ña' e'ñe atet̃ poptena ñerra'mrrate' atsne' ĥoyo'tetsa. Pa'tac pa'ĥepohuen ora atet̃ orrtena ñerra'mrrate' tso' huortets enonet̃.

² Sohua'nenapa' orra'nenan po'librotoll. Ñeñt̃ña librotollpa' e'ñe cohuen atoraret̃ ñeñt̃ rremuen potot̃. O' ĥap patsopa' pa'tacña po'cohuenrot̃pa' tomos oño, po'ptecañña ñeñt̃ pue'ĥcoterot̃pa' tomos patso.

³ Allempoña tomospa' rranosa huomenc. Po'ñoñña' e'ñe atet̃ e'morrtosa ñerra'mrrate' ma'yarr t̃coretsa. Atto rranosapa' e'ñe atet̃ e'morrtena ñerra'mrrate' t̃core' anapuene' ñeñt̃ canĥrroche'tats t̃corena.

⁴ Allempoña e'morrt̃a ñeñt̃ canĥherr t̃core' napa' nemneñeñ o'ĥ nequellcañ ñeñt̃ atet̃ ne'm̃ t̃core', tarraña na allempopa' ne'muerrerr ñoñets all e'morrtena ento. Ñeñt̃ña ñoñetspa' atet̃ otenen:

—Amach pequellcatsche ñeñt̃ atet̃ pe'mueñ t̃core' ĥochña p̃a'nasocha.

5 Allempoña añ mellañoṭeñ ñeñṭ tomosets oño ñaña patso, ñañaṭa' echantosán pot enoneṭ po'cohuenroṭ.

6 Allña eñosospa' e'ñe huomenc nosan po'ñoñ Yompor pa'so'chño, ñeñṭpa' atet otos:

—Yompor ñeñṭ ama arromñaṭeshayaye ñeñṭ yeṭcate' enet ñaña ora allpon ñeñṭ allo'tsa'yen pue'ntañ, ñaña ñeñṭ yeṭcate' pats ñaña ora allpon ñeñṭ allo'tsa'yen po'patsño, ñaña ñeñṭ yeṭcate' oñeṭhno ñaña ora allpon ñeñṭ allo'tsa'yen pueyeṭcatareso, ñañaṭa' entenen ñeñṭ atet noten te' ñeñṭpa' e'ñech po'ñoṭ atet perra. Te'pa' amach alla yecuame'tere'te atomatuanen.

7 Ñerra'm esempoch poctorerrerr po'psheñeñ mellañoṭeñ ñeñṭ po'canṭhroñpa' allempochña e'ñe etsotuerra Yompor poṭaṭña ñeñṭ ama e'ñeye' eñotpahuoyaye ama't ahuaṭoṭeñ ama't allempo ñanom eñotatyeseṭ ñeñṭcha' a'mta'yeseṭ po'ñoñ ñeñṭara ñeñṭ nanac torra'yestse't ñocop. Allohua ñeñṭ atet eños mellañoṭeñ.

8 Allempoña napa' o' alla ne'muerrerr ñoñets ñeñṭara ñeñṭ atet ne'm ñorra' ñeñṭ e'morrtetsa pue'ntañot, alla oterrerr:

—Te'pa' o'ch peponemya mellañoṭeñ ñeñṭ tets oño ñaña patso o'ch pechtosñañ potot po'libro ñeñṭ e'ñe cohuen atorareṭ.

9 Nañapa' ahuen allo'tsen mellañoṭeñ, neṭhap ñeshopa' notos:

—Te'pa' o'ch ṭapuen pelibrotoll.

Ñañaṭa' atet oten:

—Añca'ye peyore o'ch perre'. Penamoṭpa' atarrcha' nanac puetsarr pe'm atet ñerra'm

pets po'moñ, tarraña ñerra'm o'ch chap p̄atopa' atarrcha' pesherr pe'm̄.

¹⁰ Allempoña napa' o' nechtosñañ po'libro pot̄pa' o' nerre'. Allempo nerruepa' nenamoña atarr puetsarr ne'm̄ atet ñerra'm pets po'moñ tarraña allempo chap nātopa' atarr pesherr ne'm̄.

¹¹ Allempoña napa' o' alla oterrneterr:

—Te'pa' añ pocte' o'ch alla peserrpare'terrerr ñeñtcha' atet etsotaterr Yompor esempohuañen. Añcha' peserrpare'tyes ñeñtcha' atet perra shonte' pa'namen acheñenesha' ñaña atetcha' perra pa'namen anetso'marnesha' ñaña atetcha' perra pa'namen mereñtsorečno ñeñt eñsyets po'poñe'ttsoçma ñoñtso ñaña atetcha' perra pa'namen añcha'taretečno.

11

Atto epsheña ñeñt pueyochresha' pen Paretspa' ñetcha'ña eñerrtset Yomporecop

¹ Allempoña napa' apnet tepapets ñeñt atarr allpocha'p̄ e'ñe atet ñerra'm carrots. Ñaña allpa' atet otnet:

—Te'pa' o'ch ahuep̄ o'ch petpueññaña' Yompor pa'paquell allo, ñaña altar ñeñt allo'tsen. Ñaña o'ch pe'ñotena' errosheñaate' ñeñt ma'yochetsa all.

² Tarraña amach petpan̄psatscheña ñeñt a'yote'tsa'yen cha'petot. Tarro'mar all ñetpa' aparettetcha' po'poñ acheñ ñeñt ama ame'ñetso. Ñetñaapa' atmama'terretcha' all anetso ñeñt anaret Partsoçop. Pa'tatsoch çharrama puechena epña arrorr allponmatcha' a'sosyateñet all ñeñt anarettetsa Partsoçop.

3 Ñaña allempopa' o'ch nemñe epsheña ñeñt' neyochresha' nepen. Nach ahuamencat' pahuet attoch a'poŕet ñeñt'cha' atet perra esempohuañen. Mil doscientos sesenta yet allponmatcha' ser- rpare'tennanet neñoñ. Puellquëñoŕet chorretcha' pa'shtamashe'm. Arrpa' allohua ñeñt' atet otnet all Yomporec pue'ntaño.

4 Ñehua, añ epsheño'mar ñeñt'cha' eñerrets Yomporecop ñetpa' atma'ntatarettenet epcha olivoch ñaña epa all orratenet huerare ñeñt' e'ñe tomçhets all Yomporecho, ñeñt'ara Yomporec ñeñt' pomnaren p'ohuene' allohuen acheñenesha' arr patsro.

5 Ñaña añ epsheña ñeñt'cha' eñerrets Yomporecop, ñerra'm ama't esesha ñeñt' muenene' o'ch erroŕet pet añ epsheña, ñetñapa' puenamoŕpa' o'ch çha'nmatet tso' huorte' ñeñt'cha' e'nue' ñeñt' e'moñe'tenahuet. Ñeñto'mar yeñoteñ ñerra'm esesha' e'moñe'tenahuet, ñetñapa' e'ñech rromhuet poctacma.

6 Ñaña añ epsheña ñeñt'cha' eñerrets Yomporecop, ñetpa' atarrcha' ahuamencatet. E'ñe ñet po'huamencot' epatare'teñet o' entot' attot'cha' ama huateno e'ñech allponmat eñorenet Yomporecop. Ñaña e'ñe ñet po'huamencot' oññapa' o'ch a'pnaseret errasats. Ñaña e'ñe ñet po'huamencot'et o'ch çhapaterret añ arr patsro pa'namen ñeñt'cha' amtsañterrtsa. Ama't esempo allempo atet muenenet ñet, allempocmach atet pet.

7 Tarraña ñerra'm esempocho e'ñe e'nuet ñeñt'cha' allpon eñoret arr patsro, allempoñapa' o'ch

ĉha'nom ñaña ñeñt̃ berrma'ttetsa ñeñt̃ atarr bellac. Arro'tcha' ĉha'nom arrorotot ñeñt̃ atarr o'pononet arrorot̃tena pats. O'chña ĉha'nompā' o'ch quellarosan añ ñeñt̃ epsheña ñeñt̃cha' eñerrets Yomporecop. Ñeñt̃ berrma'ttetsa ñachña ganatsa o'ch muetsan añ ñeñt̃ epsheña.

8-9 Añña epsheña ñeñt̃ amtsaretpa' attach o'shshe'muet toño allecma chopeñe'chen allohuen acheñenesha'. E'ñe ma'pamuet ñaña po'poñ pueshmet yet allach o'shshe'muena all atarr anetso, ñeñt̃ara anetser Jerusaléñ all corso'tam̃pset Yepartseshar Jesucristo ahuat. Ñeñt̃ña anetserpa' ñato' o'ch netma'ntacha ñerra'mrrate' ñeñt̃ atet̃ pete't̃ anetso Sodoma ñaña anetso Egipto. Añña epsheña ñeñt̃ amtsare't̃ attach o'shshe'muet all amach esesha' muenateto o'ch pampuet. Allñapa' allcha' huačhena shonte' pa'namen acheñenesha' ñeñt̃cha' cohuanrrortene', shonte' pa'namen mereñtsorečhno ñeñt̃ eñosyets po'poñe'ttsoema ñoñtso. Shonte' pa'namen anetsočhno allot huačhena.

10 Acheñenesha' ñeñt̃ yečha'yetsa erraṣaren arr patsro ñetñapa' o'ch coshame'tam̃pesyet añ epsheña arromñañ. Atarrcha' nanac cosherret. Pocsheñesho'tet̃ña ñetpa' o'ch es apanna'tyeset e'ñe atta. Ñetpa' añecopcha'ña atarr coshenet tarro'mar o' rroma añ epsheña ñeñt̃ atsrre'močen entenet ñeñt̃ yore'tatenahuet po'chñaret e'ñe pueserrpare'teño'tet Yompor po'ñoñ.

11 Allempoña o'ch met ma'pamuet ñaña po'poñ pueshmet yet, añña ñeñt̃ epsheña machayo'tepa'tcha' alla tanterret tarro'mar

Yomporña alla tantaterre'. Allohuen acheñenesha' ñeñt' cohuanrrortene'pa' atarrepa'tcha' nanac yorenēt.

¹² Allempoña tanterret epsheño'maret, e'muet ñoñets ñeñt' e'morrtetsa atarr huomenc entoŧ. Ñoñetsña'pa' atet otenanet:

—Sa'tap arr ento.

Ñetña'pa' o'cho' a'tapuet, ospa' ñeñtña anmahuet ento.

¹³ Cohuanrrortets ñeñt' e'moñe'tenahuetpa' e'ñe allempocmaña pella pats huomenc. Allña anetsopa' shonte' matna't pocoll, allpon otenet la décima parte. Ñaña cancherr mil acheñenesha' ñeñt' allpon colla'huatsa. Ñeñtña allpon qeshpatsapa' atarr yorenēt. Pueyorñoŧetpa' e'ñe allempocma añcha'na'tpo' eñchet Yompor ñeñt' pue'ntaño'tsen. Allña'pa' cohuentatoñet.

¹⁴ Allempopa' o' metuaña ñeñt' puepañ ñeñt' allcatañtetsa, tarraña señoche'pa'ch palltena po'poñ paterr ñeñt'cha' tecma allcatañtatsa ñeñt'cha' puema'pañ.

Allempoch poctora'huerr mellañoŧeñ e'ñe allohuanen allempochña añcha'taretetuerra Yompor arr patsro

¹⁵ Allempoña po'psheñeñ mellañoŧeñ ñeñt' po'canchroñpa' o' poctorerrerr ñaña. Poctora'huerrterrpa' entoña'pa' atarr huomenc e'morrterrerr ñeñt' eñoretsa all ento. Ñeñt'pa' atet otenet:

Ñeñt' allpon añcha'taretetyetsa arr patsro te'ñapa' o'huañcha' allo'na añcha'taretetnenet tarro'mar ñeñt' atto añcha'taretetyenetpa' ñeñt'pa' allochña añcha'taretterra Yompor

epuet ñaña Puechemer ñeñt Cristo.
Ñeñtcha' atto amcha'taretterra Yomporpa'
ñeñtpa' amach ahuañañaatterro ama't
errponaña.

16 Allempoña añ ñeñt epoch çharrasheña ñeñt
puechetsa pa'tats ñeñt anorrçhets all e'ñe ñet
po'conañeto allot sherbeñet Yompor all pue'ntaño,
ñetñaapa' rrema'rrartenet Yomporeshonet atet
ma'yocheñet Yompor.

17 Ñetñaapa' atet otenet:

Pa Yomporre ñeñtep atarr nanac Partsoþ ñeñteþ
Yepartseshar yepenep, ñeñteþ çhocma
eñalleþ ama't ahuañoteñ ñaña ñeñteþcha'
alla huerrtserr po'pocheño aña patsro,
yañapa' atarr yeparasyoso'teneþ tarro'mar
te'pa' o'ch alla þo'paterra þa pehuamenc
attotcha' o'ch alla atarr þa'mcha'taretterra.

18 Shonte' pa'namen acheñenesha',
pa'namen anets allo'tsa'yenet, ñet
pa'tsrre'mueñoñetpa' e'ñe e'moñe'tuenpet,
tarraña te'pa' o' çhap allempoch
pecoñchatuerranet. Ñaña te'pa' o'
çhap allempo onañchareñ añecop ñeñt
colla'huetsa ahuañoteñ allempoch
peñotatuerranet ñeñt atet þa'yesete't. Añña
ñeñt torra'yestse't atto a'mtonapete't peñoñ
ñeñt e'ñe peyochresha' pepe't, te'ñaapa' o'
çhap allempoch petsa'tuerranet. Ama't
allohuen ñeñt þame'ñaye't þa ama't ñeñt
atarr asherben entyesete't ñaña ñeñt
ama asherben entete'te, te'ñaapa' o' çhap
allempoch petsa'tuerranet allohuenet

ñeñt̃ p̃ame'ñenaya p̃a. Ñaña te'pa' o' čhap
 allempoch e'ñe p̃a'chencatuer allohuen
 ñeñt̃ a'chencatañtetsa añe patsro.

19 Allempoña añ Yompor pa'paquell ñeñt̃
 ento'tsenpa' e'ñe cohuen atorare'tena. O'ponoña
 all nentoñ Yompor po'tsapot all čhocma
 añño'tenet ñeñt̃ aquellcaret̃ ñeñt̃ a'pocstat
 Yompor yocop. Allña'pa' meratstena, tatsllaren
 ma'moreten huomenc, pellena pats ñaña atet̃
 huechen huomenc.

12

*Atto Juanpa' entan puesheñarr coyanesha' ñeñt̃
 emaret̃, pue'maretollpa' ñeñt̃ara Cristo, añañña'pa'
 mueneñeñ o'ch añañpes pue'maretoll*

1 Allempoña all pue'ntaña'pa' all orrtena ñeñt̃
 ama't ahuata ama't puesheñarrofeyapa' ama
 yentare. Ñeñt̃pa' ñeñt̃cha'ña yeñotaterre' ñeñt̃cha'
 atet̃ perra esempohuañen. Allña'pa' all orrtena
 puesheñarr coyanesha'; añ po'cashe'm pen atsne'.
 Pa'rrpoña'pa' allo'tsen ñaña arrorr. Poñoñña'pa'
 echoyo'met̃. Po'choyo'mopa' all orrtena čcharra'
 ranto puechena epa.

2 Ñeñt̃ña coyanesharpa' ačhomen, o' čhen
 allempoch eñalletatan pue'mar. Atto atsotenana
 pue'marpa' čha rranare'tena, atarr allpatateñ
 pue'mar.

3 Allempoña all pue'ntaño all orrtena
 po'poñ ñaña ñeñt̃ ama't ahuatapa' ama
 yentare. Ñeñt̃pa' añ orrtetsa añañ ñeñt̃
 atarr añcha'nochen. Ñeñt̃ añañpa' atarr
 añecmuen ñaña atarr tsama't orrtena. Poñpa'

cančherrmāga. Cančherrmāgo'mar poñpa' e'ñe echoyo'metareroche'. Ñaña po'ucorpa' allo'tsen čharra'.

⁴ Pa'sme'll ñeñt chetare'tnen alloña tarra'huanenanña shonte' rantočno e'ñe a'shore'tuaneñ patso. Ñeñt allpon ranto ñeñt ento'tsen, allpon a'shore'tuareť ñeñt otenet la tercera parte. Ñeñtña añyañpa' alla tomos e'ñe coyaneshesho ñeñt atsotenaya pue'mar all cohueñ ñerra'm o'ch eñalletatan pue'marpa' ñach añyañpse'.

⁵ Allempoña coyanesha'pa' o' eñalletatan pue'mar ñeñt'pa' asheñorr. Allempo eñalletua ñeñt asheñorroťollpa' e'ñe allempocma a'tapachet Yompor po'conaño tarro'mar ñapa' ñach anareťterrtsa ñeñt'cha' añcha'tareťterrtsa allohuen pa'namen acheñenesnacop. E'ñech po'yoročhenñot añcha'tareťterranet, atet ñerra'mrrate' ñapa' a'sreperet o'ch añcha'nočhtana'terranet.

⁶ Allempoña coyanesha'pa' allorocma o' yeta o' čhap allařar all amarato. Allña Yomporpa' e'ñe cohuen añño'tatoñ allcha' cohuañpeñet allcha' rrateñet allponmat yet ñeñt otenet mil doscientos sesenta yet.

Atto quellarenet Yompor pue'ntaño

⁷ Allempoña quellarenet Yompor pue'ntaño. Ñeñt pa'm'cha'tareťer pen allohuen ñeñt e'ñe cohuen mellañoťeñnesha'pa' añ pa'so'cheñ Miguel.

⁸⁻⁹ Miguelñapa' all quellara po'm'llañoťeñnanesharohuen. Quellareñet añyañ, añyaññapa' o' quellara ñaña pueyochreshohuen.

Miguelpa' chetanna'tet parro epuet añañ all Yompor pue'ntaño. Ñehua, ñeñt pueyochresha' pen añañ ñeñtpa'cho'ña mellañoñesha' tarraña ñeñt mellañoñerpa' ama cohuenayaye. Tarraña añañ atto quellaran Miguelpa' ñapa' ama gano. Ñeñto'marña añañpa' huapore'chet entot pueyochreshohuen a'shoraretterret patso. Attoña ahupore'tarettaña añañ ama't atarr nanac añcha'nocheneñ. Ñehua, añañpa' ñeñt shecheþ ahuatoteñ ñeñtara yoten oneñet ñaña ñeñt otenet Satanás ñeñt atarr ashcañtetsa ora erraparen aña patsro.

¹⁰ Allempoña napa' o' alla ne'muerrerr po'poñ ñoñets ñeñt atarr e'morrtetsa huomenc all Yompor pue'ntaño. Ñeñt ñoñetspa' atet oten:

—Te'ñapa' po'ñoçh o' çhap allempoch queshpa'huerra allohuen acheñesha' ñeñt pueyochresha' pen Yompor, tarro'mar o'ch alla o'paterrana po'huamenc e'ñe poctacma o'ch alla añcha'taretterra ñapue't epuet Puechemer ñeñt Cristo ñeñt nen ña ñeñtcha' añcha'tarettapretenaya. Añ oneñet ñeñt çhocma atta toma'tañpesyene' masheñneshaçhno all Yomporesho yeto ama't ñaña tsapome'tets ñeñtñapa' o' ahupore'taretta.

¹¹ Ñeñt masheñneshaçhnor ñeñt ame'ñenaya Yompor, ñetñapa' o' e'ñe a'mchechueret oneñet ñeñt toma'tañpesyenahuet e'ñe atta. Añ a'mchechatterre' ñeñt atto Cristo rroma, ashataretta po'rras ñeñt toma'ntenaya Carrnero ñeñt muetsete't ochñartsocop. Ñaña añ a'mchechatterre' ñeñt atto masheñneshaçhno

chocma eñosyenet e'ñe cohuen ñeñt atet pena Cristo po'cohuenña. Ama't amue-rochtatarefetyenetpa' ñetpa' ama quechpueñeto atto eñosyenet e'ñe cohuen Cristocop, tarro'mar ñetpa' ama mecha'teneto ama't mamesha o'ch rromuet e'ñe pame'ñeñotet Cristo.

¹² Atarr cosheñets Yompor pue'ntaño allohuenacop ñeñt allo'tsa'yen. Tarraña atarr llequëñets allohuenacop ñeñt ye'cha'yetsa añe patsro ama't ñaña ñeñt oño'tsa'yen. Tarro'mar oneñetpa' o' sohuanperranet e'ñe pa'tsrre'mueñesha'. Ñapa' eñoteñ e'ñech mameshap' o'ch alla ahuapore'taretterrerr.

Atto añaña'pa' attera cotare'tenan coyanesha' ñeñt o' eñalletatuan puechoyor

¹³ Allempoña añ añañ ñeñtara oneñet o' eñota ñapa' o' ahuapore'taretta entot, ña pa'tsrre'mueño'tpa' o' alla cotare'terranerr coyanesha' ñeñt o' eñalletatuan puechoyor asheñorrotoll.

¹⁴ Tarraña coyanesha'pa' allempo cotare'terrerr añaña'pa' ñeñtña coyanesha'pa' o' apet eppa'ya pa'pue' ñeñt atesha' contor pa'pue'. Ñeñt'pa' alloch anomañpsana po'yallop ñeñtara añañ o'ch sa'nemñ o'ch chap bachayo all amarato all añaño'teññañet ñocop e'ñe cohuen allcha' cohuanpeñet. E'ñech ma'pa char ñaña po'poñerrerr pueshmet char, ñeñt'pa' allponmatcha' rrachet all.

¹⁵ Allempoña añ po'yalloppa' e'ñe puenamot cha'nmatan shonte' oñ atet ñerra'mrrate' po'ñes apellchetsa. Ñapa' cha otapañ ñeñtcha'

rremuerraya' coyanesha' ñeñt̃ cotare'ten attoch a'ño'shach. Tarraña ñeñt̃pa' ama attetache.

¹⁶ Ama't patspa' yenpan coyanesha', attoña tara'nom all esha'tanña oñ e'ñe masohua ñeñt̃ allpon cha'nmat po'yallop puenamoť.

¹⁷⁻¹⁸ Ñeñt̃ña atarr atsrre'mate'ña añañ, ello alla atarr e'moñe'terranerr coyanesha'. Allempoñapa' ahuo' allo'tsa'yen po'potantañ coyanesha' puechoyoresha' o'ch quellaros Janet ñamet. Tarro'mar ñetpa'cho'ña chocma ame'ñeñet Yompor po'ñoñ ñeñt̃ atet anaret ñaña chocma coteññañet Jesucristo poctaḡña.

13

Atto Juanpa' entan berrma't ñeñt̃ atarr am̃cha'nochen ñeñt̃ cha'nets oñoť

¹ Allempoña napa' naťomos sa'patoḡño, allña'pa' nenterrerr berrma't atarr am̃cha'nochen ñeñt̃ cha'nmat oñoť. Poñpa' cancherrm̃aga, po'ucorpa' charra'. Paťe'tets po'ucorpa' e'ñe echoyo'metoche'. Puenm̃aga'ttso all aquellcareť sochatse'teñets ñeñt̃ pa'namen sosya'tsañ allo achm̃are'teñet Yompor.

² Ñeñt̃ña berrma't pue'moquër e'ñe atet ñerra'mrrate' ma'yarr tarraña pa'tacña'pa' e'ñe atet ñerra'mrrate' orranatec. Puenampa' e'ñe atet ñerra'm ma'ñorenam. Añañña'pa' ñeñt̃ apue' po'huamenc, aḡ ñaña llesens attoch am̃cha'nochtaprecha all po'conaño.

³ Puenagarr poñpa' all orrtena cha atserrpena nanac huomenc cha mettaguën ñeñt̃cha' muetsayen tarraña ama rromo alla correrra.

Ñeñto'marña allohuen acheñenesha' arr patsro ñetpa' atfa cohuanrrorteñet čha otapuetañ ñato' čhach rroma, tarraña ama rromo. Ñeñt atfo ama rromopa' acheñenesha'ña arr patsro ñeñtña ame'ñatenahuet. Ñetpa' otenapuetañ ñato' ñeñt'e'ña Parets.

⁴ Ñeñto'marña acheñenesha' ma'yocheñet ma'yarrma't. Ñetpa' atet otanna'tyeset:

—Ama eñalle po'poñ ñeñt nanac ahuamencat atet ñerra'm añ ma'yarrma't ñeñt yenten. Ama't e'ñe eseshapa' amate' errotenoť a'mchechachetoña añ ñeñt atarr ahuamencat.

Ama't añaña'pa'cho'ña ñeñt ma'yochena acheñenesha' tarro'mar añaña'pa' ña ahuamencat pe' ma'yarrma't.

⁵ Añaña'pa' muenatenan ma'yarrma't o'ch ommo'chatse'tyesa. Pommo'chatse'teñoťpa' o'ch achmare'tenan Yompor. Ñaña muenatan ma'yarrma't o'ch amcha'tareťta pa'tatsoch čharraña ñaña puechena epña arorr.

⁶ Atet pa' ma'yarrma't achmare'tenan Yompor, sochatse'teññañ pa'so'cheñ. Ñaña Yompor pa'paquell ñaña allohuen ñeñt allpon allo'tsa'yen pue'ntaño e'ñe achmare'tueñ.

⁷ Ñaña muenateñ o'ch quellaran ñeñt pueyochresha' pen Parets. Ñaña muenateñ o'ch ganana Yompor pueyochresha'. Ñaña muenateñ o'ch amcha'tareťta allohuenacop ñeñt pa'namen acheñenesha', allpon ñeñt pa'namen mereñtsor ñeñt e'ñe eñosyets po'poñe'ttsocma ñoñtso ñeñt ora allpon allemeñ anetso'mar.

8 Ora allohuen acheñenesha' ñeñt' añe patsro'tsa'yen añach ma'yochenet ma'yarrma't tarro'mar ñeñt' acheñenesha'pa' ama aquellcareteyayeto pa'so'cheñ Cristo po'libro all aquellcarettena allohuen ñeñt' corretsetach ñeñt' ame'ñenaya Cristo ñeñt' amtsarettatsa ochñartsocop atet ñerra'm carrnero. Ahuat allempo errete' ayeçhcataretta pats, Cristoña po'libropa' all aquellcaret so'chñetsoçhno attochña ñetpa' corretsetach.

9 Ñerra'm esesha' e'mñotene' añ ñoñets, çhaponëpa'ch pueyoçhro ñeñt' atet yeçhateney añ ñoñets. Ñeñt' ñoñetspa' atet oten:

10 Ñerra'm esesha' rromanatene' po'potantañ attoch yottamñpsatanet, ñetpa'çho'ña ayotamñpsaretterretcha'. Ñaña ñerra'm esesha' muetsanatene' po'potantañ espado, ñetpa'çho'ña amtsaretterretcha' espado. Ñeñto'mar añ ñeñt' poçtetsa yocop e'ñe yeyemteñoñ Yompör o'ch ya'huanten acoçoteñ ñerra'm es yehuapoya, allohueney ñeñtey o' pueyochresha' perrey Parets.

Atto Juanpa' entan po'poñ berrma't ñeñt' çha'nets o'ponot patsot

11 Allempoña na allpa' nenterrerr po'poñ ñeñt' berrma'ttetsa. Ñeñt'pa' arroç çha'nom o'ponot patsot. Ñeñt'ñapa' e'ñe epa po'ucor atet ñerra'm carrnero po'ucor, tarraña ñeñt'pa' atarr amçha'noçhen eñen e'ñe atet eñen ñerra'mrrate' añyañ eñoretsa.

12-13 Ñapa'çho'ña atarr amçha'taretta e'ñe atet amçha'tarettena ma'yarrma't ñeñt'

ñanom nent ñeñt̃ cha'nmats oñoť. Allñapa' ancha'tarettapretenana ñeñt̃ ma'yarrma'ttetsa all. Ñeñt̃ cha'nmats o'ponoť patsot̃ ñeñt̃ñapa' muenatenan allohuen acheñenesha' ñeñt̃ añe patsro'tsa'yen o'ch ma'yochyet ñeñt̃ ma'yarrma't. Ñeñtara ma'yarrma't ñeñt̃ correrřtsa e'ñe mamecma allempo mettaguën. Ñeñt̃ atto mettaguën ñeñt̃cha' muetsayen țarraña ñapa' ama romo. Añ berrma't ñeñt̃ cha'nmats o'ponoť patsot̃pa' ñerra'm esempo allo'tsen parro epuet ma'yarrma't ñañapa' eñall attoch orrtatenan acheñeneshacop pa'namen ñeñt̃ ama puentareto ama't ahuata. Attoña a'shoran entoť huorte' tso' ñeñt̃ña tso' huorte'pa' o' e'ñe chap patso allñapa' cohuanrrortatan shonte' acheñenesha'.

¹⁴Ñeñt̃ñapa' allo shequënan shonte' acheñenesha' ñeñt̃ añe patsro'tsen. Ñeñto'marña ñerra'm allempo otenan acheñenesha', o'ch seyečcat ma'yarrma't, ñetñapa' e'ñech pocte' enteñet. Añ ñeñtara ma'yarrma't ñeñt̃ metto'ten espada țarraña ñapa' e'ñe mamecma o' alla correrra.

¹⁵Añña berrma't ñeñt̃ cha'nmats o'ponoť patsot̃ ñeñt̃ñapa' muenateñet o'ch o'rrerratan ayečcatareť ñeñt̃ toma'ntatenet ma'yarrma't. Allochñapa' attoch eñorana'tanet pueyečcatar. Ñaña ma'yarrma'tpa' atet nanet po'ñoñ, ñeñt̃pa' atet oten: Ñerra'm esesha' ama ma'yochenaye ayečcatareť muetsanachetepa'ch.

¹⁶⁻¹⁷Elloñapa' oterranerr acheñenesha':

—Te'pa' o'ch seyaco'mta'tyesa sotoť secohuenroť amapa' arr seto'mo'mar. Allcha' sena'yeson neso'cheñ amapa' sena'yeson ñeñt̃ nenúmero

nepen. Atet p̄atan allohuen acheñenesha' ama't ñeññ ama esoshe'mayaye acheñ, ama't ñaña ñeññ atarr sherbets, ama't ñaña acheñ ñeññ atarr ec̄llayoret, ama't ñaña ñeññ atarr huocchañetets, ama't ñaña acheñ ñeññ e'ñe cohueno'tsen, ama't añ acheñer ñeññ ataruasataret e'ñe at̄ta. Allohuen acheñenesha' ñeññ ama ayaco'm̄ta'tarete all neññañet ma'yarrma't pa'so'cheñ amapa' ñeññ po'número pen ma'yarrma't, ñetñapa' amach errotent̄ es pomueneto ñaña amach errotent̄ es raññent̄o ñeññ muenenet ñet.

¹⁸ Ñehua, ñeññ allpon po'número pen ma'yarrma'tpa' ñeññpa' allo'tsen seiscientos sesenta seis. Ñeññ número añ toma'ntena p̄uesheñarr acheñ pa'so'cheñ ñeññcha' ñanom orrterrtsa tsapatonet. Ñerra'm esesha'ch atarr es eñoterrets eñoterrñañetepa'ch pa'so'cheñ ñeññ atma'ntataret añ número.

14

Allempo Juanpa' entan Cristo ñeññ atma'ntataret Carrnero, all ten Sióñaño epuet ñaña shonte' acheñenesha'

¹ Allempña na cohuerrtsanerrpa' alla nentererr Cristo all ten Sióñaño. All orrtena e'ñe atet orrtena ñerra'm Carrnero. All tom̄chen ñaña shonte' acheñenesha'. Ñeññ acheñenesha'pa' allo'tsen ciento cuarenta cuatro mil acheñenesha' ñeññ emchorrenaya Cristo. Ñeññña acheñenesha'pa' e'ñe ayato'ma'taretoche'. Pueto'muetopa' all na'yeññañet Cristo pa'so'cheñ ñeññ atma'ntataret Carrnero, ñaña Pomp̄or pa'so'cheñ ñeññara ya Yeyomp̄orer.

2 Allñapa' ne'muen ñeñt huomenc e'morrtetsa, arroť huena entoť. Atarr huomenc e'morrtena atet ñerra'm all etsase'tena shonte' oñechno ñeñt atarr huomenc ma'moretets. Po'ma'moreteñapa' atarr huomenc e'morrtena čha ottena ñerra'm čho tecor-rraren huomenc ñeñt yoten tatsllare'. Ñeñt ma'moretets all añepa't ma'moretets ñeñt shontetsa acheñenesha' all añepa't a'ma'moretenet arpa.

3 Allñapa' cohuentatenet morreñets ñeñt e'ñe etserra morreñets all Yompor po'conaño. Allo'tsen ñaña pa'tatso'mar ñeñt berrma'ttetsa, ñaña allo'tsa'yen ñeñt sherbene' Yompor ñeñt epoch čharra' ñeñt puechetsa pa'tatssheña. Ama't e'ñe puesheñarrapa' ama eseshaye' yečhenayeña añ morreñets ñeñt etserra. Añña eñotene' ñeñt ciento cuarenta cuatro mil acheñenesha' ñeñt a'qeshpatarettetsa añe patsroť.

4 Ñetpa' ama a'sosyateneto atto yorayeñet coyanesha' tarro'mar ñetpa' e'ñe cohuen correnet. Ñetpa' añ e'ñe cohuen cotenet Cristo ñeñt toma'ntenaya Carrnero. All ama't erra muene' sen Cristo, ñetñapa' e'ñech coťa'neñet cohuen. Ñetpa' e'ñe ñanom a'qeshpatarettet attoña ñetpa' anarettenet atet ñerra'mrrate' ñeñt ñanom yapueñ Yompor ñeñt atarr cohuen, ñeñtara o'patena ñaña Cristo ñeñt atma'ntataret Carrnero.

5 Ama't puesheñarroťetapa' ama shequēneto ama't e'ñe mamesha. Ñetpa' e'ñe cohuen orreyenet amach erroťenoť otteñe'charetterreto ama't ahuata all Yompor po'conaño.

Allempo Juanpa' enterranerr ma'psheña mellañoñeñ ñeññ eñosyesnets anoma'matoñ

⁶ Allempoña napa' alla nenterrerr po'poñ mellañoñeñ all anoma'mtena allpononet enonet. Ñapa' ñeñña serrpare'tatenahuet cohuen ñoñets ñeññ ama ahuañaño ñeññ alloch yequeshperra. Añ cohuen ñoñets ñeññcha' serrpare'tatan allohuen pa'namen acheñenesha' ñeññ yeçha'yetsa aña patsro, ama't ora allemeñ pa'namen anetsoçhno ñeññ pa'namen mereñtsoreçhno ñeññ eñosyets e'ñe po'poñe'ttsoçma ñoñtso.

⁷ Ñeññ atto anoma'mtena all, eñosnen, atarr huomenc e'morrtena, ñeññpa' atet otnen:

—Semcha'na'chepa'ch Yompor, çochña secohuentatoñ tarro'mar te'pa' o' çhap allempoch entyesas e'ñe puesheña'ttsos errofente' sepa'yena. Te'pa' ñachña sema'yocha ñeññ yeçcate' enet ñaña ñeññ yeçcate' pats, ñaña oñeçhno ama't allof potayen oñ.

⁸ Allempoñapa' alla co'a'nererr po'poñ mellañoñeñ ñeññ puepañ mellañoñeñ. Ñapa'çho'ña eñosnerrerr, ñeññña'pa' atet otnom:

—Te'pa' o' ahupore'tareffa añ anets ñeññ atma'ntataret Babilonia ñeññ nanac atarr anets. Tarro'mar ñeññpa' aña yeçhatyenan ora allpon po'poñeçhno anetsoçhno ñeññ atarr sosya'tsañeçhno ñeññ atet muenatse'tatyenanet ñet po'çhets.

⁹ Allempoñapa' alla co'a'huererr po'poñ mellañoñeñ ñeññ puema'pañ. Ñapa'çho'ña eñosnerrerr, po'ñoñpa' atarr huomenc e'morrtena, ñeññña'pa' atet otnerrerr:

—Ñerra'm esesha' ma'yochenaya ma'yarrma't amapa' ayečhcataret ñeñt toma'ntenaya ma'yarrma't, amapa' ñerra'm esesha' muenatenet o'ch yaco'mta'chet ma'yarrma't pueyotsaparo amapa' pueto'mo ayato'ma'tare'tta,

¹⁰ ñetñapa' a'coñchatare'tterretcha', tarro'mar Yomporña e'ñe po'yoročhenño'tpa' ñachña e'ñe coñchatuerrahuet e'ñe poctacma. Tso'pa' ñeñtcha'ña mueročhtatuerrahuet ñaña ñeñt epuet huorten tso'pa' ñeñt'pa' atarr shemasher ñeñt otenet azufre. Allcha' a'coñchatare'tterret, allotcha'ña cohueretña allohuen mellaño'teñnaneshachno ñeñt pueyochresha' pen Parets. Cohueretcha' ñaña Cristo ñeñt atma'ntataret Carrnero.

¹¹ Attoch achamare'tterret, tso'ñapa' chepoten pamosoñ enonet ñeñtñapa' amach ahuañaña'tterro ama't errponaña. Amach huañerro ama't mamesha ñeñt atto a'coñchatare'ttenet ama't yeto ama't ñaña tsapo. Tarro'mar ñetpa' aña ma'yochenet ma'yarrma't ñaña ayečhcataret ñeñt toma'ntenaya ña. Ñaña muenateñet acheñ o'ch yaco'mta'chet o'ch noñet pa'co'meto ma'yarrma't pa'so'cheñ amapa' pueto'mo. Arrpa' allohua ñeñt atet ot mellaño'teñ ñeñt anoma'mtetsa eno'mar.

¹² Ñeñto'marña allohueney ñeñtey e'ñe pueyochresha' peney Parets ñeñtey ame'ñenaya Yompor po'ñoñ ñeñt atet oteney ñeñtey e'ñe yemtenaya Jesús, yocopñapa' añ poctetsa o'ch ya'huerta'huen e'ñe aco'pa ñeñt allpon pa'namen es yehuenoya.

¹³ Allempoña na allpa' ne'muerrerr ñoñets arro't huena ento't, ñeñt'pa' atet oten:

—Te'pa' o'ch pequellca' añ ñoñets: “Te'ñapa' atarrcha' cosheñtso'tsa'yen allohuen ñeñtcha' rromayets e'ñe pame'ñeñoñet Yepartseshar Jesucristo.” Po'ñoñch atet oten Yompor Puecamquëñ, ñetpa' amesataretterretcha'. Te'pa' amach alla torrerrete'te tarro'mar ñeñt allpon o' torra'yenet añ patsro, ñeñt'pa' e'ñe eñotuareñ all Yompor pue'ntaño.

Attoch çherr ñeñteñpo allempoch apçherret narmets ñeñt o' pomella'huen

¹⁴ Allempoña na cohuerrtsanerrpa' nenterrerr os atarr huallama't. Ñeñtña ospa' all anen puesheñarr ñeñt'pa' añepa't Jesús ñeñtara Ñeñt Acheñetosets arr patsro. Ñeñt'ñapa' echoyo'met, ñeñtña po'choyo'm'pa' oro ñeñt choyo'm'tena. Potot'ñapa' orrenan cochell ñeñt atore'gorrot ñeñt atarr nanac etsotañ ñeñt otenet hoz.

¹⁵ Allempoña Yompor pa'paclo'tpa' çha'nom po'psheñeñ mellaño'teñ. Ñaña'pa' otosan ñeñt anets oso. Po'ñoñ'ñapa' atarr huomenc e'morrtena, ñeñt'pa' atet otenan ñeñt anets oso:

—Pamat p'occhello ñeñt pomellets alloch'ñapa' o'ch p'a'yapa'che' tarro'mar o' çhap ñeñteñpo allempo yapçhen ñeñt o' pomella'hua yenarenñ.

¹⁶ Allempoña ñeñt anets oso, ñaña'pa' o'çho' amatan ñeñt o' pomella'huen ora erraparen añe patsro. Ñaña'pa' o' a'yapa'chan allem'ateñ ñeñt pomellets añe patsro.

¹⁷ Allempoña çha'nerrerr po'psheñeñ mellaño'teñ Yompor pa'paclo't ñeñt ento'tsen.

Ñapa'cho'ña orrenan po'cchell ñeñt atarr nanac etsotañ.

¹⁸ Allempoñapa' cha'nerrerr po'psheñeñ mellañoñeñ. Ñapa' arroť huapa allo'tsen altar. Ñaña'pa' ñeñt ahuamencattetsa attoch pomnaren penan tso'. Ñaña'pa' otan ñeñt occhellet. Po'ñoñña'pa' atarr huomenc e'morrtena, ñeñtpa' atet oten:

—Te'pa' o'ch p̄amat p̄occhello ñeñt atarr nanac etsotañ o'ch p̄apcha' allo puechma'tets uva ñeñt aña patsro'tsen farro'mar o' atarr nanac yen.

¹⁹ Ñeñtña mellañoñeñ atet oteñetpa' atetcho' p̄a. Allempoña amatan po'cchello uva ñeñt aña patsro'tsen o'cho' a'yapačhach. A'yapačhatuepa' o' shontanña uva allcha' atmama'chet attoch cha'nmatoñet po'ñer. Ñeñtña'pa' añ toma'ntena atto Yompor po'yoročhenñoťpa' atarrcha' coñchaterran acheñenesha'.

²⁰ All atmama'teñet uva, pocolloťpa' tama a'yente'tsen. Ñeñt atto cha'nen uva po'ñer ñeñtpa' añ toma'ntena o'ch chorrerr errasats arr patsro a'yohuen ñeñt allohuanen trescientos kilómetros ñaña enoneť chapcha' e'ñe cahuall po'frenohua ñeñt chets e'ñe yelleca'nohua.

15

Allempo Juanpa' enterranerr cančherrsheña mellañoñeñ, ñetpa' o'ch orrtaterret ñeñtcha' amuročhtatañterrtsa

¹ Allempoña all ento napa' o' nenterrerr po'poñ ñeñt atarr yoročhen ñeñt ama yentare ñeñtcha' yeñotaterre' ñeñtcha' atet perra esempo. Nenterrerr mellañoñeñnesha' cančherrsheña.

Ñetñapa' allsensareñtenet attoch orrtaterret ñeñtcha' amueroçhtatañterrtsa. Puesheña'ttsetpa' orrtaterretcha' ñeñtcha' amueroçhtatañterrtsa e'ñe po'poñe'ttsocma cançherrsheño'maret. Allempochña etsotuerra allohuen ñeñtcha' atto Yomporpa' yoroçhtater.

² Allña napa' nenterrerr ñeñt atet orrtetsa er-racmañen atet ñerra'mrrate' ñeñt añecmuen rerpap e'ñe atet huorten atet ñerra'm tso' huortets all. Allñapa' all tomçhen allohuen acheñenesha' ñeñt e'ñe metana'tue' ora allpon ñeñt atet topatyenanet ma'yarrma't ñaña ñeñt pueyeçhcatar. Ñetpa' ama ayato'ma'tareteyayeto ma'yarrma't pueyotsaparo attoch noñet pa'so'cheñ amapa' ñaña po'número. All tomçhenet e'ñe arpatochet ñeñtpa' Yompor apuenahuet.

³ Ñetña pueñtana'tueñoñet allohuen topateñets morrechenet Moisés puemorreño ñeñt Moisés ñeñt atarr torratset Yomporcop. Pa'queshpatareteñoñet morrechenet ñaña Cristo puemorreño ñeñt toma'ntenaya Carrnero. Ñeñtpa' atet açhoteñet Yompor:

Yompor, ñeñtep nanac Partsop pa ñeñtep Yepartseshar yepen, atarr echarr es petsotatyen, atarr coçhneshare' es pepa'yen. Pa ñeñtep Pa'mcha'tareter pen allohuen pa'namen acheñenesha' ñeñtep e'ñe pocte' es pepa'yen. Ñaña e'ñe po'ñoçh atet ñeñt allpon es potyen.

⁴ Allohuen acheñenesha' e'ñe añcha'na'tpo' entenpet, Yompor. Ama't puesheñarrapa' ama eñalle ñeñt ama añcha'na'tpahuoye'

pentenaye, Yompore. Allohuen
acheñenesha'pa' e'ñe p̄apta cohuentaten-
napet, tarro'mar e'ñe p̄apta p̄a ñeñt̄ep̄
atarr Partsoḡ. Tarro'mar allohuen
acheñenesha' ñeñt̄ pa'namen anetsoḡ
huačha'tetcha' pesho attoch ma'yochapet
p̄a e'ñe p̄apueḡ tarro'mar ñetpa' o' taya
čhapanet pueyočhro atto p̄apa' e'ñe cohuen
pocte' es peḡa'yen.

5 Allempoña napa' cohuerrtsanerr
nenterrñañerr Yomp̄or pa'paquell ñeñt̄
pue'ntaño'tsen. Ñeñt̄ña pocoll popellrrarpa'
e'ñe cohuen atoraret. O'ponoñapa' allo'tsen
all año'tenet mapuettall ñeñt̄ allo aquellcareḡ
Yomp̄or po'ñoñ ñeñt̄ atet anaret ama't ahuatoteñ.

6 O'ponoña Yomp̄or pa'pacloḡpa'
ča'nmačherrerr ñeñt̄ cančherrsheña
mellañoḡeñnesha'. Puesheña'ttset orrtater-
retcha' ñeñt̄cha' amueročhtatañterrtsa e'ñe
po'poñe'ttsočma cančherrsheño'maret. Añ
chorra'yenet ñeñt̄ atarr nanac cohuen ñeñt̄ otenet
lino ñeñt̄ ama asosyatño ama't e'ñe mamesha.
E'ñe cohuen poptama'tyena. Achanaretareret,
po'chanaretpa' orotommuenare' ñeñt̄ allo
chana'yenet puesomapo.

7 Allempoña añ ñeñt̄ pa'tatso'mar berrma't,
paḡerrña'pa' apa'yesan mellañoḡeñnesha'
cančherrsheño'mar pajo'. Apa'yesanet
puesheña'ttset po'pajo' ñeñt̄ orotaten. Ñeñt̄ña
pajo'pa' all e'chorrayesaret alloch coñchaterran
Yomp̄or pa'namen acheñenesha' ñeñt̄ añe
patsro'tsen, ñeñt̄ara Yomp̄or ñeñt̄ ama

arromñatēshayaye ama't errponaña ama't ahuata.

⁸ Allña Yompor pa'paclo e'ñe chorren amos. Ñeñña amospa' añepa't ottetsa Yompor po'cohuenña ñaña po'partsoña. Allñapa' ama't puesheñarrapa' ama muenateñeto o'ch be'toset all Yompor pa'paclo tarrempohuach esepoch orrtatan ñeññ cancherrsheña mellañoñesha' muerochteñets. Allempochña be'toscherret all Yompor pa'paclo.

16

Allempo Juanpa' enterranerr cancherrsheña mellañoñeñ ñeññ echene' po'pajotollesha' all na'yenet ñeññcha' amuerochtatañtertsa pa'namenot

¹ Allempoña napa' alla ne'muerrerr ñoñets ñeññ e'morrtetsa huomenc Yompor pa'paclo. Ñeñña ñoñetspa' atet otenan mellañoñesha' ñeññ cancherrsheña, atet otenanet:

—Te'pa' o'ch sahuanna allcha' seyo'panat erraparen patso ñeññ sena'yen sepajotollesho ñeññ canchrro'mar attoch sorrtatoñ Yompor po'yorochenña.

² Allempoña puesheñarr ñanom mellañoñeñpa' o'cho' ahuo'. Allñapa' yo'posan ñeññ po'pajotollo'tsen patso. Allempo chap patsopa' ñeññapa' orrtatan puetsarñats ñeññ ama amapochatatañe ñeññpa' ama eñalle pa'par alloch partet attoch metuerranet. Ñeññpa' aña a'ptsarsat ñeññ ayato'ma'taretetyetsa ma'yarrma't

pueyotsaparo ñaña ñeñt ma'yochenaya ayečcatareť ñeñt toma'ntatenet ma'yarrmať.

³ Allempoña po'psheñeñ ñeñt puepañ mellañoťeñpa' o'cho' ahuererr o'ch yo'puenana' oño ñeñt po'pajotollo'tsen. Allempo yo'pos oño all atarr sa'po, oñña'pa' čha errassastach, e'ñe atet orrrta ñerra'mrrate' arromñať po'rras. Ñeñtña'pa' e'ñe a'cllatuosan allohuen ñeñt allpon yečhetsa all oño'mar.

⁴ Allempoña ñeñt puema'pañ mellañoťeñpa' o' ahuererr ñaña o'ch yo'puenana' ontapo ñeñt po'pajotollo'tsen ñaña allot potayen oñ. Ñeñtña allempo ayo'pareťta oño čha a'pnasatosan oñ erasats.

⁵ Allempoña napa' ne'muen ñeñt atet otenan mellañoťeñ Yompor. Ñehua, ñeñtña mellañoťeñpa' atarr ahuamencat attoch pomnaren penan ora allohuen oñečno. Ñeñtña mellañoťeñpa' atet otenan Yompor:

—E'ñe pocte' Nompore ñeñt atet pecoñchatyenanet, pa ñeñteř chocma eñalleř ama't ahuatoteñpa' ñeñteř atarr nanac Partsoř.

⁶ Tarro'mar acheñenesha' ñeñt pe'moñe'tene'pa' chocma muetsanatennapet ñeñt peyochresha' pepen ñaña ñeñt a'mta'yene' peñoñ, chocma shatyeññañet po'rras. Te'ña pa'pa' o' ponerranet errasats. Ñeñt'pa' e'ñe pocte' tarro'mar ñetpa' añ o' pohuet ñeñt ama pocteye' penteno pa.

⁷ Allempoña e'morrterrerr ñoñets arr e'morrta altarot, ñeñtña'pa' atet oten:

—Attesha' Yompore, pa ñeñteř atarr nanac Partsoř ñeñteř Yepartseshar yepen. Ñeñt atto pentye-

nanet ñeñt'pa' e'ñe po'ñoçh atet, e'ñe pocte' ñeñt' atet o' pecoñchaterranet.

⁸ Allempoña po'psheñeñ mellañoñeñ ñeñt' puepa'tatseñ o' yo'puerranerr ñeñt' po'pajotollo'tsen. E'ñe arr yo'pue' allo'tsen ñeñt' yeçhoyo'tampene'. Ñeñt'cha' ahuamencat pe' atsne' attoch chemuerran acheñenesha' atet ñerra'm tso'.

⁹ Acheñenesha' ama't atarr etomuenanetañña atsne'pa' tarraña ama es queçhpunenayeña ñeñt' atet correnet sosya'tsañeçhno. Ama eseshaye' cotape'cherraye cohuen Yomporecop attoch cohuentateññañet Yompor. Elloña ñetñapa' atarr nanac achmare'teññañet Yompor pa'so'cheñ ama't ñeñt' atarr ahuamencattetsa atto çhapatanet ñeñt'cha' mueroçhtaterrahuet.

¹⁰ Allempoña po'psheñeñ mellañoñeñ ñeñt' pa'mnareñ, ñapa'cho'ña o' yo'puerranerr ñeñt' po'pajotollo'tsen. E'ñe arr yo'pue' ma'yarrma't po'conaño all amcha'tarettena. Ñeñt'ña all amcha'tarettena' cha a'cheçmetue. Acheñenesha'ña allpa' epaye' mueroçhtatanet pa'namen atserrpeñets. Ñeñt' atserrpeñetspa' cha muellatstame'tatyesanet, açhañeñe'chatyesanet atserr.

¹¹ Tarraña ñetpa' ama't atet o' a'parettetañpa' ama queçhpunenetoña ñeñt' atet patse'tyenet sosya'tsañeçhno. Elloña ñetpa' allo'na achmare'tneñet Yompor ñeñt' ento'tsen ñeñt' atto atserrpenanet puetsarñats.

¹² Allempoña ñeñt' po'pechapueñ mellañoñeñ, ñapa'cho'ña o' yo'puerranerr ñeñt' po'pajotollo'tsen. Arr yo'pue' po'ñeso ñeñt'

añecmuen atarres ñeñt̃ po'ñes añ pa'so'cheñ Eufrates. Yo'pose'pa' čha emasa'huosanña po'ñes ama't atarr añecmuen. Ñeñt̃ña allot masohuapa' ñeñt̃a toñeterrets ñeñt̃a pa'teṗ perret allcha' oñem añcha'taretečno ñeñt̃cha' huacha'ttsa allot huena atsne'.

¹³ Allempoña napa' nenterrerr añañ epuet ma'yarrma't epuet ñaña ñeñt̃ a'mtene' ma'yarrma't po'ñoñ aña patsro tarraña ñeñt̃pa' ashcaña. Ñetña e'ñe puenamotetpa' čha'nmatyaset puesheña'tets oneñet̃ ñeñt̃ ama mapocho. Ñeñt̃ oneñet̃pa' ma'psheña. Ñetñapa' e'ñe atet orreyenet ñerra'mrrate' rrehuancro.

¹⁴⁻¹⁶ Tarraña ñeñt̃pa' oneñet̃ca'ye ñeñt̃cha' orrtaterre' ñeñt̃ ama puentare allohuen aचेñenesha' ñeñt̃cha' cohuanrrortaterrahuet. Ñetpa' o'ch chopeñe'čyerret erracmañen attoch apcheret allohuen ñeñt̃ añcha'taretetyetsa aña patsro. Allochñapa' attoch quellareret Yompor ñeñt̃ atarr ahuaencat, attoch quellaret allempoch čherr ponañcho ñeñte yetroch yoročtater Yompor. Allohuen añcha'taretnesha' ñeñt̃cha' quellarerre' Yompor, arrcha' apčhataretterret anets ñeñt̃ pa'so'cheñ Armagedón, allotcha' quellareret Yompor. Añ Armagedónpa' ñeñt̃pa' hebreonesha' sochene' añ ñeñt̃ anetser. Ñehua, o'ch neyerpatasa ñeñt̃ atet ote't Yepartseshar Jesús, ñapa' atet ote't: "Señoche'pa'ch napa' e'ñech machayota nohuerra atet ñerra'mrrate' eñet̃ amach esesha' eñotenaye esempoch huapa. Tarraña atarr cosheñtso'tsa'yen ñeñt̃ čhocma neñose'rtenaya ñeñto'marña ñetpa'

e'ñe cohuen año'tenet pa'shtam ñeñtcha' chorra'nmuet allochñapa' amach muelle'mcofa cña'nmueto amach cña apencoçhterreto."

17 Allempoña po'psheñeñ mellañoñeñ ñeñt pocançhroñ, ñapa'cho'ña o' yo'puerranerr ñeñt po'pajotollo'tsen. E'ñe arr yo'pue' morresho. Allempocma e'morrta ñoñets ñeñt huetsa Yompor po'conañoñ ñeñt pa'paclo'tsen all pue'ntaño. Ñeñtña ñoñetspa' atarr huomenc e'morrtena, ñeñtpa' atet oten:

—Te'ña po'ñoçhpa' o' etsotuerra, huañerrcha' ñeñt ahuañoteñ.

18 Allempoñapa' meramerta o' tatsllares, e'morrta ñaña ñeñt ma'moretets, atarr huomenc e'morrtena. Puetalle'cha ñaña pats nanac huomenc ñeñt ama't ahuañapa' ama atet pueparo allempoteñ e'ñe pa'motroteñ eñalleta acheñenesha' arr patsro.

19 Añ ñeñt atarr anets ñeñt atma'ntatareñ anets Babiloniapa' ñeñtña anetserpa' o' rrara'pes ma'pshemta. Ama't ora allpon pa'namen anetsoçhno añe patsro all shonta'yena pa'namen acheñenesha', ñetpa'cho'ña e'ñe ñegatañpesuahuet. Yomporpa' añcha' yerpaterranet ñeñt allohuen allpon pãtse'tyenet ñeñt atarr sosya'tsañ all atarr anetso ñeñt atma'ntatareñ Babilonia. Ñeñt allpon allohuen allo'tsa'yenet e'ñe coñchatuerranet Yompor, o' e'ñe tsa'tatuerranet po'yoroçhenño.

20 Allempoña ama't ñeñt rroçhpe'chañeçhno ñaña aspenteçhno o' e'ñe chenca'huerra.

21 Shora'nom ñaña entoñ hue' ñeñt atarr añecmuesheñ ateshamerr. Pañe'tetspa' eñerrtena cuarenta kilo. Ñeñtña e'ñe a'tpetse'tuose'

allohuen acheñenesha'. Allempoña ñetpa' atarr
achm̄are'teñet Yompor tarro'mar o' coñchatterranet
atarr huomenc.

17

*Attoch a'coñchatareĭterra coyanesha' ecañoreshaĭ
ñeñĭ toma'ntenaya anets Babilonia all ama esesha'
yerpa'penayo Yompor*

¹ Allempoña mellañoĭteñ ñeñĭ canĉherrsheña
ñeñĭ echyene' po'pajotollesha', puesheñarrñapa' o'
huapa. Huapa neshopa' otosen:

—Te'pa' o'ch p̄octa'n o'ch negatenpa' allcha'
a'coñchatareĭta añ coyanesha' ñeñĭ atarr
ecañoreshaĭ ñeñĭ ame'ñatenaya pa'namen
am̄cha'tareĭnesha' ñeñĭ pa'namen anetso'tsa'yen
e'ñe allohuanen ĉhen oñeĉhno añe patsro. Ñapa'
po'conañ penan oñeĉhno all anen.

² Ñeñĭ am̄cha'taretetyetsa añe patsropa'
pame'ñeñoĭtet ñetpa' e'ñe po'cañoreshacma peñet
ñeñĭ coyanesha'. Allohuen ñeñĭ añe patsro'tsen
acheñenesha' e'ñe a'posa'tuenanet tarro'mar
ñeñĭ atto cañoresha'tenanet ñeñĭtpa' ĉochña
a'posa'tenanet attoch e'ñe cohuen ame'ñeñet.

³ Allempoña ñeñĭ mellañoĭteñpa' arr anmuen
amarato, e'ñe Yompor puecamquēñoĭ anmuenet.
Allñapa' nentos puesheñarr coyanesha' ñeñĭ
anets berrmaĭ pa'che'ño. Ñeñĭ berrma'tpa'
atarr am̄cha'noĉhen, atarr tsaĭnanen. Poñpa'
canĉherrm̄aga, po'ucorñapa' ĉarra'. Ora
pue'mocro'marpa' e'ñe aquellca'huaret allemeñ.
Ñeñĭña quellecpa' allo sochatse'teñet Yompor.

4 Ñeñña coyanesha'pa' añ chorrena yetsñorromamuen epuet tsamamuen. Ñaña allo añña'tena ñeñtpa' atet ñerra'm orollmemen ñeñt atarr cohuen, ñaña mapyellmetollesha' ñeñt nanac poptallme'chyetsa ñeñt nanac tsa'te' ñaña po'ser ñeñt atarr cohuen orrtatene' ña. Potot orrenan po'pajo' orotaten. Ñeñt pajo'pa' e'ñe e'chorrenan pa'namen sosya'tsañečno ñeñt atarr yetsena'ten ñeñt atto nanac cañoresha'ten.

5 Pueto'mpa' aquellcato'ma'taret. Añ so'chñets ñeñt quellquënet allpa' ñeñtpa' attoch eñotatanet ñeñt ama e'ñeye' eñotpahuo, ñeñtpa' atet oten: "Añpa' ñeñt toma'ntenaya anets Babilonia ñeñt nanac atarr anets ñeñtara pachor pen ñaña allohuen ñeñt atarr ecañoreshañ ñaña pa'namen sosya'tsañečno ñeñt atarr yetsena'tyen arr pat-sro."

6 Allempoña ñeñt coyanesha'pa' neñoch atarr posa'ten. Ñaña'pa' añ posa'tena errasats ñeñt po'rras ñeñt muetsanatete't ñeñt pueyochresha' pen Parets tarro'mar ñapa' atarr cohuen entenan o'ch muetsachet ñeñt serrpare'tene' atto ame'ñeñet Jesús. Allempo neñch ñaña'pa' atta necuana'ch ñeñt coyanesha'.

7 Naña allempo mellañoñeñpa' o' alla oterren:

—¿Eso'mare'tña atta pecuana'teñ? Te'pa' o'ch neñotatañ ñeñt toma'ntena añ coyanesha' ñaña ñeñt toma'ntena añ berrma't ñeñt allo anen ñeñt cançherrñaga poñ, po'ucorñapa' çharra'.

8 Añ berrma't ñeñt penten, ñeñtpa' añ toma'ntena ñeñt corratse't ahuañmo'cha te'pa' ama eñalle o' rroma. Tarraña o' mameshamerra

o'ch alla tanterra o'ch cha'nerr arrorotot. Tarraña ñeñtpa' mamecpach atet perra, ellochña o'ch alla rromuerrerr. Allempochña o'ch chenca e'ñe poctacma. Acheñenesha' ñeñt yecha'yetsa aña patsro ñeñt ama ame'ñetso ñetñapa' atarrcha' cohuanrrorteret añ berrma't tarro'mar ama puentareto ñeñt atet pena añ berrma't. Ama't ñeñt corratset' arr patsro, tarraña ahuañmo'chapa' o' rroma. Ama't o' rromhuañ tarraña o' alla orrterrerr. Ñeñto'marña acheñenesha'pa' atarr cohuanrrortene't. Ñehua, ñeñt cohuanrrortene'pa' ama aquellcareteyaye pa'so'cheñ Yompor po'libro all aquellcarettena pa'so'chñe'chno ñeñt pueyochresha' pen Yompor; ñetñapa' corretsetach errponañohuen. Ñeñt ama ame'ñetso ama aquellcareteyayeto pa'so'cheñ ahuatoteñ allempoteñ e'ñe errete' aye'chcataretsetsa pats.

9 'Te' ñeñtcha' neñotata'ppa' o'ch poctape'ch e'ñe cohuen esheccha' peñot ñeñt atet toma'ntena añ berrma't poñe'chno. Ñeñt penten cancherrmaga poñ, ñeñtpa' añ toma'ntena cancherrpena aspenet all ye'chena añ coyanesha'.

10 Toma'ntenana ñaña cancherrsheña ñeñt añcha'taretsetsa aña patsro. Tarraña amnarsheñapa' o'huañ añcha'taretta. Te'pa' o' puesheñarraña añcha'taretsetsa. Tarraña puesheñarmeñ palltena ama orrtena'. Tarraña esempoch orrtapa' amach atarr atomat añcha'taretto.

11 Ñaña añ berrma't ñeñt toma'ntenaya puesheñarr añcha'taret ñeñt corratset' ahuañmo'cha te'pa' o' rroma. Ama't o' rroma'ña' tarraña ñeñtara o'ch alla orrterra o'ch alla

am̄cha'taretterrerr ñeñtcha' posocsheñterre' ñeñt
 cancherrsheña am̄cha'tareť ñeñt o' colla'hua.
 Tarraña ñapa'cho'ña chocmach rromuerrerr
 allempoch chenca e'ñe poctacma. Ñehua,
 ñapa' ñeñtara ñeñt am̄cha'tarettatse't ñaña
 ahuañmo'cha allempo cancherrsheñtete't.

12 'Ñaña añ berrma't ñeñt charra' po'ucor ñeñt
 penten, ñeñtpa' añ toma'ntena charrasheña
 am̄cha'taretnesha', tarraña ñetpa' ama
 am̄cha'tarettteneta' tarro'mar ama orrteneta'.
 Tarraña esempoch orrterret allempochña
 am̄cha'tarettapreteret berrma't e'ñe mame'.

13 Ñetpa' e'ñech patrra cotape'chenet ñeñt
 atet cotape'chen berrma't, o'ch neñet berrma't
 ñeñtcha' pa'm̄cha'tareťer perret. Ñeñtpa' atto
 yenpueñet attoch ahuañmencať peñet berrma't.

14 Ñetñapa' pue'moñe'teñoťet Cristo ñeñt
 toma'ntenaya Carrnero quellareretcha'.
 Tarraña Cristo ñeñt toma'ntenaya Carrnero
 ñach a'mchechuerrahuet tarro'mar ñapa'
 atarr ahuañmencať. Ama't ora allpon
 ñeñt ayochreshatetyetsa, Cristoñapa' e'ñe
 Pa'yochreshaťer pohueñet allohuenet, ñaña
 ama't ora allpon ñeñt am̄cha'tareťetyetsa,
 ñetpa'cho'ña e'ñe Pa'm̄cha'tareťer pohueñet
 allohuenet. Ñaña ñeñt epuet parro yemtena,
 ñetpa' Yompor acerrahuet ñeñt chore'ten ña ñeñt
 atarr yemtenaya ña.

15 Allempoña añ mellañoťeñ alla oterrerr,
 ñeñtpa' atet oten:

—Ñaña añ oñechno ñeñt penten ñeñt allo
 anen coyanesha' ñeñt atarr ecañoreshať, ñeñtpa'

añ toma'ntena shonte' pa'namen acheñenesha' ñaña pa'namen anetsočno all yeča'yenet ñaña po'poñe'ttsoçma ñoñets ñeñt allo eñosyenet.

¹⁶ Ñaña añ berrma't ñeñt penten çharra' po'ucor ñeñt toma'ntenaya çharrasheña añcha'tareñnesha', ñetñapa' tsena'chetcha' ñeñt coyanesha', a'ypo'ñeretcha' e'ñe muelle'mcot. E'nuerrñañetcha' e'ñe ña po'chets allempoçña chamueret tso.

¹⁷ Yomporpa' ña nene' allohuen añcha'tareñnesha' pueyoçhreto attoch ñetpa' e'ñech pa'trra cotape'chenet ñeñt atet cotape'chen berrma't, attoch yenpueñet esheccha' ahuamencat peñet berrma't. Allochñapa' attoch etsotateññañet Yompor po'ñoñ ñeñt atet oten.

¹⁸ Ñaña añ coyanesha' ñeñt penten ñapa' añ toma'ntena ñeñt atarr nanac anets ñeñt pomnaren pene' allohuen ñeñt añcha'tare'tetyetsa allemeñ anetso'mar ñeñt añe patsro.

18

Atto allohuen eçllayoretenesha'pa' ya'na'teretcha' ñeñt anetser Babilonia o' ahupore'tare'terra

¹ Allempoña o' alla nenterrerr po'psheñeñ mellañoñeñ ñeñt sohua'netsa entot, ñeñtñapa' atarr ahuamencat. O' e'ñe çhap patsopa' a'puetarsañpsosan pats e'ñe ña po'popteñoñ.

² Ñaña' rranosa huomenc, ñeñt'pa' atet otos:

—Te'ñapa' o' a'ypo'ñare'terra añ anetser ñeñt atma'ntataret Babilonia ñeñt atarr añecmuen

anets. Te'pa' añecpach sherberr allcha' shonterra pa'namen oneñetechno ñeñt atarr apoçhenare' ñaña allcha' shonterra pa'namen oteçhno ñeñt atarr yetsena'tyen.

³ Tarro'mar añ coyanesha' ñeñt toma'ntenaya anets Babilonia, ñapa' ahuañmo'cha e'ñe po'cañoreshacma pete't allohuenet ñeñt am'cha'taretetyetsa añe patsro. Allohuen ñeñt añe patsro'tsen acheñenesha' e'ñe a'posa'tuanete't tarro'mar ñeñt atto cañoresha'tanete't ñeñtpa' çhoch a'posa'tanete't. Ñaña allohuen ñeñt allpon pomatsre'tyestse't, ñaña atarr ec'llayore'ttatahuetet tarro'mar ñapa' shonte' esocmañen muenatse'tyese't.

⁴ Allempoña o' alla ne'muerrerr po'poñ ñoñets ñeñt e'morrtetsa ento't, ñeñtpa' atet oten:

—Ñeñtes neyochresha' nepen, te'pa' o'ch sesa'neñ añ anets ñeñt atma'ntataret coyanesha'. Amach socshapretatsche ña po'chñar te't sa'na mueroçhtapretenaya.

⁵ Tarro'mar ña po'chñarpa' allo'na sen atonetnomtsa nanac. Yomporpa' e'ñe eñoteññañ po'chñar ñeñt allpon pa'yese't.

⁶ Te'pa' atsa'tataretterrepa'ch allpon ñeñt atto erro't pa'yese't po'potantañ. Ñehua, ama't epoche'tats atsa'tataretterrepa'ch allpon ñeñt atto es patse'tyese't. Ñeñt atto allpon llecatyese't po'potantañ, ñapa' epoche'tatsepa'ch atsa'tataretterra llequëntso.

⁷ Ñeñt allpon coshatse'tyese't, te'ñapa' ñeñtepa'chña allpon llecaterrayerr. Ñeñt

allpon echyese't, te'ñapa' ñeñtepa'chña allpon muerochtaterre'. Tarro'mar ña ahuañmo'chpa' pommo'cheñoñ atet ote't pueyoçhro: "Napa' atto nanen na neconaño'pa' atarr na'micha'tarettena. Napa' ama añeyayno ñeñt rretorrnanesha'. Na ama't ahuañapa' amach nellquërro tarro'mar amach es nemuerochtaterraye."

8 Tarraña ama't atet ommo'chenañpa' mamerrerrpa' o'ch çhapaña ñeñtcha' muerochtaterre' pa'namen muerochteñets — rromueñets, llequëñets ñaña muecheñets. Ñapa' a'poyatatuere'tcha' tso. Tarro'mar Yompor ñeñt Yepartseshar yepen ñapa' ñeñt atarr Parets ñachña coñchaterre'.

9 Ñeñt amicha'tareteçhno ora errañaren añe patsro, ñetña e'ñe puellquëño'tetpa' ya'na'teretcha' ñerra'm esempo enterrñañet pamosoñ ñeñt atto poyen. Ñeñtara amicha'taretnesha' ñeñt e'ñe po'cañoreshacma pe't ahuañmo'cha ñeñt parrocmu epuet atarr coshete't.

10 Ñetpa' pueyorño'tetpa' cohuanrrorteretcha' a'yot tarro'mar atarrcha' yorenet ñeñt atto o' a'coñchatare'tterra. Ñet puellquëño'tetpa' atetcha' otet:

—Atarr llequëñets-bee, ama't ñeñt atarr añecmuen anetser ñeñt atarr ahuañmenca't, machayota o' çherrñaña ñeñtcha' coñchaterre'.

11 Ñaña allpon ñeñt pomatsre'tyetsa errañaren añe patsro, ñetpa'çho'ña e'ñe puellquëño'tet ya'na'teñet, tarro'mar te'pa' ama eñalle ñeñtcha' raña'yeshahuet ñeñt pomyenet.

12 Tarro'mar ñet ñeñt po'checom penetpa' shonte' esocmañen pa'namen — oro, ñaña asrečno ñaña mapyetollesha' ñeñt poptame'te' nanac tsa'te', ñaña serets ñeñt otenet perla, ñaña shetamtsočno ñeñt atarr cochnesharer — yetsñorromamuenare', tsamamuenarer, sedamamuen. Shonte' ñaña pa'namen tsachečno ñeñt atarr eñmosañečno, ñaña marfil ñeñt elefantas ñeñt allot yečcatyenet pa'namen, ñaña pa'namen ñeñt yečcatyenet tsachoť ñeñt atarr nanac tsa'te', ñaña ñeñt yečcatyenet bronsoť ñaña hierroť ñaña mapyoť ñeñt otenet mármol.

13 Ñaña ñeñt pa'namen po'checom penet atet ñerra'm ñeñt otenet canela ñaña pa'namen aspanatollesha' ñeñt eñmosañare' ñaña tsachese' ñeñtpa'cho'ña eñmosañare' ñerra'm esempo a'crrateñet e'ñe atet ñerra'm ñeñt otenet mirra ñaña incienso. Alloťpa' po'poñečno checmañatsočno ñeñtpa' añ vinos, oliveose', harina ñeñt atarr cohuen ñaña trigo. Ñaña po'poñečno ñeñt pomyenet ñeñtpa' añ huacshečno, carrneročno, cahuallečno ñaña carrotollesha' ñeñt matatyen cahuallečno. Ñaña allpa' ama't acheñ pomueñet ñeñtcha' taruasatenet e'ñe atta. Ñeñt acheñerpa' allña pomueññañet pocreña ñeñt atto correna arr patsro.

14 Ñeñt pomatsre'tyetsa allpa' ñetñapa' serrpare'tenet, cha ottenet ñerra'mrrate' cho es oteñet ñeñt anetser, ñeñtpa' atet oteñet:

—Ñeñt allpon atarr ñayoma'yese't atet ñerra'm

puetsarr ñeñt̃ atarr ayom̃a'po' te'ñapa' ama eñalle o' huañerr. Ñaña ñeñt̃ allpon nanac cohuen pentyese't̃ ñeñt̃ nanac coçhnesha'tatse't̃, te'pa' o' chenca'huerra. Te'ñapa' ama't̃ ahuatapa' amach alla pentere'te. Arrpa' allohua ñeñt̃ atet̃ oteñet̃ ñeñt̃ anetser.

¹⁵ Ñeñt̃ allpon pomyenet̃ allpa' ñet̃ñapa' epaye' ganatanet̃ nanac aton quelle. Tarraña ñet̃ te'pa' po'yorñot̃et̃ attach tom̃cha'tet̃ a'yot̃ allotcha' cohuerret̃ ñeñt̃ atet̃ o' a'coñchatare'terra. Ñet̃ñapa' epaye' ya'na'teñet̃ e'ñe puellquẽño'tetpa'

¹⁶ atet̃ otenet̃:

—Llequẽnt̃sa-bee añ atarr anets̃ tarro'mar ñapa' o' atet̃ perrate' ñeñt̃ atarr añecmuen anetser ñeñt̃ atet̃ ñerra'mrrate' puesheñarr coyanesha' ñeñt̃ nanac cohuen añño'tetsa. Añcha' chorrena ñeñt̃ atarr coçhnesha' yets̃ñorromamuen epuet̃ ñaña tsamamuen ñaña ñapa' nenan oro, ñaña mapyetoleshma't̃ ñeñt̃ atarr coçhnesha' poptallme'chyetsa ñaña nenan coçhnesha' seretsoçhno.

¹⁷ Te'ñapa' e'ñe mamecmapa' o' e'ñe huañerr ñeñt̃ atto atarr nanac esocmañen echyese't̃. Arrpa' allohua ñeñt̃ atet̃ ot̃ ñeñt̃ pomatsre'tetsa all.

Allempoña allohuen ñeñt̃ po'taruas pene' bote ñeñt̃ anmatsetene' checmañats all ñeñt̃ anetsro, ñetpa'cho'ña o' alla tom̃cha'tet̃ a'yot̃ — atet̃ ñerra'm ñeñt̃ pamo'mte' pen bote ñaña ñeñt̃ achopeñañesha' ñaña marineronesha' ñeñt̃ taruaset̃s all boto.

¹⁸ Ñetpa'cho'ña allohuenet̃ all tom̃chenetpa' rrannartenet̃ allempo enterrñañet̃ pamosoñ ñeñt̃

atto poyen ñeñt̃ anetser. E'ñe puellquëñoťetpa' atet̃ otenet:

—Ama eñalle po'poñ anetser ñeñt̃ atarr cohuen atet̃ ñerra'm añ anetser.

¹⁹ Allñapa' atarr yahuanrrortenet. Puellquëñoťetpa' pampato'tyeset patso. Rrannaretyesetpa' atet̃ otyeset:

—Llequëñtsa-bee añ atarr anetser tarro'mar allohuene y ñeñt̃ey echyene' yebote ñeñt̃ chocma yanene' oñopa' shonte' quelle ganatye't tarro'mar ñeñt̃ anetserpa' shonte' echane't quelle nanac aton. Tarraña ama't atet̃ pe'tpa' te'ñapa' e'ñe mamecmapa' o' e'ñe huañerr.

Atarrcha' cosheñtso'tsa'yen allohuen ñeñt̃ pueyochresha' pen Parets

²⁰ Te'ña sapa' socshepa'ch ñeñt̃es pue'ntaño'tsenes ñaña allohuen ñeñt̃es pueyochresha' pen Parets ñaña allohuenes ñeñt̃es allsensaretes Yomporecop ñaña allohuenes ñeñt̃es a'mtene' Yompor po'ñoñ tarro'mar ñeñt̃ atto Yompor o' coñchaterran ñeñt̃ anetser, ñeñt̃pa' attoña o' chemnaterrsa sa.

²¹ Allempoña mellañoťeñ ñeñt̃ atarr ahuaencatpa' ñaña' chetan mapue' ñeñt̃ atarr añecmuenmen atet̃ ñerra'mrrate' ñeñt̃ allocma es puetse'tenet ñeñt̃ña' huapore'ch sa'po čha chencostsa poctacma. Allempoña ñeñt̃ mellañoťeña' atet̃ ot:

—Attecmach huapore'tare'terra añ atarr anetser ñeñt̃ara ñeñt̃ atma'ntatare't Babilonia. Amach orrterre'te ama't ahuata.

²² Te'ña allpa' amach es e'morrterrtse'te ñeñt̃ atto toquënet arpa ñaña atto penclla'tenet ñaña

ñeñt̃ atto poctorare'tyenet po'poctoro. Ñaña ñeñt̃ po'taruas p̃aye't̃ ñeñt̃ es yeħcatyesaye't̃ pa'namen esocmañen all, te'ña ama't̃ ahuata amach orrterre'te. Ñaña atto e'morrte't̃ allempo es puetse'tete't̃ allpa' te'ñapa' amach alla e'morrterre'te. E'ñe muetsoñeñtuerra.

²³ Ñaña ñeñt̃ allo ċhoyo'tam̃p̃sete't̃, te'ñapa' amach alla ċhoyo'tam̃perranete'te. Ñaña ñeñt̃ coshame'tam̃p̃saye't̃ ñeñt̃ sena'tetsa ñaña coyanesha', te'ñapa' amach alla e'morrterrete'te pocsham̃ña. Ñaña allpon ñeñt̃ pomatsre'tyesatse't̃ all ñeñt̃ atarr anetsro, ñetpa' atarr asherben entete't̃. Ora erraṣaren añe patsropa' ama eñalle ñeñt̃ atet̃ sherbets. Ama't̃ atarr asherben entyese-tañe't̃ tarraña ċhocma shecare'tyesete't̃ allohuen pa'namen acheñenesha' ora erraṣaren añ patsro. E'ñe atet̃ es ame'ñatena amase'ñetpa' e'ñe attecma shecare'tenanet ñeñt̃ anetser.

²⁴ Ñaña all anetsro, ñeñt̃pa' all amtsanatarette't̃ ñeñt̃ a'm̃taye't̃ Yomp̃or po'ñoñ ñaña allohuen ñeñt̃ pueyochresha' pen Parets. Allña ashatarettete't̃ po'rras ñaña ama't̃ allohuen ñeñt̃ amtsanatarettatse't̃ ora erraṣaren añe patsro, ñeñt̃ara anetsro't̃ allo't̃ña amtsanatarettete't̃.

19

¹ Allempoña o' alla ne'muerrerr ñeñt̃ e'morrtsa huomenc ento, shonte' acheñenesha' e'ñe parrocm̃a rrannartenet, ñeñt̃ñapa' atet̃ otenet:

¡Aleluya! Aye'choċhtatpo'ch Yomp̃or tarro'mar ñapa' ña ñapue't̃ a'quesħp̃atañtetsa, acohuen-

tatpo'ch Yompor ñeññ ñapueñ atarr ahua-
mencañesha'.

² Ñaña ñeññ pocte' enten Yompor ñeññpa' e'ñe
pocte' attecma, ñaña allpon ñeññ atet
oten ña, ñeññpa' e'ñe po'ñoçh attecma.
Tarro'mar ñapa' o' coñchatterran coyanesha'
ñeññ atarr ecañoreshañtetsa tarro'mar
e'ñe ña po'chñarotpa' atarr a'sosyatenan
acheñenesha' ora allohuen ñeññ yeçha'yetsa
añe patsro. Te'ña Yomporpa' o' e'ñe
tsa'tatuera ñeññ allpon muetsanatoñe't
ñeññ torra'yestse't ñocop.

³ Po'pocheñoñapa' alla oterreterr:

—¡Aleluya! Aye'choçhtatpo'ch Yompor tarro'mar
te'pa' Yompor o' amosoñe'chaterran ñeññ
atpare'taye't. Attoña o' chepoterr pamosoñ
enonet; ñeññpa' ama't ahuañapa' amach huañerro.

⁴ Allempoña añ epoch çharra' ñeññ puechetsa
pa'tatssheña ñeññ sherbene' Yompor po'conaño,
ñetñapa' concorpa'rrtenet epuet ñaña pa'tats ñeññ
berrma'ttetsa. Allohuenet concorpa'rrtenet all
Yomporesho. Allohuenetpa' ma'yocheñet Yompor
all anen po'conaño. Ñetñapa' atet oteñet:

—Aye'choçhtatpaupepa'ch Yompore,
attetepa'ch pocop errponohuañen.

⁵ Allempoña all Yompor po'conañoñpa' allotña
e'morrterrerr po'poñ ñoñets, ñeññpa' atet oten:

Sa'ye'choçhtatoñepa'ch Yompor, allohuenes
ñeññes torra'yetsa ñocop, ama't sa
ñeññes atarr sherbets ama't samña
ñeññes ama tama sherbetso. Ama't
allohuenes erra'tseneste' ñeññes atarr

am̄cha'na'tpo' entene' Yomporpa' te'ñapa'
sa'ye'chochtatoñepa'chña.

*Atto Cristopa' e'ñe cohuen aguërran allohuen
ñeñt ame'ñenaya ña ñeñt atma'ntataret atet
ñerra'mrrate' ña puetapor penahuet*

⁶ Allempoña napa' o' alla ne'muerrerr
shonte' acheñenesha' rrannartenet, atarr
huomenc e'morrtena atet ñerra'mrrate' all
etsase'tena shonte' oñ atarrcha' huomenc
ma'moreten. Po'ma'moreteññapa' cha ottena
ñerra'mrrate' cho tecor-rraren. Acheñenesha'ña
ñeñt rrannartetsapa' ñetñapa' atet otenet:

Aye'chochtatpo'ch Yompor tarro'mar te'pa' o'
chap allempoch am̄cha'taretterra ña e'ñe
ñapuet ñeñtara Yepartseshar ñeñt atarr
ahuamencatesha'.

⁷ Te'ñapa' yocsherrepa'ch, yoc-
shame'tam̄perepa'ch, yecohuen-
taterrñañepa'ch tarro'mar te'pa' o' chap
allempoch yocshame'tam̄pesya Cristo
ñeñt atma'ntataret Carrnero. Te'ñapa'
o' chap allempoch sena'ta. Ñaña ñeñt
coyanesha' ñeñtcha' puetapor pa', ñañaapa'
o' e'ñe añño'taretta.

⁸ Ñañaapa' o' apet ñaña ñeñtcha' chorra ñeñt atarr
cohuen huallama't atarr coñnesha' sheta-
muets ñeñt otenet lino ñeñt ama asosy-
atño ama't e'ñe mamesha, atterach pop-
tame'tena.

Ñehua, añ shetamuets ñeñt otenet lino ñeñt ama
a'sosyatpahuoyaye ama't e'ñe mamesha, ñeñtpa'
añ toma'ntena ñeñt atto e'ñe cohuenare' es pa'yen

ñeñt pueyochresha' pen Parets. Ñetñapa' añ toma'ntenet Cristo puetapor penahuet.

⁹ Allempoña mellañoñeñpa' alla oterrerr:

—Te'pa' o'ch pequellquèrrerr añ ñoñets ñeñt noteneñ, ñeñt'pa' atet ot: “Atarr cosheñtso'tsen allohuen ñeñt ahua'ñareñtetsa o'ch rrallme'chaprechet allcha' coshame'tampeñet Cristo ñeñt atma'ntataret Carrnero ñeñt sena'tatsa.”

Mellañoñeññapa' alla oterrerr:

—Ora allpon ñeñt atet oteney Yompore arpa' ñeñt'pa' e'ñe po'ño'ch atet.

¹⁰ Nañapa' neconcorposa mellañoñeñ pa'rrpo ñeñt neserrpare'tatene' o'ch nema'yochyañ, tarraña ñapa' atet oten:

—Napa' amach pema'yochatsetno, napa' añana ñeñten petorrapretenaya Yomporecop ñaña allohuen pemo'nasheñneshachno ñeñt serrpare'tene' atto ame'ñeñet Jesús. P'apa' añcha'ña pema'yocha Yompore ñapuet.

Tarro'mar allohuen ñeñt a'mtene' Yompore po'ñoñ, e'ñe ña Puecamquëño'pa' añ serrpare'tenet ñeñt atto yame'ñeña Jesús.

Cristo ñeñt montenaya cahuall ñeñt atarr hual-lañnanen

¹¹ Allempoña po'pocheño'pa' alla nenterrerr atoraret enet. Allñapa' allo'tsen cahuall ñeñt atarr huallañnanen. Ñeñt montenaya cahuallpa' añ socheñet, Ñeñt atarr Ayemuetpotetsa ñaña ñeñt e'ñe Po'ño'ch Yompore Po'ñoñ. Tarro'mar ñapa' erra'tsen pocte' ent o'ch coñchach, ñeñtña ñocoppa'

e'ñe pocte'. Ñaña ñerra'm ña quellaratahuet ñeñtpa'cho'ña e'ñe pocte' ñocop.

12 Pa'clloyoñapa' atarr nanac a'rrechatañ atet ñerra'mrrate' tso' po'huorter. Poñoñapa' shonte' po'choyo'm ñeñt choyo'mtena. Allñapa' anaret ñaña pa'so'cheñ ñeñtpa' e'ñe ñapfa eñoteñ.

13 Pa'shtampa' año e'chomaret errasatso. Ñaña añ socheñet Yompor Po'ñoñ.

14 Ñaña ñeñt allpon pa'çllarañneshar pen all pue'ntaño, ñetñapa' coteñet chenta' monta'yesnenet ñamet puecahualloro ñeñt atarr huallañnarren. Ñetpa'cho'ña ñeñt pa'shtam penet atarr huallama'tarer. Ñeñt shetamuetspa' atarr cohuen ñeñt otenet lino ñeñt ama sosyatetso ama't mamesha.

15 Ñeñt anenahuet, e'ñe puenamot all orrtena cochell ñeñt atarr etsotañtareñ. Ñeñt cochellpa' añecop sherben alloch ame'ñatuerrana ora allpon pa'namen acheñenesha' arr patsro. Allochñapa' po'yoroçhenñoñpa' o'ch añcha'taretterranet atet ñerra'mrrate' ñapa' a'sreperet o'ch añcha'noçhtana'terranet. Ñaña ñach coñchaterrahuet. O'ch netma'ntacha atet ñerra'mrrate' ñach atmama'te' uva esheccha' cha'nom po'ñer. Ñeñt atet atmama'teñet uvapa' añ toma'ntena atto Yompor ñeñt atarr ahuamencat e'ñe ña po'yoroçhenñoñpa' atarrcha' coñchaterran acheñenesha' ñeñt atpare'tetsa.

16 Ñaña pa'shtamo e'ñe pa'tapacoptaro allñapa' all aquellcaret ñoñets ñeñtcha' atet enteñet Cristo, ñeñtpa' atet oten ñoñets: "Allohuen ñeñt añcha'tareteçhno añmapa' ñeñtña e'ñe

Pa'ncha'tareter p̄ohueñet allohuenet. Ñaña allohuen ñeñt̄ ayochreshatečno añmapa' ñeñt̄ña e'ñe Pa'yochreshater p̄ohuenet allohuenet."

¹⁷ Allempoña napa' o' alla nenterrerr mellañoñeñ ñeñt̄ tets all ñeñt̄ yečhoyo'tam̄pene'. Ñañaapa' atarr huomenc eñen, čhore'tenan allohuen tse'mačhno ñeñt̄ anomča'tyetsa eno. Ñeñt̄ñaapa' atet̄ otenanet:

—Sehuača'ta allohuenes o'ch sapča arr o'ch serren po'chets ñeñt̄ atarr aton rratenes Yompor.

¹⁸ Attoch serroñ po'chtsočno shonte' acheñenesha' ñeñt̄ amča'taretetyetsa, ñaña shonte' ñeñt̄ capitanatyets, ñaña shonte' ñeñt̄ atarr ahua mencat̄ entyenet. Serroñ ñaña shonte' cahuallečno po'chets ñaña añ po'chets ñeñt̄ montenaya. Ama't shonte' pa'namen acheñenesha' o'ch serroñ po'chets ama't ñeñt̄ acheñer ñeñt̄ atarr sherbets ñaña ama't ñeñt̄ ama sherbetso, ama't ñeñt̄ e'ñe cohueno'tsen acheñ, ama't ñaña ñeñt̄ ataruasataret̄ e'ñe at̄ta — o'ch e'ñe serruanet po'chets allohuenet.

¹⁹ Allempoña napa' o' alla nenterrerr ma'yarrma't̄ epuet ñaña allohuen amča'taretečno ora erraṣaren ñeñt̄ añe patsro'tsen epuet ñaña allohuen ñeñt̄ pa'čllarañeshar pen. Ñetpa' añecop apchenet allochñapa' o'ch quellareñet ñeñt̄ montenaya puecahuallor ñeñt̄ atarr huallaṣnanen ñaña epuet ora allpon ñeñt̄ pa'čllarañeshar pen ña.

²⁰ Allempoña quellaranna'tet ma'yarrma't̄ñapa' čha rremuet epuet ñaña ñeñt̄ a'm̄tene' e'ñe ña po'ñoñ tarraña ñeñt̄pa' ashcaña. Añ ñeñt̄

ashcañerpa' e'ñe ma'yarrma't po'huamencot gatenan acheñenesha' ñeñt ama puentareto. Ñeñtpa' alloña shequënan acheñenesha' attoch ame'ñeñet. Ñeñtña acheñenesha'pa' o' e'ñe yato'matuanet ma'yarrma't pueyotsaparo. Ñetñapa' aña ma'yochenet ayeçhcataret ñeñt toma'ntatenet ma'yarrma't. Allempoña rremuet ma'yarrma't epuet ñaña ñeñt a'mtene' po'ñoñ allempoñapa' ahuapore'tarettet epsheño'maret e'ñe betareret all parraren tso' erraparen. Ñeñt tso'pa' atarr shemasher huorten.

²¹ Po'potantañeçhnoña ñeñt epuet quellarañ ma'yarrma't ñetpa'cho'ña o' e'ñe amtsanataretetuet. Año amtsanatarettet cochllo ñeñt puenamo'tsen ñeñt montenaya puecahuallor ñeñt atarr huallañnanen. Allempoña ñeñt allohuen tse'machno epaye' ochare'ch po'chets allempo rret añ po'chets ñeñt o' e'ñe amtsanataretetua.

20

Attoch çherr allempoch mellapoterra

¹ Allempoña o' alla nenterrerr po'psheñeñ mellañoñeñ ñeñt sohua'netso entot. Ñaña pototpa' añ orren llave alloch toramñsan arrorot ñeñt atarr o'pononet arrorotena pats. Pototñapa' orrenan ñaña cadena ñeñt atarr añecmuen cadena.

² Ñeñtña mellañoñeñpa' rremosan añañ. Añañpa' ñeñtara shechep ñeñt ahuatoteñ ñeñtara yoten oneñet ñaña ñeñt otenet Satanás. Atto rremue'pa' allempoñapa' huanque'. Ñeñt atto

ehuancarettapa' e'ñech errponañohuen char ñeñt
 otenet mil char, atterach ehuancařttena.

3 Allempo huanca'huepa' o' huapore'ch
 o'pono arrorořo. Allña yottamřpes o' noñ
 alloch e'ñe echarr řamřpes. Allochñapa' amach
 alla shecare'terranerro allohuen pa'namen
 acheñenesha' arr patsro. Ñehua, ñerra'm o'ch řhap
 mil charpa' allempoñapa' o'ch alla a'rroyeret.
 Tarraña ñerra'm o'ch alla a'rroyeretpa' ñeñtřpa'
 mamecpach a'rroyare'tterra.

4 Allempoña o' alla nenterrerr
 ñeñt anorrřha'tyets po'conaño'mar.
 Ñetñapa' allsensarettet attoch ñetpa' o'ch
 amřha'tareřetyenet. Ñaña napa' o' e'ñe
 nentuerrñañ puecamquẽñeçhno allohuen ñeñt
 apecha'tanatareřtatse't e'ñe pueserrpare'teñořet
 Yepartseshar Jesús ñeñt atto a'pořoñete't Yompor
 po'ñoñ. Ñaña ñetpa' ama muenete'te o'ch ay-
 ato'ma'tareřtet ma'yarrma't pueyotsaparo ama't
 pa'co'metořetapa' ama ayaco'mřta'tareřtete'te.
 Ñetpa' ama ma'yochyete'te ma'yarrma't ama't
 ayeçhcatareř ñeñt toma'ntenaya ña ama
 esesha' ma'yochaye'te. Ñaña ñetpa' ama
 muenete'te o'ch ayato'ma'tareřtet ma'yarrma't
 pueyotsaparo ama't pa'co'metořetapa' ama
 ayaco'mřta'tareřtete'te. Ñetña allpa' corřetseta all
 amřha'tareřtapreřet Cristo shonte' char allpon
 ñeñt otenet mil char.

5 Ñetñapa' ñanmuetcha' atantatareřterret.
 Tarraña po'potantañeçhno arromñañnesha' ñetña
 allpa' ama allo'tseneto řarro'mar ñetpa' ama
 atantatareřeyayeto řarřempohuach allempoch

cherr mil char.

⁶ Atarr cosheñtso'tsen allohuen ñeñt e'ñe pueyochresha' pen Parets tarro'mar ñetpa' ñanmuetcha' atantataretterret. Tarro'mar ñetpa' amach alla rromuerrete'te po'pocheño ñeñtcha' atet rromuerr po'potantañ ñeñtcha' chenquërrtsa e'ñe poctacma. Tarro'mar ñeñtcha' tanterrtsa ñanompa' ñetpa' amach errotenot o'pataneto po'pocheño rromueñets ñeñtara chenquëñets. Ñetpa' añcha'ña sherbenet Yompor epuet Puechemer Cristo. Ñetpa' Yompor po'corneshar penahuet, añcha'tarettapreteretcha' nanac aton shonte' char ñeñt mil char.

Atto Juanpa' entan oneñet o' ahupapore'taretta all parraren tso' errañaren

⁷ Allempoch metua añ mil charpa' allempochña a'rroyeret oneñet all ayottamñsarettena mil charohua.

⁸ Nañapa' o'ch auyes ora errañaren pa'namen anetso'mar arr patsro allcha' shecare'tyerran pa'namen acheñenesha'. O'ch shecare'terran Gog ñaña Magog attoch a'yapaçhaterranet o'ch quel-laraterranet. Ñeñt atet yenteññañ ontap po'mñer atetcha' shonterran ñaña pa'namen acheñenesha' arr patsro, ñeñt ama e'ñotuapahuoyaye.

⁹ Atet nentanet ñetpa' ahuanmuet mopñarero'mar o'ch parratse'tet errañaren allcha' orreyeset. Ñetpa' arrentach ahuanenet Yompor pa'netsronet ñeñt atarr morrentena tarro'mar allpa' allo'tsa'yen ñeñt pueyochresha' pen ña. O' e'ñe arrotamñpesuosyet attoch rremanatoñet Yompor pueyochresha'. Tarraña Yompor

pue'ntañotpa' e'ñe allempocma a'shoranet tso' attoch e'ñe a'poyatatuanet.

¹⁰ Allempoña oneñeñ ñeññ shecare'tenahuetpa' o' huapore'teret ñaña all parraren tso' errañaren ñeññ huortets shemasher. Allo'tsa'yen ñaña ma'yarrma't epuet ñaña ñeññ a'mtene' po'ñoñ. Allñapa' allempoteñ a'coñchatarefetuerret e'ñe parrocmá, ye'tome'tets, tsapome'tets ama't ahuata ñeññpa' amach ahuañaña'tterro ama't errponaña.

Ñeññ atto allohuen arromñañnesha'pa' tomcherretcha' Yompor po'conaño allñapa' allcha' entyesaretterret errotente' ñeññ atet pa'yesete't e'ñe puesheña'ttset

¹¹ Allempoña o' nenterrerr atarr añecmuen conañ ñeññ atarr huallama't ñaña ñeññ anets all. Ñaña e'ñe po'partsoteñoñ a'chencatuan añ pats ñaña enet, o' e'ñe chenca'huerra poctacma. Ñocpuet ama eñalle allcha' a'puet ama't e'ñe coñe'ta.

¹²⁻¹³ Nent ñaña allohuen arromñañnesha' all tomchenet Yompor po'conaño. Ama't allohuen arromñañnesha' allo'tsa'yenet ama't ñeññ atarr sherba'yestse't ama't ñaña ñeññ ama asherboyenaye' entete'te. Ama't allpon omarrña'techno ñeññ omarrcha'tyestse't ahuatpa' ñetña ama't oñotpa' o' alla tantrra'tuerret. Ama't allohuen arromñañnesha' ama't o' chapuet all o'patenanet rromueñets, allotña o' alla tantrra'tuerret allohuenet. Ñeñto'mar ñet te'pa' e'ñe Yompor po'conaño tomcha'tuenet allohuenet. Allempoña allpa' tore'tet shonte' libro, ñeññña librorpa' all aquelca'huare't

ñeñtcha' yerpaterrahuet ñeñt allpon atet
 patse'tyesete't e'ñe puesheña'ttset. Allempoña
 Yomporpa' all entan ñeñt libro all aquellcaret
 ñeñt ama cohuenaye' es petso. Ñeñto'marña ñapa'
 attoña otteñe'cherranet o'ch mueñanet coñcheñtso.
 Alotñapa' tore'tet po'poñ libro ñeñt libropa' all
 aquellcaret añ pa'so'chñechno attochña ñetpa'
 corretsetach.

¹⁴⁻¹⁵ Allohuen ñeñt ama enteññañeto pa'so'cheñ
 libro all aquellcaret añ pa'so'chñechno ñeñt cor-
 retsetach, ñetñapa' asaprrotarettet o'pono all par-
 raren tso' erraparen. Ñeñt'pa' attochña rromuer-
 retter po'pocheño ñeñt puepocheñ rromueñets
 ñeñt e'ñe poctacma chenquëñets. Ñaña añ rro-
 mueñets ñeñt o'patenaya arromñañechno ñeñtara
 pa'netser pen rromueñets, ñeñt'pa'cho'ña ahua-
 pore'tare'tta o'pono all parraren tso' erraparen.

21

*Atto Juanpa' entan po'poñ enet ñeñt e'ñe etserra
 ñaña patspa'cho'ña o' etserraterr*

¹ Allempoña na ñeñten Juanan allpa' o' nenter-
 rerr po'poñ enet ñeñt e'ñe etserra, patspa'cho'ña
 o' etserraterr. Tarro'mar ñeñt atet yenten enet
 te' ñaña pats, ñeñt'pa' o' e'ñe chenca'huerra o'
 huañerr. Ñeñt etserra patspa' allña ama't sa'p ñeñt
 yenten añecmuen ama eñalle.

² Nenterrerr ñaña Parets pa'netser ñeñtara
 Jerusalén ñeñt o' etserraterr. Ñeñtñapa' en-
 to't a'suataretterra e'ñe Yomporeshot. Ñeñtñapa'
 atarr cohuen orrtena e'ñe atet orrtena ñerra'm
 puesheñarr coyanesha' allempo some'tenapa' o'ch

añño'tena e'ñe cochneshot attochña puerrollarpa' atarrcha' cohuen enteñ.

³ Allempoña napa' o' alla ne'muerrerr all e'morrtena ñoñets ñeñt huetsa entoť e'ñe Yompor po'conañoť. Ñeñtñapa' atet oten:

—Te'pa' señochepa'ch, o' çherr allempoch yeçherra Parets e'ñe parro epuet acheñenesha'. Ñeñtcha' e'ñe parro yeçherra ñetpa' e'ñe pueyochreshoche' penanet Yompor. Ña ama't atarr Paretspa' yeçherrach epuet acheñenesha' ñeñt e'ñe Po'yomporer penet.

⁴ Te'ña Yomporpa' o' a'huañañperrnay yellquëña, te'ña ama't ahuaťapa' amach alla yeyahuerre'te. Te' ama't ahuaťapa' amach yerromuerre'te amach yellquërre'te. Te' ama't ahuaťapa' amach eñalleterre'te yahueñets ama't ñaña atserrpeñets amach eñalle. Tarro'mar añeçhno ñeñt allpon yellcatyesaye't te'ñapa' o' e'ñe huañerr.

⁵ Allempoña Yompor ñeñt anets po'conaño'pa' alla eñorana'terrnerr, ñeñt'pa' atet oten:

—Te'ñapa' o'ch señoç, napa' o' netserrataterr ñeñt allohuen esocmañen eñall.

Allempoña'pa' alla oterrerr:

—Te' pçocoppa' añ pocte' o'ch alla pequel-lquërrerr ora allohuen añeçhno tarro'mar añ ñoñets ñeñtcha' atarr seyemtena ñeñt'pa' e'ñe po'ñoç atet.

⁶ Allempoña ñapa' alla oterrerr:

—Te'ña po'ñoçpa' o' e'ñe etsotuerra, o' huañerr ñeñt sentyese't ahuaťoteñ. Napa' e'ñe pa'motroteñ eñallen atten ñerra'mrrate' quelled A ñeñt pa'moter

pen alfabeto. Allempoteñña napa' chocma eñallen esempohuañencha' huañerr ñeñt allpon eñall, napa' atten ñerra'mrrate' quellec Z ñeñt all puen alfabeto. Te'pa' allohuen ñeñt ama e'ñeye' coshetso pueyoçhro ñeñt chocmach es e'nenet, nañapa' napanetcha' ñeñt alloch e'ñe eñmaterret. Tarro'mar atto ama cosheneto cha ottenet ñerra'mrrate' ñeñt atarr nanac oñpa'tets. Ñeñto'marña te' napa' notenes allohuenes ñeñtes oñpa'tetspa' napuerrescha' oñ ñeñt ama ahuañañate ñeñt chocma potets all. Ñeñtña oñ alloña sapa' corretsasach. Tarraña ñeñtñaapa' ama't coñe'tapa' amach setsa'tero. E'ñe atta napuenes.

⁷ Allohuen ñeñt metana'tue' pa'namen topateñtsoçhnopa' ñetñapa' no'pataterranet ora añeçhno a'nateñets. Attochña ñetpa' e'ñech Po'yomporer pennet, nañapa' e'ñech nechemeresha' nepohuenanet allohuenet.

⁸ Tarraña allohuen ñeñt ama name'ñenayo ñeñt echarrtetsa pueyoçhro, ñetñapa' aña o'patenahuet all parraren tso' errañaren, ñaña allohuen ñeñt etsotene' sosya'tsañeçhno ñeñt atarr atsenat'po' ñaña ñeñt amtsañnesha' ñaña ñeñt cañoresha'tets, ñetpa'cho'ña allohuenetpa' aña o'patenahuet all parraren tso' errañaren. Ñaña ñeñt amase'ñeçhno ñaña ñeñt po'yomporer pa'yene' ayeçhcatareteçhno ñaña allohuen ashcarñaçhno, ñetpa'cho'ña aña o'patenahuet all parraren tso' errañaren ñeñt huortets shemasher. Ñeñtña' allcha' puepocheño rromuerret.

Atto Juanpa' entan Yompor pa'netser ñeñt so'hua'netsa entot ñeñtara ñeñt sochetsa Jerusalén

9 Allempoña ñeñt cancherrsheña mellañoñesha' ñeñt echyesaye't po'pajotollesha' all e'chorrayesarete't ñeñt allot e'ñe orrtatuerret allohuanen muerochteñets, puesheñarrña mellañoñeña' o' huapapa' otosen:

—Apon o'ch pōcta'n o'ch negatenpa' ñeñtcha' puetapor perr Cristo ñeñt atma'ntataret Carrnero.

10 Allempoña napa' o' alla chorraterrenerr Yompor Puecamquēñ ñeñtña nanmue' a'yo allot'sen ñeñt atarr añecmuen aspenet. Alloña napa' nentapoñ Parets pa'netser ñeñt sohua'netsa entot e'ñe Yomporeshot ñeñtara ñeñt Jerusalén.

11 Ñeñtña anetserpa' cha popuetnena atarr cochnesha' atet cohuentena Yompor po'cohuenña. Po'popteña e'ñe atet ñerra'mrrate' mapue' ñeñt atarr poptame'te' ñeñt mapyer otenet jaspe ñeñt nanac amorrentaret. Ñeñtapa' e'ñe ora orrtatuenan allohuen ñeñt allot'sa'yen e'ñe all.

12 Ñeñt anetserpa' e'ñe aconcha'tam̄psaret a'yohuen. Ñeñt allo aconcha'tam̄psaretpa' atarr añecmuen enonet. Ñaña allot'sen charra' puechena epa yetarr allot be'tenet. E'ñe pate'tets yetarr allot'sa'yen ñaña puesheña'tets mellañoñeñ ñeñt cohuañpene' yetarr. Pate'tets yetarropa' all aquellca'yese't añ pa'so'chñechno Israel po'mreneñ ñeñt charrasheña puechena epa.

13 Ñeñt conchet, allot huena atsne' allot'sen ma'pa yetarr. Ñaña allenet emuena atsne'pa' allot'sen ñaña ma'pa yetarr.

Tenotemta'npa'cho'ña allo'tsen ma'pa yetarr.
Topotemta'npa'cho'ña allo'tsen ma'pa yetarr.

14 Ñeñt conchtar allo echarr aḡarettena pa'rrḡopa' e'ñe allohuenpa' allo'tsen čharra' puechena epa mapue' ñeñt allo echarrtateñet. Ñaña pate'tets mapue' allo echarrtateñet conchetpa' all aquellca'yesaret añ pa'so'chñečhno ñeñt čharrasheña puechena epa ñeñtpa' ñeñt puellsensarnesha' Cristo ñeñt atma'ntataret Carrnero.

15 Mellañoḡeñ ñeñt neserrpare'tatene' ñañaapa' echenan tepapets ñeñt oropepen allo tepuenan Parets pa'netser ñaña allo aconča'tamḡsaret ñaña pueyottarohuen.

16 Mellañoḡeñ atto tepuenan Yompor pa'netser e'ñe allponeshacma tepa'hue allemḡateñ — onañoneḡ ñaña pa'llpocha'peroneḡ ñaña enoneḡ e'ñe allponeshacma čha'nmach — dos mil doscientos kilómetro allemḡateñ.

17 Allemḡoña tepan ñaña conchet po'ḡateña ñeñtñaapa' allo'tsen sesenta cuatro metro. Ñehua, mellañoḡeñ e'ñe atet es tepa'yen atet es yetpa'yen yaña ñeñtey arromḡatey.

18 Ñaña añ conchetpa' añ ayečhcataret mapue' ñeñt atarr cohuen aspanamemeno poptame'tyena ñeñt otenet jaspe. Pa'netserñaapa' añ ayečhcataret oro — ora allohuenpa' e'ñe oroche'. Añ oropa' atarr nanac cohuen ñeñtpa' e'ñe orrtatuenan pa'namen ñeñt allpon allo'tsa'yen. E'ñe atet ñerra'mrrate' rerpat ñeñt atarr cohuen e'ñech orrtatuenan allohuen pa'namen ñeñt allo'tsa'yen.

19 Ñehua, añ econach allo orratenet conchet, ñeñt̃ econach puecllo'ya'tetspa' atsetareno poptena ñeñt̃ allo a'cohuentateñet. Ñeñt̃ ñanom econach puecllo'yarr allña'pa' añ ana'yesaret̃ atarr cohuen poptame'te' aspanamemenatollesha' ñeñt̃ otenet jaspe. Ñeñt̃ puepuecllo'yañ econach allña'pa' añ ana'yesaret̃ atarr cohuen poptame'te' asollememenaretollesha' ñeñt̃ otenet zafiro. Ñeñt̃ econach puema'puecllo'yañ allña'pa' añ ana'yesaret̃ atarr cohuen poptame'te' huallamemenatollesha' ñeñt̃ otenet ágata. Ñeñt̃ puepa'tatseclo'yañ econach allña'pa' añ ana'yesaret̃ atarr cohuen poptame'te' aspanamemenatollesha' ñeñt̃ otenet esmeralda.

20 Ñeñt̃ econach pa'mnarecllo'yañ allña'pa' añ ana'yesaret̃ ñeñt̃ atarr cohuen pa'namenot̃ poptame'tyena ñeñt̃ otenet ónice. Ñeñt̃ po'pechapuecllo'yañ econach allña'pa' añ ana'yesaret̃ atarr cohuen poptame'te' tsamemenatollesha' ñeñt̃ otenet cornalina. Ñeñt̃ econach po'cancherrecllo'yañ allña'pa' añ ana'yesaret̃ atarr cohuen poptame'te' shemashrememenatollesha' ñeñt̃ otenet crisólito. Ñeñt̃ econach po'psoclo'yañ allña'pa' añ ana'yesaret̃ atarr cohuen poptame'te' aspanamemenatollesho asolleten ñeñt̃ otenet berilo. Ñeñt̃ econach pue'sconeclo'yañ allña'pa' añ ana'yesaret̃ atarr cohuen poptame'te' e'ñe shemashrememenatollesha' ñeñt̃ otenet topacio. Ñeñt̃ econach po'charraclo'yañ allña'pa' añ ana'yesaret̃ atarr cohuen poptame'te' ama e'ñeye' aspanamemenaretolleshayaye

ñeñt̃ otenet crisoprasa. Ñeñt̃ econach po'charraclo'yañ puechena puec clo'yarr allñapa' añ ana'y esaret̃ atarr cohuen poptame'te' asollememenma'tetollesha' ñeñt̃ otenet jacinto. Ñeñt̃ econach po'charraclo'yañ puechena epuec clo'ya allñapa' añ ana'y esaret̃ atarr cohuen poptame'te' yetsñorromemenañollesha' ñeñt̃ otenet amatista.

²¹ Allohuen yetarrochno ñeñt̃ çharra' puechena epa e'ñe cohuen huallatrren atet̃ ñerra'm chempeshtall o'ponotpa' atarrcha' huallatillellen ñeñt̃ otenet perla. Pate'tets yetarr e'ñe pa'rra perla ayeçhcataret̃. Ñaña añ calle ñeñt̃ all chopeñe'chenet ñeñt̃pa' e'ñe oroche' ayeçhcataret̃ atet̃ ñerra'm rerpat ñeñt̃ e'ñe orrtatuene' ora ñeñt̃ allpon allo'tsa'yen all.

²² All Parets pa'netsro ama't pa'rra pocoll ama neñche ñeñt̃ all ma'yocheñet Yompor. Tarro'mar allpa' ama pallteno pocoll allcha' ma'yocheñet Yompor, tarro'mar ñeñt̃ nanac Parets ñeñt̃ Yepart-seshar yepen ñapa' e'ñe allo'tsen all ñeñt̃cha' ma'yochena allohuen acheñenesha' epuet ñaña Puechemer Cristo ñeñt̃ atma'ntaret̃ Carrnero.

²³ Ñaña Parets pa'netsro allpa' ama muenenano atsne' ama't arrorra ama mueneñeto ñeñt̃cha' çhoyo'tetsa all. Tarro'mar Yompor ñeñt̃ atto poptena pa'tsnomueño'tpa' ñeñt̃ña çhoyo'tetsa all epuet ñaña Puechemer Cristo ñeñt̃ña lamparñetets. Ñeñt̃ara Cristo ñeñt̃ atma'ntaret̃ Carrnero.

²⁴ Ñeñt̃ atto poptena Yompor pa'tsnomueño'tpa' ñeñt̃ña a'puetarsam'pene' erracmañen allohuen

pa'namen acheñenesha' attoña correnet e'ñe cohuen. Allohuen amcha'tareñnesha' ñeñt atto cohuentenet aña patsro, huapatueretcha' Parets pa'netsro alloch cohuentateññañet ñamet Parets pa'netser.

25 Ñeñt Parets pa'netser ñeñt pueyottar pen allot be'tenet, amach yottamperre'te e'ñech ellapene't atorare't. Allpa' ama't checmetapa' ama eñalle.

26 Allohuen pa'namen acheñenesha' ñeñt amcha'na'tpotyetsa aña patsro ñeñt atto cohuenetyenet, huapatueretcha' Parets pa'netsro alloch cohuentateññañet ñamet Parets pa'netser.

27 Allpa' ama't ahuatapa' amach orrtateto ñeñt sosya'tsañečno tarro'mar allpa' ama't puešeñarrapa' ama be'teno ñeñt cotape'chene' sosya'tsañečno ñeñt atarr tsena'ten Yompor ñeñt atet ñerra'm ashcarñañ. Allpa' aña be'tets ñeñt aquellcare't pa'so'chñečno Cristo po'libro attochña ñetpa' corretsetach.

22

1 Allempoña mellañoñeñpa' o' alla gaterrnerr po'ñes. Ñeñtpa' arro't huena conañot allo'tsen Yompor epuet ñaña Puechemer Cristo ñeñt atma'ntatare't Carrnero. Ñeñt oñpa' atarr cohuen, atarr llancasaseno poptaso'tena. Oñ ñeñt atarr cohuen añ toma'tena atto apueney Yompor attochña yapa' corretsayach e'ñe yocsheñeshocmañen errponohuañen.

2 Ñeñt Parets pa'netsro e'ñe rrocho allecma chopeñe'chenet, allña'pa' all oñen oñ. Ñeñt oñ emoto'mar popame'tar-ro all chopyen tsach.

Ñeñña tsachpa' atarr nanac me'ten, pueña'tets arrorrpa' chocma me'ten. Paterr charpa' charroch me'ten puechena epa. Ñeñt pue'mer ñeñtcha' apuerrey Yompor añ toma'ntena alloch yocrrerra errponañohuen ñeñt ama ahuañaño ama't ahuaña. Ñaña pasopanerpa' añecop sherben ñeñtcha' a'crraterre' allohuen pa'namen acheñenesha' e'ñe puecamquëñohuenet.

³ Parets pa'netsropa' amach eñalleterro ama't patrra ñeñtcha' a'cmaretterrtsa. Tarro'mar Yompor epuet ñaña Puechemer Cristo ñeñt atma'ntataret Carrnero, ñetña partsotetset all po'conañeto. Ñaña allohueney ñeñtey torretsa Yomporecop e'ñech cohuen yesherberr yaña all.

⁴ Yentercha' Parets yecuacle'channerrach parro epay Yompor. Yeto'moña yapa' quellquërrancha' e'ñe ña pa'so'cheñ.

⁵ Allña'pa' amach eñalleterro checmete'. Ñeñteycha' yeçhertsa allpa' amach yemnerro ñeñtcha' yeçhoyo'tamñse'. Atto te'pa' chocma yemnen lampareñ alloch yeçhoyo'tamñpena. Allempopa' amach yemnerro ñaña o'ch çhoyo'tamñpeney atsne', tarro'mar Yompor ñeñt Yepartseshar yepen, ñapa' ñaña pa'tsnomueña ñeñtcha' yeçhoyo'tamñperre' all. Ñaña yapa' ya'mñcha'tarettapreterach allempoteñ errponohuañen.

Arrpa' all eñotateney Jesucristopa' ahuencha' huerra po'pocheño arr patsro

⁶ Allempoña mellaño'teñpa' o' alla oterrner, ñeñtpa' atet oterrner:

—Ora allohuen añ ñoñetspa' e'ñech seyemcha tarro'mar ñeñtpa' e'ñech po'ñoçh atet perra. Ñaña Yompor ñeñt Yepartseshar yepen ñaña'pa' çhocma eñotatenan ñeñtcha' a'mtene' po'ñoñ. Ñeñtara Yompor ama't te'pa' o' llesensan po'mllañoñeñer ñeñtcha' gatyene' ñeñt torretsa ñocop ñeñtcha' ahuen atet perra ama't esempo.

⁷ Ñaña Cristo ñapa' atet oten:

—Señoche'pa'ch napa' ahuencha' nohuerra.

Atarr cosheñtso'tsen allohuen ñeñt yemtenaya ora allpon añ ñoñets ñeñt aquellcaret all Yompor po'libro ñeñtcha' atet perra esempo. Arrpa' allohua huañ ñeñt atet eñotaten mellañoñeñ.

⁸ Na ñeñten Juananpa' naña e'muene' ñeñt ora allohuen añ ñoñets ñaña naña entene' ñeñt allpon gatyennet. Allempoña napa' neconcorposa e'ñe mellañoñeñ pa'rrpo ñeñt negatyene' ora allpon pa'namen esocmañen o'ch nema'yochyañ.

⁹ Ñaña'pa' oten:

—Amach pema'yochatsetno na, tarro'mar napa'cho'ña e'ñe parropa' atta netorrapretenpa Yomporcop ñaña allohuen ñeñt pemo'nasheñeshachno pepen ñeñt a'mta'yene' Yompor po'ñoñ, epuet ñaña allohuen ñeñt atarr yemtenaya añ ñoñets ñeñt atet aquellcaret añ libro. Papa' Yomporña pema'yocha.

¹⁰ Allempoña ñeñt mellañoñeñpa' alla oterrerr:

—Ñato't cha pa'nasotena' añ ñeñt allpon Yompor po'ñoñ ñeñt o' pequellca'hua. Tarro'mar allpon ñeñt o' pequellca'hua ñeñtcha' atet perra esempo, te'ñapa' o' çhampoch allempoch attoch e'ñe et-sotuerra esempohuañen.

11 Tarraña e'ñe allempoteñ allohuen ñeñt ama cohuenaye' es petso ñeñtpa' allo'nepa'ch senet p̄atse'tyeset ñeñt ama cohuenaye' enteno Yompor. Allohuenet ñeñt añach ye'chenet sosya'tsañechno, ñetpa' allo'nepa'ch senet ye'chcatyesnomuet ñeñt atarr sosya'tsañechno. Tarraña allohuen ñeñt e'ñech cohuen es p̄a'yenetpa' ñetñapa' allo'nepa'ch senet e'ñe cohuen es p̄a'yestset. Ñaña allohuen ñeñt ma'yo'chrenaya ñeñt atto sherbeñet Parets, ñetpa'cho'ña allo'nepa'ch senet ma'yo'chrenet ñeñt atarr cohuen enten Parets.

12 Ñaña Cristo ñapa' atet oten:

—Te'pa' señoche'pa'ch napa' ahuencha' nohuerra. Nehuapaterrnascha' ñeñt no'patatensa alloch netsa'tuerrsa e'ñe puesheña'ttsos sa errotente' setorra'yese't. Tarraña o'ca'ye nehuapaterr ñaña alloch netsa'tatuera ñeñt ama pocteye' es petso.

13 Napa' e'ñe pa'motroteñ eñallen, atten ñerra'mrrate' quellec A ñeñt pa'moter pen alfabeto. Allempoteñña napa' chocma eñallen esempohuañencha' huañerr ñeñt allpon eñall, napa' atten ñerra'mrrate' quellec Z ñeñt all puen alfabeto.

14 Atarr cosheñtso'tsen allohuen ñeñt e'ñe pocte' enten Yompor o'ch tsomhuerrñañet Yompor puenaren alloch e'ñe correrret poctacma. Allempopa' amach alla rromuerrete'te. Ñeñtpa' ñeñtcha'ña e'ñe yoma'huerret ñesho. Ñehua, ñeñt e'ñe pocte' enten Yompor ñeñtpa' allohuen ñeñt e'ñe e'shohuaretterra po'chñar e'ñe pame'ñeñotet Cristo. Ñato' o'ch netma'ntacha atet: Ñetpa' o'

e'ñe tsama'tuerret pa'shtamuet attoch e'ñe pocte' entanet Yompor o'ch be'toset yetarro esheccha' çhapuet Yompor pa'netsro.

¹⁵ Tarraña allohuen ñeñt ama ame'ñenayo Cristo ñetña'pa' a'yote'tsa'yenetach Yompor pa'netsrot. Atet ñerra'm amase'ñe'čhno, ñaña ñeñt ecañoresha'čhno, ñaña ñeñt amtsañe'čhno ñaña allohuen ñeñt po'yomporer pene' aye'čhcataret ñaña allohuen ñeñt cohuen entene' allohuen shequēntso'čhno. Ñetpa' e'ñe ñeñta eñotenet o'ch shecare'chet acheñenesha'.

¹⁶ Allempoña Jesús'pa' alla oterrerr, ñeñt'pa' atet ot:

—Napa' naña ñeñten llesensene' nemillaño'teñer ñeñt o' eñotaterres ora añe'čhno, allohuenes ñeñtes e'ñe same'ñeño'ten na sapa' çhocma sap'cha'yena allemeñ anetso'mar. Napa' ñeñten allot huapa an'cha'taret David, elloñapa' o' alla po'm'reneñ perrnerr naña. Ñaña napa' atten ñerra'mrrate' ranto ñeñt atarr atarrem' ñeñt atarr huomenc atsnets o'ch puetarenmoch. Attoña na'puetarsam'peñ allohuen acheñenesha'.

¹⁷ Allohuen ñeñt pueyochresha' pen Parets ñetpa' atma'ntatare'tenet atet ñerra'mrrate' Cristo puetapor penahuet. Attoña ñet Parets Puecamquēño' oteñet Cristo:

—Apon.

Ñaña allohuenes ñeñtes e'mñotene' o'ch soch sam'a Cristo:

—Apon.

Ñaña allohuenet ñeñt oñpa'tets ñeñt ama eñmatetso pueyo'chreto ñeñt çhocma es e'nyenet, ñetpa'çho'ña huapuetepa'. Yoretepa' añ oñ,

allochñapa' ñetpa'cho'ña corretsetach. Ñeñt oñpa' e'ñech atfa aparettet, amach es tsa'tayo ama't e'ñe coñe'ta.

¹⁸ Na te'pa' o'ch noctape'chach allohuen ñeñt e'mñotene' añ ñoñets all oteney ñeñtcha' atet perra esempo. O'ch notanet: Ñerra'm esesha' atontatene' ñet poctapñet ñeñt ama atteye' otenye añ ñoñets, Yomporñapa' o'ch atontatanet ñocpuet ñeñtcha' muerochtaterrahuet ñeñt atet o' aquellca'huare'tta añ libro.

¹⁹ Ñaña ñerra'm esesha' cha a'chencatenan ama't patrra ñoñets ñeñt allpon aquellca'huare'tta añ libro, Yomporñapa' amach muenataneto o'ch es o'patapreteret all aquellcare'ttena libro allpon ñeñtñapa' corretsetach. Ñaña ñetpa' amach be'tosapo'tampereto Parets pa'netsro ñeñt atet o' aquellca'huare'tta añ libro.

²⁰ Ñeñtara Jesús ñeñt yeñotatyene' ora añechno, ñaña'papa' alla oterrerr:

—Napa' po'ño'hcha' ahuen nohuerrerr po'pocheño.

Yañapa' allohueney yoteñ:

—Apon Yepartseshare Jesucristo. Ñeñtpa' attetepa'ch yocop.

²¹ Yepartsesharepa'chña Jesucristo sa'natenaya e'ñe allohuenes. Ñeñtpa' attetepa'ch Nompore allohuenacpay. Arrpa' e'ñe allohua puen Yompor po'ñoñ.

**Yompōr Po'ñoñ ñeññ attō Yepartseshar
Jesuscristo e'ñe etserra a'pōctaterrnay
Yompōresho
New Testament in Yanasha' (PE:ame:Yanasha')**

copyright © 2008 Wycliffe Bible Translators, Inc.

Language: Yanasha'

Translation by: Wycliffe Bible Translators, Inc.

Yanasha'[ame], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Yanasha'

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files dated 29 Jan 2022

fa985bb4-fad0-5968-9ee4-626b89cba24f